

平陸縣續志卷之上

輿地類

粵①稽古②昔聖王，奉若天道，建邦設都，仰則辨方，各應星纏。俯則經野，爰敷疆域，以肇鴻基，以樹屏藩也。平陸為堯、舜、禹甸服③，或為侯國，或為列郡，世代紛更，隨時變易矣。乃其星應觜參，地昆④秦豫，川嶽之流峙，景物之瑰奇，風俗之變遷，分之險要，蓋有不能徧觀而盡覽者焉，豈曰偏隅可無記載？誌輿地。

註：

①「粵」：音越，發語詞。

②「稽古」：稽攷古昔之事物。

③「甸服」：《尚書》「五百里甸服」即去王城五百里地方曰「甸服」。

④「昆」：與毗同，連接之意。

沿革

攷平陸在禹貢冀州之域，唐虞夏皆為甸服。商為虞國，按《一統志》春秋為虞國

平陸縣續志

卷之上 輿地

地，戰國屬魏，為吳城。漢為河東郡，太陽縣地。東漢置河北縣，魏晉以後詳前志。

國朝雍正三年，改解州為直隸州專屬焉，歸河東道統轄，定單字難缺①。

註：

①「缺」：官職之空位。為出缺補缺之類。

星野

《春秋傳》曰：參為晉星，星記魏地畢、觜、參。《漢書》魏地觜、觶、參之分也。太史公曰：晉之疆候在辰，星占于參伐。《唐志》觜、觶參、伐實沈也。初畢十度餘八百四十一秒四之一，中參七度，中東井十一度。自漢之河東及上黨、太原盡西河之地。古晉①、魏②、虞③、唐④、耿⑤、楊⑥、霍⑦、冀⑧、黎⑨、郇⑩其地上應天厥南曲之陰，在晉地衆山之陽。南曲之陽，在秦地衆山之陰。陰陽之氣并故與東井通河東永樂芮城河北縣及河曲豐勝夏州皆東井之分，參伐為戎索，為武政，當河東盡大夏之墟，上黨次居下流，與趙魏接為觜觶之分。（按史云昂畢冀州觜觶參益州柳七星張三河晉志因之謂河東人張一度為鶉火之次，其說與前異。攷一統志

此論非是。

史曰：畢主邊兵，弋獵明則遠人來朝，失色則邊兵亂。觜明則天下安，五穀熟，移動天下旱。《隋志》云：觜為三軍之藏府，主葆旅收斂萬物。張衡云：葆旅野生之可食者，明則軍儲盈，將得勢。動而明盜賊群行，葆旅動移將有逐者。參為白獸之體，中三星應將伐，為斬艾事，又主權衡，所以平理也。小三星隅置曰觜觶，為虎首主葆旅事，井主水衡事，法令所取平也。甘氏曰：參為忠良孝謹之子，明則臣忠子孝。張衡云：王者用法平則井明而端。

平陸縣續志

卷之上 輿地

星野圖

實沈之次



注：

①「晉」：周成王封弟叔虞于唐，其子徙居晉，在今山西太原東北。

②「魏」：國名，戰國初晉大夫魏斯與韓趙共分晉地，建國于魏，即今山西南部與河南北部之地。

③「虞」：古國名，舜之先國于虞，《詩經》「虞芮質厥成」。周武王以封仲雍之後，是為西虞。

④「唐」：朝代名，堯之封地，今河北唐縣。

⑤「耿」：今山西河津縣地。

⑥「楊」：周宣王少子尚父封于楊，號楊侯，後併于晉。

⑦「霍」：國名，周武王弟霍叔之後，在今山西霍縣境。

⑧「冀」：國名，平陽皮氏縣，故城在今山西河津縣西。

⑨「黎」：今山西黎城縣，後魏之刈陵縣，隋改為黎城。

⑩「邰」：古國名，春秋時為晉地，在今山西臨猗縣境。

疆域

縣地在省西南一千里，東界垣曲，西界芮城，北界安邑，南界陝州，東南界澗池，西北界本州，西南界靈寶，東北界夏縣里至俱詳前志，南至河二里。渡河至陝州三里。

平陸縣續志

卷之上

輿地

三

西至葛趙四十里，渡河至靈寶五里前志渡河二十里非。東至茅津渡二十里，渡河至會輿鎮六里。

又東至白浪渡一百二十里，渡河至澗池五十里前志縣城至白浪渡一百八十里非。

形勢

縣城濱河依山，扼要守險，實三晉之門戶。水陸形勢，表里山河以上俱詳一統志，余詳前志。

山川

少祖山，在縣西北四十里，中條分支為縣脈之祖。

夢泉山，在縣東九十餘里，脈連中條山，高出群峰。南望大河，西顧滎海，邑人建祖師廟于其巔。每興工修造，廟旁凹處水出，足敷日用，怠工竣泉息，昔人故以夢泉山名焉。余詳前志

水利

攷舊志載三汭澗、盤南澗、沙澗、葛趙澗，昔為水利之鄉，今三汭澗依然，而灌溉無幾。盤南、沙澗、葛趙因道光年間河水沖決，地為沙石所壓，不能耕作，光緒五年知縣魯燮光、劉鴻達先後詳請蠲免①丁糧。

注：

①「獨」，讀捐，獨除，獨免之意。

渠堰附

興文渠、即魏公渠，近因天旱水涸，半就傾圮，光緒六年浙紳金觀察①福曾撥賑錢二百緡，知縣劉鴻遠督工築之，有碑記。

註：

①「觀察」，官名，清代俗稱道員為觀察，辛亥革命後，改各道為觀察使，尋改為道尹。

李公渠、即潘公渠也。後因澗水傾圮，開復維艱，渠道遂廢。道光八年山水漲發，澗東徙，知縣李澍生令民修築，渠道分為上中下三部，增生楊允超勒石記之。餘詳舊志。

葛趙村中有古渠一道，俗傳開自元朝，以補村脈，兼可灌田。同治間雨水大漲，渠崖沖塌，今廢。

風俗

士①、矜禮讓而無斗狠，羞狹邪而畏訟庭。

農、終歲勤動，四體憔悴，無產者尤勤負販，登穫後完課償債之餘，所盈無幾。食糠粃，衣短褐②。帖帖自甘，無怨尤。

平陸縣續志

卷之上

風俗

四

工、無絕藝俟諸來者。

商、邑多土著，無販賣③。錢行、質庫皆滿，絲、解、洋人，今因災後，當商皆歇業矣。

冠、古禮久廢。

婚、不論財物，但擇門戶。無貧富皆親迎，女嫁避六親送之，即日酬賓，次日款冰④，凡有賀者，婿必衣冠拜之。

喪、厚薄不一，稱家有無，葬行儒祭禮，富者亦邀請官紳題主⑤。

祭、族大者立祠堂，元旦祭之。忌日生辰及四時八節祭於家。元日啓主祀之，至十七日藏主。

元旦、士民祭其先，除夕設香案，陳牲醴，鷄鳴放爆竹，舉家之長幼祭焉。至午則聚其族衆，各備酒饌，合祭祖先，曰「拜神主」。祭畢，尊長叙坐，卑幼以次序拜畢，則餽⑥亭而散，然後親屬詣⑦門互拜，越日具酒食相邀請。

元宵、沿戶張燈，祠廟樹燈山，閭里舞龍，排雲，撐船，走馬皆以燈為之，或豎鞦韆於空地，有架杆，車輪，磨轆三式，戲者甚衆。十六日婦女遊衢曰「走百病」。

迎春、知縣偕僚屬，陳儀仗，迎春于東郊，社民賽鼓前驅，士庶夾道而觀。春婆一人以男為之，前二日入市，見物掠取少許，需物者亦不强攔。

清明、具牲醴掃墳致祭，歷紙墳巔。兒童皆握麥⑧繫髮以祈長壽。

四月一日、男女戴皂英葉紅花子。

端午、擇子懸香囊於項，繫彩繩於腕，煮角黍，親朋相餉。門懸艾虎，飲雄黃酒以避毒。

六月六日、曝衣攤書，取井花水以造麵。

七夕、女子避針乞巧，供織女、陳瓜果、金鼓喧闐^⑨。家女子令迷，能閉目針刺，醒後詢之以爲見織女云。拙者責之，父母不全者勿與。

七月十五日、祭掃如清明，但多係新墳。間亦有并舊墳而祭者。

中秋、蒸糕餅及鬻爐餅，謂之月餅，夜間交請賞月。

重陽、登高燕樂，食糕賞菊。戚友以糕相餉。

十月一日、黃昏祀祖先，裁五色紙焚門外曰：「燒寒衣」。

冬至、具牲醴，夜祀土神。凡本年修造之處，無不設燈。

十二月五日、煮五色豆祀先，謂之五豆。

臘八、煮粥祀先，劑以鹽花薑屑，鄰里間亦有相餉者。

二十三日、夜祭灶，次日掃舍宇。

除夕、易門神、桃符作春帖，各門插柏枝記歲。

註：

①「矜」：莊以持己曰「矜」，即矜持之意。

②「褐」：請謁，毛巾、粗服也。

③「賈」：音古，行商曰商，坐商曰賈。

平陸縣續志

卷之上

營建

五

④「飲冰」：設盛宴招待冰人即媒人也。

⑤「題主」：喪家葬日請宗親之善書者，題署死者之銜于木主之上謂之題主，亦曰點主。

⑥「餼」：音俊，食之剩餘也。

⑦「詣」：請謁，到、往候也。

⑧「捭」：請押，拔取之意。捭參繫髮，捭參繫于頭髮上。

⑨「喧闐」：大聲熱鬧也。

營建類

《尹文子》曰：「有能而無益于事，君子弗爲；有理而可益于治，君子不得不爲。」故創經久之制，建宏遠之規，因時立事，有不可少緩者耳！夫捍禦有城，臨蒞有治，育才有序，積儲有倉，歷經續葺可弗講與？他如俎豆薦馨之所，告虔宜肅。與徒往來之地，修舉宜勤。村落星分，坊舖棋布，其所營繕烏容已哉！顧有司憚興作者惕于費，循廢弛者狃于故，尚因仍者怠于爲，視敝陋之弗理蔑如也。匪作于前，奚則于後，志營建。

城池

縣城創于金興定丁丑，歷代續葺，俱詳前志。咸豐初，知縣余正酉重修。垣以土，雉堞①以磚。工興于元年三月，竣②于二年八月。同治六年冬，知縣華鎮補葺北城二十丈，角樓二，礮台十一，垛口三百六十。

池四周三里，深一丈，濶如之。今漸淤狹。

註：

①「雉堞」，城上之女牆。

②「竣」，完成之意。

學校

縣學及學宮創建始末，俱詳前志。乾隆五十九年知縣萬科炳重修，道光七年知縣李澍生重修，同治四年知縣張懷堃重修，均有碑記。

崇聖祠及

魁光樓、名宦、鄉賢、節孝等祠重修年分俱同。

文廟

文昌祠乾隆三十六年知縣趙中潤重修，咸豐七年正月奉文升入中祀，並祀

平陸縣續志

卷之上

營建

六

三代。

學制附

漢武帝始置弟子員①以此取士。唐制上縣四十人，中縣三十五人，下縣二十五人。宋無定員，崇甯二年，以費絀減之，照現籍三分而汰一。元有太學生、小學、樂生。洪武初令縣學二十人，日給廩膳②。宣德三年復設增廣生員③數亦如之。正統十二年，令額外選軍民子弟入學爲附學生。

國初仍明制，康熙十九年定大中小學，平爲中學歲科，每次額進文章十二名，歲試進武童十二名，二年一貢，有覃恩正貢作恩貢，次貢作正貢，二十五年奉旨十二年各學選拔一人，三十九年停止。雍正五年奉上諭嗣后六年選拔一次，國子監屆期提請候旨。乾隆七年奉上諭選拔定爲十二年一舉，著爲例。

註：

①「弟子員」，即生員也。

②「廩膳」，日用飲食補給生員者，即稱廩膳生員，簡稱廩生。

③「增廣生員」，清制于學中正額外續加增廣者，謂之增廣生員，亦稱增生。

傅巖書院創建詳前志，道光二年知縣李澍生重修。咸豐二年知縣余正西補葺。各鄉租田因大侵佃戶逃亡，多半無著。知縣劉鴻遠力爲清查，今將查出村名、畝數、附載人志，庶將來查攷有據，以免遺失云。

菴門前共地二十七畝二分六釐、湖里村共地十三畝七分六釐、下澗村共地十五畝、燕家山共地一頃三十九畝一分八釐、曹家莊共地二頃二畝四分七釐、又老荒地一頃三畝、溝北村共地四十三畝三分三釐現荒、小堆村共地四十四畝現荒、曹家川共地九十四畝八分四釐、內有現荒七畝、官保溝共地一頃六十四畝、內有新荒五十一畝、柏樹圪塔共地二十七畝現荒、范家莊共地四十三畝現荒、井坡村共地八十四畝五分、呂元村共地四十九畝、內有新荒二十畝、石頭坡南凹軍家坡共地一頃二十五畝、白家河共地八十一畝、內有新荒十四畝、坡頭村共地五十六畝、徒泉村共地六十一畝、馬家莊共地三十畝、王家溝共地十畝、東馮家凹共地四十六畝、安善溝共地十八畝、西馮家凹共地七十二畝六分四釐現荒、趙家岑共地二十畝、王沙澗共地四十一畝五分六釐、解沙澗共地三十一畝、秦頭村共地十畝六分六釐、馬浮沱共地一頃

平陸縣續志

卷之上

營建

七

一十五畝、內有新荒十六畝、營村共地二十五畝八分七釐現荒、大石嶺共地二十九畝現荒、勺果村二十一畝六分六釐、勺魚村共地十八畝、紅凸村共地九十六畝二分八釐、上牛村共地二十二畝、黑窑村共地二頃七十八畝六分一釐、內有新荒二頃一十七畝一分一釐、陽朝村共地三十八畝、現荒、辛莊村共地七十二畝五分九釐、東村共地十九畝二分四釐、現荒、車村共地二畝四分九釐、閻家坡七十一畝三分、內有新荒六十一畝三分、陸家坡共地一頃一十三畝九分五釐、內有新荒九十二畝九分五釐、北留史村共地九畝三分四釐、內有新荒四畝九分七釐、南留史共地十七畝二分八釐、爨家坡共地二十畝二分、現荒、上卓村共地一頃九十三畝五分、內有新荒一頃四十三畝五分。西車村共地二十三畝一分四釐、關家莊共地七十畝、現荒、全家潭共地十五畝五分九釐、南官道共地六畝、書院門前共地二畝、以上共熟地一十四頃八十七畝六分八釐、共荒地一十二頃八十一畝九分七釐、共租銀三百四十八兩四錢三分六釐、共錢租四十六千三百五十文、共麥租五十一石七斗六合、共穀租五十一石七斗六合。

續查官家莊共地六十七畝四分六厘、每年麥、穀各五石二斗三升六勺、現招佃三十

三畝七分、下荒三十三畝零。

義學①附

舊志義學三：一在縣城隆禧觀，一在縣東張店鎮俱久廢一在縣西原里村久圯，今址改建觀音堂。

新義學二：一在縣城北關，乾隆四十七年，知縣李鐘淑以古北社倉故址見古志捐廉飭邑紳趙實菴、毛鳳翔等創建講堂五楹、學舍二楹、門房一楹、大門三楹、前樹壁講堂北正窰三孔、前接三軒、東西廂房各三楹、東隅便門一、上建樓門一間。知縣張輔重修。其延師經費，統歸書院開支。同治五年知縣馬丕瑤廣為興復，遍及鄉鎮，後因荒遂廢。光緒三年歲祲，學廢。五年知縣劉鴻遠到任，以合邑無書聲，即捐廉延師課讀，并廣為勸諭，至六年而各塾相繼興起焉。一在茅津下街，嘉慶十七年，縣丞李雲衢捐廉二百金交紳士生息，為延師資。二十年嗣任張鴻儒，復捐錢借龍王廟舍延師課讀。道光八年縣丞王玉抵任，以息金置地八十七畝五分，擬建學舍，不果。二十年縣丞魏炳履任，復捐俸五十緡②，紳士劉兆麟等以義學佃戶抗租累糧稟縣，移歸縣丞就近辦理。二十六年前縣丞王玉之子雲漢復官是缺，創建義學以成父志。買成院兩所，價三百五十緡，復捐俸二十緡，知縣余懷堂捐五十緡，遂鳩工改

平陸縣續志

卷之上

營建

作，而講習有地焉。計前院門房三楹，廂房各二楹，講堂三楹，後樹屏門一，東西廂房各三楹，甌窰二孔，前插軒三楹，其房院畝數并邑紳王殿梁捐地二畝，均勒石有記。咸豐八年縣丞陸以耕蒞任後，捐廉重修。復募化捐資，除歷年延師課獎外，添置東院一所，前院東西廂房各三楹，中建門樓一座。後院北窰一孔，並買地三十四畝九分五釐，共計價銀三百四十三兩零，連前共地一百二十二畝六分五釐，共完糧銀十一兩三錢四分九釐三毫。按加一三完納

註：

①「義學」，以公款設學，教育貧民子弟，不收學費，謂之「義學」。

②「緡」，舊日之錢串。

壇廟

壇是祭場也，築土為之，古有大事多設壇，如朝會、盟誓、拜大將皆用之。

先農、社稷、風雲、雷雨等壇俱詳前志。平無淫祠①，而三家之村，必設廟祀，皆前志所載之神，故不復採。

註：

①「淫祠」，濫設之祠廟。

關帝廟創建詳前志，道光八年知縣李澍生重修，咸豐四年正月奉文升人中祀，加封聖帝三代爲王；曾祖光昭王，祖裕昌王，父成忠王，並祀後殿。嘉慶五年，知縣萬科炳、劉成義，同治四年知縣張懷莖歷次重修。

城隍廟①，創建見前志，道光二十二年知縣吳逢甲重修。

註：①「城隍廟」：廟在舊縣城西北隅，今毀。城隍，神名，城是城牆，隍是城壕，舊曾加封，府爲公，州爲侯，縣爲伯。

吳泰伯廟在吳山之麓，創建見前志。康熙二十三年知縣金煒重修，後圯。乾隆四十九年知縣李鍾淑與邑人重建，有碑記。後邑人李懷安、李望清先後重修。

八蜡廟①在泰伯廟東，乾隆四十九年知縣李鍾淑與邑人重建。道光十五年邑人李懷安，同治七年邑人李望清歷次重修。

註：

①「八蜡廟」：古有八蜡之祭，所祭爲神農、后稷、田畯、貓虎、昆虫等。

后土廟①在縣西六十里。北枕條山，南臨大河，地脈雄厚，川原廣衍。左屬虞，右屬芮，廟址方圓十畝，創建不可攷。明天啓二年至今屢次修理，樹林蔭翳，廟宇輝煌，真兩縣接壤之勝地也。

平陸縣續志

卷之上

營建

九

註：

①「后土廟」：中央戊己土，其神曰后土。俗稱娘娘廟。

岱岳廟①在縣西三十里，創建見前志。宋迄元歷次修葺，同治間社民又復重修。

註：

①「岱岳廟」：岱岳即泰山。

陸公祠①在縣治東郭外傅巖書院之西，道光二十一年爲故令陸樟建。

註：

①「陸公祠」：紀念清嘉慶年間本縣知縣陸樟不忍地震死傷人民衆多，而自殺者。

呂祖廟①在縣治西南隅，同治八年華鏜以義倉故址捐廉創建。正殿三楹，中祀呂祖，東祀華真君，西祀龍王。殿前獻亭三楹，東舍房三間，南廟門三間，上建樂樓。

註：

①「呂祖廟」：舊祀唐京兆人呂巖字洞賓號純陽子又號稱呂祖。

衙神祠，前爲土地祠，嘉慶十九年知縣陸樟復宏其規模，改建正殿五楹，獻亭

五楹，中祀漢相蕭曹^①，旁祀土地、庫神、馬神、倉神。道光二年知縣李澍生建樂樓，咸豐十一年重修。

註：

①「蕭曹」，係祀漢相蕭何，曹參也。

公署

縣署乾隆甲申以前修葺，俱詳前志。其原建之彰善癉惡^①二亭久廢，攷頭門石額，明正德二年知縣王經、縣丞趙鉉、主簿^②陳璇、典史^③李恭創建。今前志以正德元年知縣王紳繼葺，中堂捲棚，退堂幕廳，庫樓六曹^④，戒石亭，儀門、土地祠、獄室、大門，復于門頂建譙樓三楹。按王紳職官志嘉靖四年任，考明史武宗在位十六載。年號正德。正德之後始為嘉靖，則正德之元年修理公署，乃王經，非王紳也。今前志職官丞^⑤、簿、尉名皆存而遺王經，復誤王紳續修衙署，其失攷與？今附記之。咸豐七年知縣余懷堂彩飾大堂，頭門，光緒二年知縣魯燮光復飾戒石亭及儀門^⑥頭門，重修花廳簽押房各三間。

縣丞署在茅津，嘉靖四年以巡檢署改之。

平陸縣續志

卷之上

營建

教諭、訓導^⑦、典史等署俱詳前志。

註：

①「彰善癉惡」，癉病也。即表彰其善者而病罰其為惡者也。

②「主簿」官名，管理支出簿籍，乃掾吏之領袖。

③「典史」，官名，清代以典史主縣獄及捕盜之事。

④「六曹」，舊官制有吏、戶、禮、兵、刑、工自中央到地方均設之。

⑤「丞」，官名，屬佐也。

⑥「儀門」，官署門名。

⑦「教諭、訓導」，均明、清時縣學教官。

平垣營遊擊、千總^①等署見前志。

守備、把總等署俱在茅津、白浪渡。汛外委署在南溝，以上三署俱同治元年奉文創建，知縣張懷埜，遊擊谷景昌監修。外委千總署在張店。外委把總署即城守營，在縣城南門外，後移東門外安懷堂。

演武場三：一在縣城南郭門外，修廣十畝，為有司試武士、練民壯及城守營操

兵之所，其餘在茅津，詳兵事。

註：

①「千總」：官名，清代武職之下級軍官，與後之中尉相等。

倉儲

前志常平倉①，在縣治內，東倉廩②六座，現祇兩座，計八間。大堂西有倉廩四座，計十六間。內木廩三間，創建年月不可攷。道光二十九年知縣余正西重修，今漸圯，東廩亦圯。

額、儲穀一萬四千石，自嘉慶十八年起至咸豐十年止倉穀均供碾兵米，價劃扣司庫，倉無存穀。

社倉在縣治東，倉廩五座，社穀無定額。

前志儲一千二百十八石義倉在縣治南，倉廩兩座，

義穀無定額。

前志儲二千八百八十五石

嘉慶十一年因歲荒，將社義穀出借在民，後題請豁免。

今社義倉均圯，義倉基址同治八年知縣華鏞改建呂祖廟。

註：

①「常平倉」：建倉于穀賤時加價而糶，貴時減價而糶，曰「常平倉」。

平陸縣續志

卷之上

營建

②「廩」：讀救，倉房也。

③「圯」：土旁從己者讀否毀壞也。

坊表 乾隆二十八年見前志

茅津古渡「德政坊」，士民爲縣丞王玉立。

「德政碑」四，爲知縣李鍾淑、張懷塋、余懷堂、遊擊谷景昌立。

「鍾靈毓俊」坊在縣城東門內，閭邑士庶建。

「秋官大夫」坊在縣城東門外，爲萬歷丁未科進士刑部郎中王鶴齡建。

「節孝總坊」在縣城南門內，爲閭邑節婦建。

「節孝坊」在張浮沱，爲張不伐之妻李氏建。

「節孝坊」在寨頭村，爲伊素寬之妻楊氏建。

「節孝坊」在太陽鎮，爲員 之妻杜氏建。

鋪遞

原額設鋪遞①十三處見前志，工食銀一百五十六兩。咸豐四年奉文將鋪遞裁汰，改設遞役十二名，遞送文報，著留工食十分之四，銀六十二兩四錢，解司銀九十三

兩六錢。

註：

①「鋪遞」，猶今之郵局，傳遞文書郵件事務。

津渡

官渡四，一在城南二里為太陽渡，一在縣西四十里洪陽渡，一在縣東二十里茅津渡，舊設巡檢①一員，專司豫引過渡，巡緝私販。嘉慶四年裁巡檢，改設縣丞。一在縣東一百二十里白浪渡。國初因明制設巡檢一員，順治十二年巡司吳遂以糊口無資，棄印宵遁，當事題請裁缺。見古志同治元年因捻匪②擾豫，沿河防堵，奏設外委一員，守兵五十名。

民渡一，在縣西二十里車村。
餘詳前志各渡
船隻見河防

註：

①「巡檢」，官名，古來以沿邊、沿河、沿海設都巡檢或巡檢所轄數州縣或一州縣，掌管練兵，巡邏州縣捕捉盜賊，所在聽州縣守令之節制。
②「捻匪」清嘉慶時，山東、江蘇、安徽三省交界處鄉人迎神賽會，有燃油紙捻為龍戲之俗，咸豐時結黨起事，活動于北數省，俗謂之捻子，後被清軍鎮壓。匪者，清統治者對起義軍的詛稱。

集會

平陸縣續志

卷之上 營建

縣城每日清晨集，茅津鎮、張店街每日集，常樂鎮、中張村每逢單日集，洪池鎮每逢雙日集。

廣德會	正月二十日 三月十五日	馬村會	二月初二日	車村會	二月初五日
順頭會	十一月初九日 二月初九日	胡村會	二月初九日	東關會	二月十一日 四月十八日 五月廿八日 九月十七日
張峪會	二月十五日 十月十八日 十二月十一日	岳村會	二月初一日	常樂會	三月初八日
上焦會	三月初一日	洪池會	三月初三日 十月十五日	留史會	三月初三日 九月初三日
太臣會	三月初三日	陽朝會	三月初五日	中張會	三月初五日 十二月初五日
茅津會	三月初五日 四月初五日 五月初五日 六月初五日 七月初五日 八月初五日 九月初五日 十月初五日 十一月初五日 十二月初五日	西街會	三月十二日 六月廿二日 十二月十二日	東鄭會	三月十日
張店會	三月初七日 四月初七日 五月初七日 六月初七日 七月初七日 八月初七日 九月初七日 十月初七日 十一月初七日 十二月初七日	張村會	三月初八日	西侯會	三月初十日
計村會	三月初十五日	西張會	三月初十五日	八政會	三月廿八日 九月十三日
阮廟會	三月初廿八日 十月十日	潤北會	四月初一日	堯店會	四月初八日
西祁會	四月初四日	西灣會	四月初五日	下郭會	六月初一日
太寬會	七月初十日	南村會	七月初三日	令狐家窩會	七月初五日
北關會	八月十五日	西鄭會	九月初三日	葛趙會	十月十五日 十二月十八日

南吳會 十月二十日

南關會 十月二十二日

南侯會 十月二十五日

里鎮

《一統志》縣屬勝朝初編戶五十五里，明末饑饉①游臻②，地荒人竄，減為三十六里，再減為十八里，復減為八大里，四小里，八大里詳前志，四小里即三坊，志過、東西鹽莊。鎮之遞減亦如之，茅津鎮在縣東二十里，張峪鎮在縣西十五里，常樂鎮在縣西三十里，葛趙鎮在縣西四十里，洪池鎮在縣西四十里。俱詳村堡

註：

①「飢饉」，穀不熟曰飢，菜不熟曰饉，謂荒年也。

②「游臻」，游請存，再也，臻，至也，即接連而來也。

村堡

茅津寨，即茅津鎮前為堡，詳前志。歲久傾圮，同治七年因豫匪不靖，歲貢陳凌霞等公稟築寨，知縣華鎮，詳請興修。本道李慶翱倡捐錢三百緡，邑之官弁紳民協力輸資移會，縣丞陸以耕廣其基址改堡為寨。東西廣二里餘，南北袤一里，周五里，除高崖僅添雉堞外，計築土垣二百餘丈，高二丈，下寬二丈，上丈二，池因地

平陸縣續志

卷之上

營建

三

勢深寬不一。寨門六：東南曰《揆文》，南曰《阜薰》，西曰《奮武》，北曰《星拱》，西北門無額，正東門前名《永固》，後圯另議改建，旋因大浸未果。

八政堡，詳前志。堡垣圯毀①不完，地當通衢②，在縣東四十里，距張店三十里。

張店堡，詳前志。

即虞城外郭

堡垣今圯毀不完，南北孔道，在縣東北七十里。昔時

人烟湊集，頗稱巨鎮。今因災浸，大遜于昔。邑地皆山，民多穴居。大小村莊九百六十有二：計大村五十三，五十戶以上為大村中村一百五十一，十戶以上為中村余則三五家及一二家

為一村，此次災浸戶口逃亡，村宇為墟③者尤多。今將小莊歸附大村，令大村之鄉地稽查，以省擾累。五百餘戶之村一茅津。二百餘戶之村二，葛趙、常樂。一百餘戶之村七，令狐家窩、沙口、張峪、車村、張店、太陽、南吳，數十戶之村九十四，餘皆十戶以下矣。今除前志盤南等一百五十村不列外，下餘村莊附記于後。其不及三戶之村附

併大莊以歸簡易。

東路

禹廟村

盤窩村

槐樹下

高家凸

蘇南村

平陸縣續志

卷之上

營建

羅家嶺 陳家窑 姚家坡 陳霽霽 陽坡村

虎廟村 胡圪塔 席家坪 尖坪村 東陽村

楊家凹 李家莊 蹄趾村 師家底 前馬泉溝

柏樹爻 老虎凸 余裏村 王家溝 滑二里

南嶺村 木匠嶺 紅樹爻 東中村 前川子村

溝西村 衛霽霽 仝原村 簸箕灣 東寨村

西流河 儀家嶺 劉家爻 儀霽霽 坡底村

土橋村 小原村 背坡村 小嶺溝 香春溝

常家崖 廟底村 花家底 曹嶺村 東溝村

關保溝 梭扒村 廟溝村 辿子村 宋家河

鄭家溝 朱嶺村 任霽霽 上堡村 胡樹窰

王家坡 朝陽坡 賀家莊 圪塔村 韋元頂

石板溝 坡頭村 下澗村 員家山 崖頭村

馬圪塔 牛家峪 賢妻村 楊家溝 峪口村

安舖村 劉家嶺 勺兒凸 王家坡 陡泉村

廟窰村 岔溝村 楊迷凹 大寨村 花嶺村

葦園村 堡子上 窑凹村 車窑上 蔣家窑

索里村 窑窩村 前莊村 下坪村 劉家莊

老鴉石 姚家坪 窑坪村 曹家村 七泉村

趙家川 靳家底 龍潭溝 句家後 金圪塔

柏崖下 窑圈 楊家窑 寺溝 龐家坡

槐口 背坡村 溝北村 上堡村 楊家村

倉里村 岳村

西路

窑頭村 王村 文家滑 坑底村 趙家滑

西堡村 窑瓦溝 王字溝 堡子村 黃家凹

窑兒頭 東莊村 姜家凸 劉家莊 鐵家磨

溝南村 蘆子凹 温家溝 呂家崖 西杏頭

磨窩村 東滑村

西北路

橋頭村 元圪塔 胡家溝 磨凹村 邵家溝

張家溝 爨家坡 申家凸 毛家溝 寶聚莊

晉廟村 温家溝 小嶺村 衛家莊 前蘇家溝

鄭家坡 斜坡村 張銀凹 青龍嶺

上路

李民凹 風口村 柴家坡 水磨溝 吳家凸

馬家溝 上牛村 紅凸村 安家溝 張果村

北嶺後 柏樹嶺

中路

東坪頭 轉村 柏阪村 火口村 辛莊村

柳溝村 七里坡 閻家坡 東祁村 滑里村

上坑東 王家溝 營村 黑家溝 大石嶺

平陸縣續志

卷之上 營建

佐家溝 風斜口 張家坡 大坪頭 樊家莊

灰窩村 崔家坡 蛟龍坪 許家莊 車家坡

梁家莊 爨里村 陳居士莊 黑窑村 謝家莊

橋子上 阪坡村 鄭家溝 南莊 劉家溝

油房莊 安子溝 黃家莊

三坊

在城三街三關 大小澗北 仝家潭 趙家坡

註：

①「坍」：讀灘，土崩即坍塌。

②「通衢」：衢讀曲，通衢即通行大路。

③「墟」：遺址曰墟。

橋樑

廣濟橋、在縣東北七十里，張店鎮之南，未詳創始，因傾圮險不可行，道光二十五年知縣余懷堂於橋之偏東擇基築牆，橋工倍之，車馬行人始無傾跌之患，傍有

碑記。

大坡橋、在縣東北七十餘里與清涼山坡相連，經百步，每為水患，行旅苦之，光緒四年欽差稽查山西賑務，前工部右侍郎閻，因運賑糧重修。橋北約百餘步即平邑之北界，昔界坊址猶可攷焉。

六里坡、為縣脉所關，日久傾圮欲斷，知縣馬丕瑤修之。又于坡上創建過廳三間，以便行人之止息焉。

鹽窩坡、在縣東二十里茅津鎮，為運鹽要路。近被水冲，往來苦之。光緒六年浙紳觀察金福曾撥賑錢三百五十緡，知縣劉鴻達、縣丞陸以耕督工修之，有碑記。

見藝文

賦役類

賦役何昉①乎？《禹貢》庶土交正，咸則二壤，成賦中邦。《周禮》小司徒頒比法於六鄉之大夫，各登其鄉之衆寡以行徵令，蓋有田則有賦，有丁則有役，編其戶口，辨其物產，民生國計，實基于此。長人者誠思王業之所本，小民之所依，禁游惰而為之者衆，省力役而不奪其時，減賦課而不罄②其有，將見民以財聚，事以義終，

平陸縣續志

卷之上

賦役

臻治化于無聲，昭承平于有象，誠易易矣！誌賦役。

註：

①「昉」：開始之意。

②「罄」：盡也，空也。

田賦

按民田自順治四年前撫憲祝、十四年前撫憲白、乾隆二十九年以前撫憲和、先後題請豁免荒坍地畝外，實在原額水平坡沙共地一千八百一十八頃三十七畝五分四毫，共徵糧九千六百四十一石二斗四升二合五勺九抄二撮，共徵折色暨地畝九釐，驛站等銀一萬一千九十四兩一錢六分八釐六毫九忽二微七纖八塵八渺九埃二漠。

又明萬曆間加增絲絹銀一十二兩三錢五分，又地差銀二千二百五十八兩七分三釐五毫五絲八忽九微。我朝自順治八年起至雍正十二年止，共墾平坡沙地共八百八十一頃六十二畝九分八釐一毫九絲八忽二微，共徵糧三千四百一十一石九斗一升二勺四抄五撮九圭二粒二粟，共徵折色銀三千六百八十七兩六錢七分五釐四毫四絲二忽八微七纖四沙二塵一渺五埃三漠。

以上實在民田共熟地二千七百畝四分八釐五毫九絲八忽二微，共徵糧一萬三千五十三石一斗五升二合八勺三抄七撮九圭二粒二粟，共徵折色銀一萬七千五十二兩二錢六分七釐六毫一絲一忽四纖五沙一塵四埃五漠。

平陽衛屯田、上中下共熟地六十一頃一畝二分一釐七毫，共徵糧一百九十一石七斗四升一合，共折銀一百五十三兩三錢九分二釐八毫。自順治十三年至康熙十六年共墾屯田七頃二十二畝，共徵糧二十二石五斗三升七勺，共折銀一十七兩八錢九分八釐一毫。

以上實在屯田共熟地六十八頃二十三畝二分一釐七毫，共徵糧二百一十四石一斗七升一合七勺，共折銀一百七十一兩二錢九分九毫。

更名共熟地四頃八十五畝三分三釐，共徵銀三兩二錢一分五釐。自順治十五年至康熙十六年共墾地三頃四十七畝七分九釐，共折徵銀二兩三錢三釐二毫三絲五忽二微三纖一沙二塵。

以上實在更名熟地共八頃三十三畝一分二釐，共折徵銀五兩五錢一分八釐二毫五忽二微三纖一沙二塵。

平陸縣續志

卷之上

賦役

一七

額外黃河灘地二十三頃一十八畝八分，共徵銀四十九兩九錢七分五釐二毫。

雍正七年墾地二十頃一十二畝，共徵銀四十三兩三錢六分二釐九毫九絲五微一纖一沙九塵五渺六埃。

以上實在灘地四十三頃三十畝八分，共徵租銀九十三兩三錢三分七釐二毫。

除乾隆二十九年案内豁免灘地一頃五十七畝六分，該銀三兩三錢九分六釐六毫二絲三忽九纖八沙八塵八渺八埃八漠。

共實在灘地四十一頃七十三畝二分，共徵銀八十九兩九錢四分一釐五毫六絲六忽六微三沙六渺八埃。

以上實在民田、屯田、更名、河灘四項共熟地二千八百一十八頃三十畝二釐二毫九絲八忽二微，共徵糧一萬三千二百六十七石四斗二升四合五勺三抄七撮九圭二粒二粟，共折色銀一萬七千三百一十九兩一分八釐二毫八絲二忽八微七纖九沙三塵七渺二埃五漠。

乾隆十年，題將丁銀歸入地糧徵收銀二千七百六十一兩一錢九分一釐五毫一絲三微二纖五沙九塵四渺八埃六漠。又屯丁均徭銀二十兩二錢九分八釐七毫七絲七忽

九微九纖二沙五塵。

以上共丁徭歸入地糧徵收銀二千七百八十一兩四錢九分二毫八絲八忽三微一纖八沙四塵四渺八埃六漠。

以上共徵丁糧銀二萬一百兩五錢八釐五毫七絲一忽一微九纖七沙八塵二渺一埃一漠。

原額耗羨銀二千六百一十五兩三錢七分二釐。

光緒六年，知縣魯燮光、劉鴻逵先後詳請豁免葛趙等二十二村河冲沙壓水平坡沙地六十六頃五十三畝九分，合糧一百九十五石五斗五合八勺九抄，折銀三百六十四兩二錢六分八釐五毫四絲五忽六微，丁耗銀四十六兩八錢三分四釐九毫一絲一忽，蒙爵撫憲具奏奉旨允準。

屯田更名記略。平邑何以有屯田也？明初太祖立民兵萬戶，府衛職，省南曰平陽衛，駐臨汾設屯田，即古寓兵于農之意，其法最善。屯田有二：曰民屯、軍屯。崇禎間侯司徒恂屯田奏議，民軍之外又有官屯、兵屯、商屯、屯以人異也。閒嘗參攷故事，永樂時每都司撥旗軍十一名耕種，號曰「樣田」。隆慶二年，將宣大屯田開熟

平陸縣續志

卷之上

賦役

一八

者每十頃給官軍五十畝爲養廉，此官屯所由名也。兵屯者，太祖從宋訥策守邊士卒備議察外悉令屯田，每將以東西五百里爲制，耕作以時，訓練以法也。不用賦以養兵而軍實以修，省賦治軍兵食胥足，立法之善如此。商屯者，成祖以邊地苦寒，耕戰力艱，令賈人輸粟邊郡，粟二斗五升給鹽一引，領販轉售，俾自設保伍募衆督耕也。然明史屯田初制，祇軍屯民屯而已，以此二者概其餘也。何謂民屯？或召募或罪徒，令於寬鄉耕作，分里築室以居之，如晁錯所云：「相徙以實塞下也。」亦有民自墾蕪，而官量爲起科。何謂軍屯？每衛于附近郡縣分置屯田，在邊屯令軍士以三分守城，七分屯種。在腹地以二分守城，八分屯種。無事爲農，有警爲軍，故曰：「寓兵于農之意也」。厥後屯政稍弛，軍田漸虧其額。迨明中葉，百弊叢生，屯事幾不可問！（時屯糧一石當轉輸二十石）我朝裁平陽衛職而屯田歸之于民矣。何謂更名田？乃前朝王府之藩產也。明時絳州有晉王府，而附近郡縣皆有王田，明鼎革後田歸于民，謂之藩產。康熙十年，奉旨改藩產爲更名田，此更名屯田之所由來也。至邑之民田，向分五色，已詳論於後矣。

額外商稅銀四十一兩四錢四分二釐。

酒課銀一十兩。

匠價銀五十八兩五分，攤入地丁徵收。

田房正稅銀二兩七錢四分四釐一毫，盈餘無定數。

牲畜稅銀二十八兩三錢七分一釐，盈餘無。

牙帖①稅銀二十三兩八錢，同治七年中張村領中等斗帖一名，稅銀八錢。

原額當稅銀七十兩，計四十家。災後時只存三家，本年俱歇業矣。

額外織造綾絹加徵工費銀一十七兩七錢三分七釐五毫。

共徵地丁並辦買本色②、顏料③以及酒課、商稅共銀二萬三百二十五兩九錢八

釐四毫三絲三忽九微七纖六沙三塵八渺九埃一漠。內除乾隆二十九年奏免河冲平地

並埤地糧銀九十八兩一錢七分三毫四絲九忽三纖七沙九塵九渺九埃六漠。

實在共徵地丁並辦買本色顏料以及酒課商稅共銀二萬二百二十七兩七錢三分八

釐八絲四忽九微三纖八沙三塵八渺九埃五漠。

平陸縣續志

卷之上

賦役

一九

又原額徵收田房、頭畜、牙稅、當稅一百二十四兩九錢一分五釐，今除歇業當稅銀六十五兩，共實徵解銀五十九兩九錢一分五釐，又中張斗帖一名稅銀八錢，另批起解。

原額起運銀一萬八千八百三十四兩六錢七分七釐一毫六絲九忽四微八纖四沙九塵四渺八埃九漠。今起運銀一萬八千九百八十七兩四錢九分四釐，光緒六年題準豁免地丁銀三百六十兩二錢六分九釐，實起運銀一萬八千六百二十七兩二錢二分五釐。

原額留銀一千四百九十一兩二錢三分一釐二毫八絲七微五纖八塵九渺一埃。今留銀一千二百四十兩二錢四分四釐。

實在應徵耗羨銀二千五百六十八兩五錢三分七釐。

題解：稅課包括租、庸、調。

「租」：唐代賦役制，丁男授田一頃，歲輸粟二斛，謂之租。

「庸」：役人力，歲二十日，閏月加二日，不役者，每日輸絹三尺，謂之庸。加役二十五日免調，三十日租調皆免。

「調」：歲輸絹二匹，綿三兩，輸布者加五之一，麻三斤或輸銀十四兩，謂之調。

注：

①「牙帖」：舊時牙行所執之憑照。

②「本色」：凡租稅徵收物品者曰「本色」。

③「旗料」：指旗黃米砂之屬。

《糧額考》曰：《禹貢》則壤定賦，其法尚矣，殷人七十而助①，周人百畝而徹②，皆不外什一之徵。秦開阡陌廢井田，良法美意蕩然無遺。西漢以後世輕世重，其制不一，自唐楊炎立兩稅法，簡而易行，乃更稅之初徵無定期，民頗苦之。周世宗始以四月徵半，十月全完。宋初均賦，每畝五升。元以三等定賦，上田畝徵三升，後始增益。明興定天下田賦，民田畝三升有奇，仍兩稅法：曰夏稅、秋糧。萬歷以後，多徵折色，原其始太祖初立國，令民田五畝至十畝栽桑、麻、木棉各半畝等，是而加畝課其稅，此農桑絲絹等目所由起也。洪武九年令民以錢鈔銀絹輸米麥會計天下倉儲存糧，二年後收折色③，正統二年令南畿等省米麥一石折銀二錢五分，彙入內承運庫，即金花銀也，後遂概行天下，此米糧折色所由起也。及明之中每糧

平陸縣續志

卷之上

賦役

二〇

一石漸增一兩以上，天啓崇禎間更多額外之徵，民困賦重戶鮮蓋藏④。及崇禎末年，歲值大浸，竟至人相食，戶口逃亡者十不存一。我朝順治二年詔土田科則以前明萬歷為準，凡天、崇加賦，並永除之。順治四年前撫憲祝，十四年前撫憲白，乾隆二十九年前提憲和，先後奏免荒圯地糧幾及今額之半，民困始蘇。惟虞地僻處中條之麓⑤，周四百餘里，濱河傍山，並無平壤，南靠黃河，又無村莊，祇東西北三鄉，俱系山溝，地多畸零，不成片段，東山條北為尤甚，雨小則旱，雨大則地皆沖決，土地磽薄⑥而多石，稍有平川，則黃河、澗水奔流其間反受水沖之害，種則刀耕火耨，收則肩挑背負，農之費力倍于他邑，若賦役繁重，則民不堪命矣。且邑地土向分五色：曰水、平、坡、沙、陡，水田無幾，每畝徵糧一斗，折銀一錢三分四釐，雖重於他地，而出息頗豐，猶有餘利。平地減十之二，坡地減十之四，按數折徵，似為過之。沙陡二色地雖瘠薄而價廉糧輕，正供之外少存蓋藏，無如順治七年當局者迷，誤信奸書，去陡地之名，歸平坡之內，覲⑦一時之快利，貽無盡之隱憂。自乾隆三十年後屢被水冲圯地畝幾及百頃，小民倍納丁糧，相沿日久，迄今未改，無惑平民之賣絲糶粟剝肉醫瘡也！此次大浸人亦相食，戶口逃亡十之八，蒙爵

撫憲曾奏請賑濟，欽差閻分辦省南，子遺之民賴以存活。光緒五年知縣魯燮光、劉鴻遠先後詳請豁免冲坍地六十六頃五十三畝，蒙爵撫憲曾具奏奉旨允準，百餘年民之累于賦者如釋重負！又蒙本州馬丕瑤轉詳上憲，奏免五六七八等年一忙丁糧，災黎可冀瓦全。尤望後之長民者寓催科于撫字之中，一有偏災，即為請命，庶小民可苟延殘喘。否則死徙逃亡岌岌乎其又不免矣！當道之仁人君子，留心民瘼^⑧，俯念子遺^⑨，施大造之仁，起溝中之瘠，慎擇牧令，撫綏斯民，其將以此言為嚆矢^⑩乎！

註：

①「助」：稅法，殷人七十而助，民耕七十畝者，則助耕公家為七畝，所謂十一之徵。

②「徹」：稅法，周行井田制，八家皆私百畝，中為公田，八家通力合作收為稅也。

③「折色」：折祿金錢謂之折色。

④「蓋藏」：謂掩蓋藏聚之物。

⑤「麓」：山脚山跟也。

⑥「曉薄」：曉音教地羸舟也。

平陸縣續志

卷之上

賦役

二

⑦「觀」：冀忘之意。

⑧「民瘼」：人民所患之痛苦曰民瘼。

⑨「子遺」：言無遺種也。

⑩「嚆矢」：嚆音蒿，響箭也，矢未至而聲先傳到。

丁徭

攷康熙五十二年欽奉恩詔，以五十年審定丁冊為常額，續生人丁永不加賦。乾隆十年（前志以八年攤入地糧徵收，考賦役全書系十年題准今從之）題歸地糧徵收，乾隆三十七年奉旨停止編審。餘詳舊志附見戶口

鹽引

按原額引一千二百三十道

計一十名三十引，後代銷鹽額引一名八十引，

今共額引一千四百三十道

計一十一名一百一十

引，以二百五十斤為一引，部章則以二百四十五斤為一引，一百二十引為一名

每名徵課銀五十兩，雜課銀五十兩。咸豐九年加徵羨

餘銀每名八兩，十年四月御史薛書堂奏加鹽課六十萬兩，前署撫憲常績覆奏改為加徵引費銀三十三萬九千餘兩，本省分上中下等加徵，平為下則每名加徵銀二十八兩，前系鹽商運銷，咸豐四年奏改官運官銷。

戶口

舊志自乾隆二十九年編審戶口，合邑計五千六百九十七戶，共三萬三千五百二十五口，至光緒三年夏間編查保甲^①，合縣計一萬九千四百三十六戶，共十四萬五千六百八十五口。六年清查戶口，合邑共九千七百六戶，僅存三萬七千九百五十八口外，六年招佃異地民人五百八十五口。

查本城三坊里十四村計七百八十八戶，共三千三百五十七口。

東路共七十八村計二千五百五十三戶，共九千四十二口。

西路五十五村二千六百三十三戶，共一萬三百七十九口。

中路共七十六村計二千七十六戶，共七千七百二十口。

上路四十二村計八百七十戶，共三千六百八十口。

西北路共四十三村計七百八十六戶，共三千七百八十口。

戶口總論，三晉戶口盛于隋唐，歷代蕃滋，日增月盛，訖于有明，太祖置戶帖

^②戶籍^③，具書名歲居地，籍上戶部，帖籍之民，有司計其登耗以聞

即王制負版之遺意也。

公家

徭役，由是出焉。嘉靖十六年始令徭里折銀，猶有戶差口差之別，迨萬歷以後役統

平陸縣續志

卷之上

賦役

三三

于賦，計丁不計戶矣。

國朝康熙五十二年定例，續生人丁永不加賦，寬大之政，超軼前代。乾隆三十七年奉旨停止編審，每年查保甲稽戶口年終黃冊報部，此丁徭戶口之所由分也。

^④十一萬二千有餘。大侵之后，勢難聚復，惟在司牧者鞠育而安全之，極數十年後，庶幾其有效乎！

註：

①「保甲」：宋王安石創，十家為牌，十牌為甲，十甲為保組織民衆之法制也。

②「戶帖」：明制，每戶給一戶帖，書其鄉貫、丁口、名歲，猶今之門牌。

③「戶籍」：造冊登錄每家人口、身份、事項曰戶籍。

④「逃亡丁口」：即死亡及逃外之丁口，前志載：大侵時人相食，而鄉人安土重遷，逃外不會多特為校正。

土產

穀有青、白、黃三色，秣穀亦紅、黑、黃三色，皆堪釀酒。其先熟者曰疾穀，早穀，他如臨老變、御絲、鷹爪、黃荊子、黃滿川、黃龍爪秣、黃瓜秣，蓋隨象而異名耳。

麥有大小二種，大麥則曰露仁，曰草大麥。小麥則曰火麥，曰白麥。至于蕎麥則夏種而秋成也。

黍有白、紅、黃、黎，其硬者爲糜黍，以至蜀秫則黑、紅二色，可作米者曰珍珠秫。

菽之各色不一，惟黃豆、黑豆之大者可以爲豉，豇豆、扁豆則可爲菜，他如菘、黃、青、紅、黑、白、豌豆皆可用，至如菜子芝麻皆可爲油。

菜有芹、芥、葱、韭、茄、瓠、蒜、萵苣、芫荽、白菜、黃花、葫白蘿蔔、菠菜，至於香椿、葇葵則又同于他處。

果有杏、桃、李、棗、柿、核桃、蘋果、沙果、葡萄，至於石榴、鵝梨、大而且美，自遭災浸，皆去其種。

瓜有東瓜、西瓜、南瓜、北瓜、甜瓜、王瓜，菜瓜可以佐果而爲菜。

木有松、柏、楸、桐、椿、槐、榆、柳、棠梨、桑、大小二棗、青白二楊、餘不泛載。

卉有黃梅、白蓮、牡丹、芍藥、月季、水紅紫荊、萱草、鷄冠、牽牛、玉簪、

平陸縣續志

卷之上

賦役

二三

金盞、夜合、薔薇之類，若夫各色蜀葵，異種名菊，難以悉數。

貨有蠶絲、花椒、紅花、蜜蠟、羊毛、藍靛、葦席，皆爲民之所資云

見前志者不錄。

藥有山藥、百合、香附、細辛、荆芥、枸杞、黃精、白芷、益母、桔梗、防風、半夏、兔絲、芫花、蒼耳、蒼朮、大黃、地黃、瓜蒌、葛根、連翹、蓮肉、紫蘇、草烏、麻黃、藎麥、蕤仁、黃柏、黃芩、薄荷、南星、柴胡、川芎、三稜、甘遂、甘草、牽牛、木瓜、艾葉、藜蘆、地丁、五靈脂、五味子、酸棗仁、郁李仁、天門冬、麥門冬、小茴香、寒水石、車前子、大荔子、鳳眼草、天茄子、金銀花。

鳥獸有錦雞、翅雞、野雞、崖鷄、鴿子、鵪鶉、狐狸、兔、獾、獐、惟以足供服食之用者書之，其常畜則不必盡紀也。

差役

國家力役之徵與田賦并重，歷代不同，而因革損益，要皆隨時變通以期救弊，三代後賦役之法，惟唐之租、庸、調爲近古，自宋、元至明相沿不改。役之在宋元也，有差役、義役、僱役、助役之分。宋初以鄉戶等第定差，謂之差役。熙甯時民隨產輸錢，官爲之募，謂之「僱役」。乾道間民各分等出田收租以助役者謂之「義

役」。惟義役行之最久，其後田被兼併，經理爲難，元初里保充役者催輸賠累，延佑五年因行「助役」，令田百畝以上差等出助役，田里各推長以掌之，官不得與其事，是皆因時爲變通也。明洪武十四年詔天下編役黃冊，以一百十戶爲一里，推丁糧多者十戶爲長，餘百戶爲十甲，甲凡十人，歲役里長一人甲首董一里賦役之事，先後以丁糧多寡爲序，十年一周，曰：「排年」。國朝仍之，在城曰坊，近城曰廂，鄉都曰里，鰥、寡、孤、獨不任役者附十甲後曰「奇零」。僧、道給度牒^①，有田者編冊如民，無田者亦爲「奇零」。每十年有司更定其冊，以丁糧增減而升降之。冊上戶部，面黃，故曰「黃冊」。丁役之制，五歲均役，十歲更造，丁凡二等，始生籍其名曰不成丁，年十六曰成丁而役，六十而免。又有職役優免者，役凡三等：以戶計者曰「甲役」，備郡縣祭祀、燕享諸事也；以口計者曰「徭役」，以備京師上官等事也；上命非時曰「雜役」，差擇而充不由里甲也。其役又皆有雇役、力役之分，即兼宋差役、僱役之法也。行之既久，遂生飛灑、影射、詭計等弊，嘉靖十六年始令徭役折色，然猶有戶差口差之分，至萬歷四十七年定《賦役全書》，役統于賦，不復以戶計矣。天崇間四海鼎沸，差徭更重，奸民倚官避役，謂之「投靠」。祖孫父子

平陸縣續志

卷之上

賦役

二四

籍以優免，謂之「世僕」。里甲供億盡歸小民，大抵明時最重者惟本色辦運，次則折色解納，最輕者本地承值。我朝悉爲官辦官解，一無所擾，民慶更生，其不得不借支民力者惟驛站夫馬而已。晉地通車，以車代夫，平處邊隅，並非驛路，國初裁革火耗，凡累民者悉除之。其解糧、遞犯之夫馬官爲捐辦，一有差事官出票飭役。迂鄉民負販者拘以應之，官給其值，赴運、解、夏、芮，每馬發價一百六十文。然役則用一拘十，轉生弊端。幸差事無多，不爲大累，咸豐三年東南軍興，豫撫以邑南通豫鄂，北達會垣，較驛路差近，奏請軍務事件，暫爲假道。平陸四面皆山，民不蓄車，惟茅津爲豫鹽過渡之區，巖商鑿道運鹽，此外并無車道，一遇兵差，則扣夏縣原車遞送陝州，價則由彼高抬，屢次齟齬，經費則按畝均攤，大爲民累！髮捻擾豫^②，平與爲鄰，自咸豐三年以來無歲不調兵防堵，至咸豐十一年遂議長防，本道以沿河一帶茅津居中即駐劄于此。同治七年東南肅清，始行撤防，軍需防務，幾二十年。兵流差役絡繹不絕，車馬支應日恒數十，供億煩重，官民交困。同治五年邑令馬丕瑤以民苦于役，因立里民局于縣城，復分設于茅津，專支餉鞘。委員過往，流差，經費則按合邑騾馬每頭攤錢五百，歲計收錢四千餘緡。令里中公舉生

監掌之，迂差雇支，日給錢一千，兵差則仍其舊。同治十一年復設軍需局二，專辦各省勇丁過往等事，經費則按糧一兩攤錢二百文，亦用生監掌之。極久弊生，致多浮冒，後值大侵，牲畜倒斃十之九，田地荒蕪大半，力役之徵不暇計矣。一有差事，官爲墊辦，仍票拘牲口以應，價則每里給錢十文。役復用一拘十以索賄，民頗苦之！光緒五年秋知縣劉鴻達蒞任，以饑遺之民不忍徵其力役，然恤民又恐誤差，勢難兼顧。適浙紳金觀察福曾來平助賑，談次爲述里民苦累，深恨補救無方，觀察惻然感動，慨分賑資捐置牲口二十頭，每頭給價銀二十金，外給二十金生息以資喂養，令里民領用支差。又捐錢八百緡，按一分發商生息，爲司事薪水之需，議立章程，通稟立案。第立法之初，謀慮難周，行未兩月，領者苦之，現仍仿照前章少爲變通。合縣又捐置牲口三十頭，由近城各鄉分領，幫同支差以期便捷。併金觀察前捐牲口共六十頭，分爲正副，兩月一輪，至兵書家丁亦酌給筆資口食，以資辦公。此項經費，仿里民局之例，按合縣牲口攤收，每驢馬一頭捐錢八百，驢則減半。其距城寫遠之圪塔村，澗西，及韓澗後各莊均減半捐交，統金觀察捐項共計三千餘緡，除馬價外，餘錢一千緡，發商生息爲兵書等紙筆之資，仍議章通稟立案，

平陸縣續志

卷之上

賦役

二五

勒石垂久。至兵差前蒙欽憲閻爵撫憲曾咨會豫撫，以現在東南肅清，尋常兵差遵例由驛路行走，不得圖近繞越。河東道憲江俯卹民瘼，飭令議章通詳。近今南來者頗少，亦歸前項牲口支應，設遇大起兵差，亦着此項牲口儘數支應，如有不敷，仍照舊章按畝攤辦。前經詳明河東道憲江批准核辦，此蓋隨時變通以期救弊之意也。後之官斯土者，因革損益，覈實^③支應，庶幾官不掣肘，民困可永紓^④矣！

註：

①「度牒」：舊時官府發給和尚、尼姑的證明身分的文件。

②「髮捨擾豫」：髮指洪秀全領導的太平軍，捨指張宗禹領導的捻軍，豫是河南省。

③「覈實」：即核實。

④「紓」：音書，解除之意。

職官類

柳子曰：「自秦有天下裂都會而爲之郡邑，廢侯衛而爲之守令，然則守令爲民之父母，而令與民更親，賢則民受其福，否則民羅^①其殃，誠不可不鄭重其選矣！」迨吏道雜而多端，官績較著者曾幾何人？是以識者不無世道升降之感焉！至

若設將佐以捍患禦侮，任師儒以說理敦②詩，置僚屬以承流宣化，此皆所以爲民，豈以厲③民者哉！平陸自建邑之後，蒞茲土者亦云夥矣，第治以人異，人以治傳，今乃有美必書，無微不錄，昭鑒戒以範將來，庶覽斯篇者展卷瞭然，將必有觀感而興起者矣！誌職官。

注：

①「羅」，遭遇也。

②「敦」，治理也。

③「厲」，暴虐無視曰厲。

官制

乾隆二十八年以前官制見前志，嘉慶四年奏裁茅津渡巡檢，改設縣丞，仍駐茅津，定繁缺。

文職乾隆二十八年以前見前志者不錄。

知縣

胡予翼 辛卯舉人，乾隆三十三年署任。

趙中潤 甯海舉人，三十三年任。

平陸縣續志

卷之上

職官

二六

張授義 龍泉舉人，三十六年署任。

周潛修 宜賓舉人，四十一年任。

王澤永 樂城副貢，四十一年署任。

李鍾淑 濟甯附貢，四十一年任，創建義學，惠愛士民。

楊 湘 新城舉人，四十六年署任。

陳長春 仁和監生，四十九年署任。

任銜葵 蕭縣舉人，四十九年署任。

九 苞 滿州舉人，五十年任。

顏希宗 連平監生，五十一年署任。

張 芑 黃陂舉人，五十三年署任。

萬科炳 靈川舉人，五十四年署任，重修學宮。

余祖昌 臨湘舉人，五十八年署任。

劉成義 漢陽舉人，嘉慶四年署任。

鄭 蘭 廣平舉人，五年署任。

王鴻文 鎮平舉人，六年署任。

甘 冕 郟水舉人，十年署任。

及毓鳳 交河舉人，十年署任。

徐文翰 當陽附生，十一年署任。

張國均 撫甯舉人，十二年署任。

邱鳴泰 東鄉舉人，十二年任，後擢山西布政司。

趙廷澍 蒲江舉人，十三年署任。

陳价英 長沙舉人，十四年署任。

陸 樟 山陰進士，十四年任，詳官績，并建專祠。

鄭賜圖 永定拔貢，十七年署任。

周貽祖 臨桂進士，二十年任。

榮 青 滿州舉人，二十一年任。

李澍生 健爲附貢，二十四年任，振興文教，多所營建。

廉九經 廣甯舉人，二十四年署任。

陳文輿 會稽舉人，道光二年署任。

常道治 長沙舉人，七年署任。

黃承祜 南昌優貢，十二年署任。

李廷揚 樂山舉人，十四年任。

張穎元 黃巖舉人，十四年任，詳官績。

鍾湘 蘭州監生，十五年代任。

張枝 宿州監生，十七年署任。

吳逢甲 桐城進士，十七年任，創建陸公祠，見藝文。

彭一真 羅平舉人，十九年署任。

何子鈺 靈寶拔貢，二十一年署任。

魏炳 江夏附生，二十三年代任。

余懷堂 平利進士，二十三年任。

劉鳳喙 昌黎舉人，二十五年署任。

王德棻 永清拔貢，二十七年署任。

余正酉 黎城舉人，二十七年任。

彭彥 安福舉人，二十九年署任。

德啓 滿州官學生，咸豐二年署任，忠愛士民。

崔鈴 安平拔貢，三年代任。

馮家駒 山陰舉人，三年署任。

余懷堂 平利進士，三年任(重)

唐正居 濟甯監生，四年代任。

張元鼎 婁縣舉人，五年代任，政簡刑輕。

沈珂清 大興監生，八年代任，聽訟明敏，表彰節孝。

傅國卿 昆明進士，十年署任。

張懷塋 廣昌舉人，十年任，祀名宦，詳官績。

馬丕瑤 安陽進士，同治五年署任，詳官績。

華鏞 天津監生，六年任，忠厚治民。

王煒 扶風拔貢，七年代任。

平陸縣續志

卷之上

職官

陸以耕 丹徒供事，九年代任。

劉仲箴 靜海進士，九年署任，廉潔自持，後補太平。

劉崇禮 朝邑吏員，十年任。

張輔 大興監生，十一年任。

葉廷棟 通州供事，光緒元年署任，撫衆寬厚。

魯燮光 蕭山原貢，二年任。

劉鴻遠 昌黎進士，五年署任，辦賑出力，以直隸州升用。

縣丞(嘉慶四年裁巡檢改設縣丞為調缺，稽查渡口船隻專司驗引緝私)

范伯棠 淳化副貢，嘉慶四年署任。

吳魯田 山東人，四年任。

徐如涵 銅仁拔貢，五年署任。

王昌緒 霞浦拔貢，八年署任。

李雲衡 大興監生，十二年任，捐廉創設茅津義學，去任後，士民在義學設位祀之。

官鵬雲 大興監生，二十年署任。

姚冕 大興吏員，二十一年代任。

范祈 修武監生，二十二年署任。

李予思 宛平供事，二十三年署任。

俞化鵬 大興職員，二十四年代任。

趙維培 清苑監生，二十五年代任。

陳兆慶 大興供事，二十五年署任。

張鴻儒 大興供事，二十五年任，捐廉延師，課誨童蒙。

陳蔭 山陰供事，道光元年署任。

陳鴻遠 陝西恩貢，六年署任。

王玉 歷城人，八年任，勤政愛民，循聲卓著，擬建茅津義學，未果而去。

徐慶棻 宛平吏員，八年代任。

周震廷 宛平吏員，八年署任。

紀英選 獻縣副貢，十八年署任。

魏炳 江夏附生，二十年任。捐俸延師，課誨童蒙。

趙秉全 南豐監生，二十三年任。

嚴驥 烏程監生，二十五年署任。

魯奉廷 大興監生，二十六年署任。

王雲漢 王玉子，二十六年任，克繼父志，創建學舍，惠愛士民，今尤頌之。

苑春和 涿州監生，咸豐元年代任。

王珠耀 濟甯監生，元年署任。

唐正居 濟甯監生，元年任。

崔世華 昆明供事，二年代任。

張樹棠 涿州監生，四年代任。

潘琅 通州俊秀，四年代任。

張塘 安州監生，六年任。

詹淇文 易州監生，六年任，時因辦理河防奉檄支發防軍兵餉，兼偵探文報，積勞身故。

張樹棠 涿州監生，八年代任。(重)

陸以耕 丹徒供事，八年任。因河防出力薦舉卓異，旋錄以知縣在任候補，同治九年，代理縣事。

沈以鏞 海甯監生，同治六年代任。

蔣模 永福監生，九年代任。

沈拱墀 海甯監生，九年代任。

陸以耕 現任，前因代理平陸，夏縣知縣及俸滿驗看歷次交卸，旋復回任。

教諭

李成章 平定舉人，乾隆三十一年任。

李鎰 汾陽舉人，三十九年任。

白俊英 吉州拔貢，四十一年任。

許上爵 河津拔貢，四十二年任。

李塏 翼城歲貢，四十六年任。

張儒 平定舉人，五十三年任。

平陸縣續志

卷之上

職官

張理 榆次副貢，五十六年署任。

張廷鑄 陽曲優貢，嘉慶六年任。

梁立中 代州舉人，十三年任。

鄧贊清 靈邱恩貢，十五年任。

陳棠墀 洪洞貢生，十九年任。

張讚元 徐溝拔貢，二十年任。

楊弁陽 太原拔貢，二十一年任。

馬汝錦 稷山恩貢，廿三年署任。

耿以敬 平定副貢，廿五年任。

高日午 太平舉人，道光九年署任。

金聲遠 代州副貢，十年任。

宋中信 樂平原貢，十一年署任。

韓經 交城原貢，十二年署任。

楊蘭士 介休舉人，十二年任。

續錫蕃 翼城原貢，十六年署任。

李夢周 萬泉拔貢，十六年任。

武祈麟 潞城副貢，十九年署任。

武時中 榮河副貢，廿三年任。

尹承芬 忻州原貢，咸豐元年署任。

田連元 潞城原貢，元年代任。

李景桂 汾陽原貢，三年任。

高大士 徐溝原貢，四年署任。

茹炳堂 介休副貢，五年任。

趙士淦 忻州增貢，同治十二年任。

趙連元 汾陽附貢，光緒四年署任。

牛日毅 沁水原貢，五年署任。

韓克昌 甯武拔貢，正黃旗教習，六年任。

訓導

常際盛 徐溝歲貢，乾隆廿九年署任。

李祖望 曲沃拔貢，三十二年任。

王 軾 黎城歲貢，三十六年署任。

王禹臣 黎城拔貢，四十四年任。

胡學關 交城舉人，四十七年任。

張世述 和順歲貢，五十五年署任。

曹載炳 大甯歲貢，六十年署任。

常 相 沁水舉人，六十年任。

張達道 永濟歲貢，嘉慶四年任。

范光清 榆次原貢，六年署任。

成錫田 陽城舉人，六年任。

傅 寬 臨汾舉人，十二年代任。

高俊升 汾陽原貢，十二年署任。

張 澍 永寧歲貢，十三年任。

賈來復 朔州舉人，十七年任。

周 培 翼城舉人，廿四年署任。

王清佩 平遙舉人，廿四年任。

王 籍 榆次原貢，道光十年署任。

宮玉鏡 繁峙歲貢，十一年任。

程克官 祁縣原貢，十二年署任。

何思誠 洪洞歲貢，十三年任。

郭騰霄 保德歲貢，十四年署任。

孟質敏 文水舉人，十六年任。

呂景昭 汾陽拔貢，廿年署任。

郭文奎 平定舉人，二十一年任。

郝肯堂 壽陽舉人，廿四年署任。

平陸縣續志

卷之上

職官

杜際唐 太谷原貢，廿九年署任。

王遵賢 渾源舉人，三十年任。

韋生杲 霍州原貢，咸豐二年署任。

崔樹棟 絳縣舉人，四年署任。

馬克謙 陽曲舉人，五年任。

蘇清魁 徐州原貢，同治七年署任。

劉冲霄 孝義原貢，八年署任。

靳復昌 陽曲副貢，九年署任。

賈 熙 右玉原貢，十年署任。

裴元章 右玉拔貢，十二年署任。

劉克庸 平遙附貢，十三年署任。

馮志沅 代州原貢，光緒元年署任。

楊映辰 富鄉增貢，五年署任。

許銘恩 永濟舉人，六年現任。

補遺

馮國樞 乾隆五十五年任，見碑文。

巡檢

范大椿 震澤吏員，乾隆廿八年任。

李 德 桐城監生，五十二年任。

裴禹文 大興吏員，五十八年任。

張覺民 天津增生，嘉慶三年代任。

張有恒 武清拔貢，三年署任。

湯廷英 會稽供事，三年任，四年以員缺改設去任。

典史

鄧汝達 新城監生，乾隆三十六年任。

朱 鎔 山陰供事，三十九年署任。

張 崧 宛平監生，四十四年署任。

張廷堃 仁和監生，四十七年署任。

李有常 桐鄉吏員，四十七年署任。

黃瑞圖 宛平供事，五十六年署任。

張 烈 萬載從九品，嘉慶八年代任。

祝 澐 大興吏員，八年署任。

文調鈞 瑞昌監生，八年署任。

裘成濬 新建供事，十年署任。

李 溶 宛平供事，十七年署任。

金 鎬 大興監生，十九年代任。

沈沛霖 大興監生，十九年署任。

馮召棠 大興監生，十九年署任。

婁 成 宛平監生，廿一年代任。

錢 枚 清源附生，廿一年署任。

徐一清 順天監生，二十二年任。

席世隆 吳縣監生，道光二年署任。

張 淇 大興供事，十六年署任。

黃金台 松滋供事，二十三年代任。

朱佩璜 大興監生，二十三年署任。

王 淮 上元監生，廿五年任。

汪晉毓 宛平監生，二十八年代任。

陳汝弼 閭縣監生，二十九年署任。

孫 沛 大興監生，二十九年代任。

嚴 驥 大興監生，二十九年署任。

陳士炳 大興監生，二十九年任。

何增魁 蕭山監生，咸豐三年署任。

平陸縣續志

卷之上

職官

張樹棠 涿州監生，五年代任。

王 澈 桐城監生，十一年代任。

王 霖 東安監生，十一年代任。

李宗適 濟源監生，十一年任。

李德鄰 壽州監生，同治二年署任。

寇安瀾 許州監生，三年任。

揭垂瓊 南豐監生，光緒二年代任。

周夢熊 柏鄉監生，二年署任。

周常鎮 天津監生，三年現任，因幫辦賑務出力，保以應升。

按前志職官祇載實任之員，而攝代之官不與焉，但官無曠職，缺不虛懸，

攷晉省昔日定章，州縣雜職等官在任三年期滿，輸出餉差司中委員接署，約半年之後差竣回任。教佐各官六年俸滿赴省驗看。該管府州檄員代理，逢鄉試之年，實任州縣調當闕差，藩司亦委員接代，實任交卸約三月藏事，均回本任，是以職官三年之後即有署代，由此之故，咸豐間餉差改委候補之員，實任津其川資，而委署稍減，第採輿論署代之員，恒多政績，若缺而不錄，何以勸後？茲則詳攷備載，俾循良之吏不至湮沒無傳，而後之攝代君子，知百世之下，清風懋績①，永垂不朽，庶不存五日京兆之見，吏治民生所關者鉅，可忽乎哉！仍註署代字樣以資攷核。武職自咸豐間軍興以來署代尤多，今攷證無據，故不附載云。

注：

①「懸績」：即指勤勉有成就。

武職營制見兵事

遊擊

章奏功 南溪武舉，乾隆廿八年任。

趙廷魁 漳浦侍衛，三十七年任。

白雲漢 宛平武進士，五十一年任。

焦毓鶴 東平武舉，五十七年任。

范建懋 漢軍雜蔭，五十八年任。

那甯阿 滿州侍衛，五十九年任。

張無愆 鳳臺武狀元，嘉慶四年任。

馬占魁 成都行伍，十一年任。

范建衡 滿州章京，十六年任。

孟光爵 城步行伍，十六年任。

李行正 邯鄲行伍，十九年任。

李坤 清苑行伍，十九年任。

左位 西昌行伍，廿三年任。

丁濟南 成都行伍，道光五年任。

金玉彙 阜蘭武舉，七年任。

馬天保 新會武進士，十三年任。

佛保 滿州前鋒藍長，二十六年任。

德麟 漢軍武狀元，二十六年任。

扎克當阿 滿州侍衛，咸豐元年任。

李暉 陽曲世襲騎都尉，三年任。

平陸縣續志

卷之上

職官

蘇林 滿州侍衛，六年任。

谷景昌 鉅鹿武進士，八年任。遷澤州參將加副將銜賞戴花翎，六年出防吉州陣亡，奏聞加總兵銜，世襲騎都尉，又恩騎尉同替，入京都昭忠祠，詳宣績。

寶齡 滿州鑲白旗軍功，同治六年任，因防河擊賊保護糧臺，賞戴藍翎，加副將銜。

守備 原駐夏縣，同治元年移駐茅津大營，餘詳兵事。

石鳴鳳 榆社武舉，同治元年任。

喬鳳翔 陽曲武生，五年由換標千總升任，因防堵賞加都司銜。

千總

魯保 滿州行伍，乾隆三十七年任。

劉通 陽曲行伍，四十八年任。

單鵬 神木武舉，六十年任。

胡國安 嘉慶六年由汾州把總升任。

劉喬 永定人，二十三年任。

員秉仁 臨汾人，二十三年任。

馮萬清 臨汾行伍，道光十三年任。

弓定國 陽曲武舉，十四年任。

張國鏡 朔州行伍，二十一年任。

田喜 陽曲行伍，二十五年任。

梁錫齡 陽曲武生，同治七年任。

賈榆 崞縣武舉，光緒四年現任。

把總 同治元年移兵案內調補

米翰國 河曲武舉，同治元年任。因防河堵禦保升千總，六年出防吉州，龍王辿陣亡，加守禦銜，世襲雲騎尉，又恩騎尉同替。入昭忠祠，詳宣績。

王錫 臨汾行伍，六品戴頂，七年現任。

張店汛外委千總

劉世勳 平陸行伍，乾隆三十六年任。

劉鍾義 安邑行伍，四十九年任。

王潤 臨汾行伍，嘉慶七年任。

趙秉禮 臨汾行伍，十二年任。

李寶 臨汾行伍，二十一年任。

田鳳 臨汾行伍，道光四年任。

張文通 臨汾行伍，十六年任。

王森 朔州行伍，二十四年任。

張崙 臨汾行伍，二十六年任。

王盛 永濟行伍，咸豐元年任。

張繼祥 臨汾行伍，同治元年任。

李文明 臨汾行伍，二年現任，因幫辦賑務加五品銜。

縣城外委把總

孫宏仁 永濟行伍，乾隆二十八年任。

常思敬 安邑行伍，四十年任。

孫輝祖 河津行伍，嘉慶元年任。

韓盛 臨汾行伍，十二年任。

趙秉潤 臨汾行伍，道光五年任。

劉三元 永濟行伍，二十七年任。

張鳳翔 臨汾行伍，同治四年現任，因幫辦賑務，加五品銜。

茅津外委

平陸縣續志

卷之上

職官

賀福 臨汾行伍，同治元年任。

李桂林 臨汾行伍，二年任。

金棠 臨汾行伍，十年任。

杜應棠 永濟行伍，光緒元年現任。

新設南溝汛外委

王金鑑 永濟人，同治元年任。

遙萬全 臨汾人，三年任。

王權 臨汾人，十二年任。

劉漢章 臨汾人，光緒五年現任。

茅津額外外委

高萬揚 平陸人，道光二十九年任。

薛兆南 平陸人，咸豐二年任。

王金鑑 永濟人，四年任。

薛上卿 平陸人，同治元年任。

楊長祿 平陸人，五年任。

趙廷相 平陸人，光緒五年現任。

新設茅津額外外委

王長貴 臨汾人，同治元年任。

劉應中 平陸人，元年現任。

王璠 永濟人，二年任。

岳掄元 臨汾人，三年任。

傅榮 臨汾人，十年任。

王進生 鳳臺人，光緒二年任。

劉登高 平陸人，同治十一年現任。

介丙長 平陸人，光緒五年現任。

張金清 平陸人，五年現任。

宦績

李鐘淑，字平侯，號春圃，山東濟甯貢生。乾隆四十一年知縣事，吏治修謹，持大體不爲深苛。四十七年創建義學，暇日集諸生講說經義，士民德之，爲樹德政碑。

陸樟，字香嶼，號存拙，浙江山陰進士。嘉慶十四年知縣事，爲人端嚴純靜，撫衆以慈，興水利，課諸生，教養兼盡。二十一年乙亥九月地震，水沸山崩，牆屋傾頽，壓斃人民三萬餘口！災黎^①露處^②，無室可歸，呼號淒楚之聲，哀鳴遍野，樟挨村撫卹，目擊慘狀，慟悼不已，詳請上台奏發賑款，親赴四鄉量災散放，又值隆冬風雪，殘黎飢寒交迫，而地震累月不息，死者相續，樟晝夜奔馳，自傷無德格天，致民懼此慘毒，自縊死，百姓悲哭如喪考妣，數十年後父老語及猶有泣下者。貢生全玉年等于道光二十一年稟懇建祠，知縣吳逢甲詳請大吏于傅巖書院之西建立專祠，春秋致祭焉，有碑記。

張穎元，湖北黃巖舉人，道光十四年知縣事，丰哉峻厲，不諂不瀆。向時考棚經費，新生攤解，平民瘠苦，稱貸爲難，穎元裁免，出俸貸之，至今人猶頌德焉。

平陸縣續志

卷之上

職官

三三

張懷埜，字笠舫，直隸廣昌舉人，咸豐十一年知縣事，潔己愛民，寬猛相濟。時山西通辦民團，他邑惜苦兵費，埜寓兵于農，不費不擾而團成。擒匪犯陝，平有唇齒之憂，埜遍諭鄉民防河，百姓如聞父召，莫不踴躍從公。自芮及垣二百餘里，防禦不懈，閭境賴以瓦全^③。賊擾陝州，難民隔河呼救，埜同游擊谷景昌設法渡濟，全活無算，豫人泐石頌德焉。后調安邑，遷鳳臺，祀本邑名宦祠。

馬丕瑤，字玉山，號蓮溪，河南安陽進士，同治五年權縣篆，性剛方明爽，居平不設方幅，人不敢干以私。自奉儉約，恒以清慎自持，雖膺瘠苦宴如也。爲政簡易，不尚苛細，尤懼民爲訟累。案無信宿留，紆獄爲之一清。下車伊始，輒訪地方利病，興利除害，知無不爲。立鄉學，延師課子弟，幾遍鄉鎮。邑苦徭役，創里民局以均之，積弊已革。六里坡道路崩圯，復倡修之，以利行旅。擒匪竄會興，鎮、平只一河之隔，賊屢撲河，瑤率兵民堵禦，晝夜巡防，賊不敢犯，遂西竄。公暇則課誨諸生，言論敦切，士多感悟，逾年解任，留去思焉！歷任永濟，除遼州，光緒三年歲大祲，上台以廉能調署解州牧，救災放賑，多所全活，瀕河諸邑，賴以安全。復爲屬邑查荒地，散籽種，召佃開墾，逃亡復業者尤衆，當道累疏保薦，擢知府，

在任候補，並加監運使銜。

谷景昌，直隸鉅鹿縣武進士，咸豐八年任遊擊，有胆略，暢曉戎機，屢著功績。同治元年擒匪寇陝，率士卒防堵極嚴，賊殺掠迅迫，陝州難民隔河呼救，賊亦蜂擁將至，景昌無懼色，駕礮舟擊賊，渡民全活無數，豫民刻石頌德焉！五年擒匪復西竄，防禦嚴密，賊不敢犯，以功升澤州營參將並賞戴花翎。六年出防吉州龍王迪，兵潰罵賊殉節，奉旨加總兵銜，世襲騎都尉，以恩騎尉罔替，祀昭忠祠。

米輔國，山西河曲縣武舉，同治元年調補茅津把總，四月擒匪竄陝州，夏秋兩次，隔河堵禦，奮不顧身，保薦千總。五年賊又西竄，防堵如前，不辭勞瘁，境賴以安。六年出防吉州龍王迪，與賊力戰兩晝夜，時大兵潰散，輔國率數人冲鋒，力盡被礮轟死，事聞奉旨加守禦銜，世襲雲騎尉，以恩騎尉罔替，祀昭忠祠。

註：

①「災黎」：即黎民受災者。

②「露處」：在露天的地方居住，休息。

③「瓦全」：保全的意思。

平陸縣續志

卷之上

職官

三四

兵事類

安邦以文，戡亂以武，是養民與衛民固屬並重而不容偏廢者也。平陸濱河傍山，險自天成，昆連豫省，以河爲界。東之茅津實三晉之門戶，秦晉河舶順流而下，西南有警，防禦宜嚴，雖屬縣境全省之保障係焉！易曰：「王公設險以守其國，重門擊柝①以待暴客②」，未雨之謀可忽乎哉！建平垣營以將統之，墩汛四十有二，分布外縣其防密矣。兵以防河即以防內也，是不可分，誌兵事。

注：

①「擊柝」：擊鼓，柝音拓。即把打更用的梆子敲打起來。

②「暴客」：以武力威脅人身健康者，指匪伙。

營制

平陸舊無綠營，明崇禎十五年流寇擾豫，河防戒嚴，遂設遊擊，駐守茅津鎮爲平垣營。國朝因之。順治四年奏立營制，攷舊志兵數與原額不同，今依同治元年，移兵案內開載馬步戰守兵三百五十七名，各縣墩汛三十五處，添設馬步戰守兵四百六十六名，增墩汛七處，垣曲汛兵撥歸東灘營外委管轄，餉米仍歸平垣營支發，共

原額新添官兵八百四十二員名，內官十九員，馬步戰守兵八百二十三員。茅津存營馬步戰守兵五百七十九名，分防八汛戰守兵二百四十四名。

平垣營額設遊擊一員，中軍守備一員，分防夏縣南關，同治元年移駐茅津大營。原駐夏縣守兵一百四名內撥歸茅津大營馬步兵十一名，戰兵十八名，守兵二十五名，撥留夏縣汛外委管轄戰兵五名，守兵四十五名，千總一員，添設見舊志。

原額左哨把總一員，分駐橫水鎮。嘉慶二十一年移駐聞喜縣城，同治元年新添右哨把總一員，隨營駐劄。

原設外委五員：

張店汛外委千總一員，駐張店，南距茅津五十里。

夏縣汛外委千總一員，原駐胡張鎮，雍正七年移駐夏縣城，南距茅津九十里。

平陸汛外委把總一員，駐縣城。

聞喜汛外委把總一員，駐聞喜城，嘉慶二十一年移駐橫水鎮，南距茅津二百二十里。

絳縣汛外委千總一員，駐絳縣城，西南距茅津二百四十里。同治元年新添存營

平陸縣續志

卷之上

兵事

三五

外委把總一員，隨營駐劄。是年新添平陸縣白浪渡外委把總一員，駐南溝，西距茅津一百里。

原設額外外委三員：一駐茅津鎮，一協防夏縣，一協防聞喜。同治元年新添存營額外外委四員，無衙署。

再原設垣曲縣汛把總一員，同治元年奉文撥歸新設東灘營管轄，原額馬戰守兵三百五十七名，內馬兵二十四名，戰兵七十一名，守兵二百六十二名。新添馬步戰守兵四百六十六名，內馬兵三十三名。戰兵一百名，守兵三百三十三名。共馬八十七匹，官自備馬十六匹，遊擊馬六匹，守備馬四匹，千把三員馬六匹，營馬七十一匹，內外委馬十四匹，馬兵馬五十七匹。

張店汛守兵十二名，存汛兵九名。太寬墩防兵三名，三門墩、沙梁墩、盤南墩由張店輪派。

平陸縣汛戰守兵十八名，存汛兵八名，墩防兵十名，太陽渡、洪陽渡各五名。

夏縣汛戰守兵五十名，存汛兵二十六名，墩防兵二十四名，窰子、胡張、裴介三墩兵九名，三岔、水頭、義門三墩兵十五名。

聞喜縣汛戰守兵五十九名，墩防兵四十名，計八墩。前志墩兵二十四名，非，墩汛詳前志。

橫水鎮汛戰守兵八名。前志十名非。

絳縣汛詳前志。

垣曲縣汛詳前志同治元年奉文歸東灘營管轄，兵餉仍歸平垣營發放。新設南溝汛守兵五十名，存汛兵三十二名，墩墩六處：東洋、梁宿、繁蓋、西河頭、老兒莊、養兒口每墩兵各三名，共兵十八名。

平垣營東至所屬南溝汛養兒口墩一百三十五里，接連東灘營所屬之垣曲縣五福澗墩，西至縣屬洪陽渡墩六十里，接連蒲州協屬之芮城縣曲裏渡墩，東西延河表一百九十五里。

附載移兵原文。同治元年正月分奉前撫憲英、通飭移兵原奏內開：解州平陸縣茅津渡係平垣營駐紮之所，相距河南陝州一河之隔，爲自豫人晉咽喉，原設遊擊一員，守備一員，千總一員，把總二員，外委五員，馬步兵三百六十五名。兵數與原額不同，姑存之以俟攷。

除派防各汛外，存營兵丁僅有一百九名，實形單薄，擬添設把總一員，外委二員，馬步守兵五百名。實在只四百六十六名。原額設守備向駐夏縣，此次添兵較多，應令改駐茅津大

平陸縣續志

卷之上

兵事

三六

營。平垣連原額兵共八百六十五名。實在共兵八百二十三名，今併存之以俟考云。統歸遊擊督率，訓練，以資保障，仍于存城兵內酌留五十名歸夏縣城外委管理，并在平陸縣南溝村分設專汛，於平垣本營派撥外委一員，守兵五十名以資巡防。

以上官兵統屬太原鎮，標歸蒲州協兼轄，其俸餉乾銀，每季差千把外委一員赴司請領，移會平陸縣公同驗放。

演武場二 一在遊擊署西，修廣六畝，中建廳事三楹，東隅將臺一。操期每月一四七日演抬槍，二五八日打鳥槍，三六九日比射，逢十日合操，一在南寨門內，修廣八畝，中建演武廳三間，東北隅將臺一，東西礮臺二，同治元年河東道劉子誠建。

河防

茅津渡、渡船南北岸各三隻，鹽船三隻，歸縣丞兼轄。嗣因大祲，渡船損壞，光緒六年河東道憲江捐銀二百兩，本州馬丕瑤捐銀五十兩，知縣劉鴻遠捐銀三十兩，縣丞陸以耕捐銀二十兩，製造渡船一隻，以補舊額。復議立章程，嚴禁水手勒索，稟請本道出示嚴禁，并移會陝州，有碑記。

太陽渡、白浪渡南北岸渡船各一隻。

洪陽渡南北岸渡船二隻，咸豐三年河防吃緊，奉文裁撤，後因不便于民，仍設。嗣因河干戒嚴，南岸船隻提泊北岸，封渡。迨後有警由縣飭差封提。是年髮逆擾豫，六月調大同鎮兵五百五十名，同平垣營防堵茅津沿河一帶，九月杪撤防。嗣後豫省有警，無歲不調兵防堵。十一年調太原鎮兵一千名，是年四月遂議長防，本道以沿河一帶茅津居中，遂駐劄于此。至同治七年東南肅清，始行撤防。

同治元年捻匪由秦竄陝州之會興鎮，太原總兵和昌、河東道劉子誠、知縣張懷塋、遊擊谷景昌、縣丞陸以耕、把總米輔國、外委把總張鳳翔等督率兵民，沿河防禦，南岸難民隔河呼救，遊擊谷景昌架礮舟冲鋒渡濟，全活無算。八月十五日捻匪由東寇陝，竄據會興鎮旬餘，十七日夜大雨如注，鄉人驚報賊由沙澗偷渡，我軍冒雨擊退，賊遂西竄。

五年九月捻匪張縱愚復竄會興鎮，屢撲河干，知縣馬不瑤、遊擊谷景昌等防堵如初，賊復西。

兵防

平陸縣續志

卷之上

兵事

三七

烽墩一十三座：在張店、鞍嶠、太寬、八政、茅津、太陽、洪陽、南溝等處，每年由平垣營派兵三五名駐防，護送行旅。在城民壯二十四名，隨兵操練以防城。同治元年奉文勸辦團練，知縣張懷塋每鄉團練民丁二三百不等，平時則守望相助，有警則同兵防河以壯聲威，不聽調遣。

營汛

平垣營額設遊擊、守備、千把總外委。俱見營制。

本縣城守營汛額設外委把總一員，兵十八名，兼管太陽、洪陽兩汛。

張店汛即張店堡在縣東北，距城七十里，額設外委千總一員，兵十二名。

南溝汛即白浪渡在縣東距城一百二十里，新設弁兵。見制。

選舉類

取士之法，夏商以前不見于經，至周始以鄉三物賓興之，三年大比，天府登庸，度數精詳，本末俱備，抑何盛與！厥後因革損益，代有重輕，我國家率由舊章，崇經術，首制科，禮樂兵農之選蔚然並興，其爲王國之楨①，不旣彬彬②郁郁③也哉！尤于甲科而外恩拔歲薦以廣其途，生、俊、貢、監以闢其徑，使老師宿

儒，奇才異敏俱得展其蘊蓄，畢其猷爲，作人雅化蔑以加矣！第廷獻本于家修，造士由于學校，必養之有素而後措之無窮，故惟榱桷④之材，克勝棟樑之任。非然者，盜名竊位，紆紫托青，徒襲沐猴之衣冠，全乏本來之面目，不幾負朝廷而羞當世之士耶！誌選舉。

註：

①「楨」：古時築牆時所立的柱子，言中堅或核心也。

②「彬彬」：文雅有禮也。

③「郁郁」：文采顯著也。

④「榱桷」：榱音便，桷音南，係指貴重的建築木材。

進士乾隆癸未科以前詳舊志

史曠如乾隆庚子恩科，字晚蟬，號虎侯。

全卜年嘉慶辛未科，詳人物。

趙垣道光乙酉恩科，詳人物。

陳鳴謙道光癸卯恩科，見仕宦。

舉人

趙彭紹乾隆甲午科，揀選如縣。

史曠如甲午科，見進士。

平陸縣續志



卷之上

選舉

趙廷琦丁酉科。

王寧儉己亥恩科。

荆烜己亥恩科。

柴溥丙午科。

柴灝甲寅科。

全卜年嘉慶庚午科，見進士。

賀寅炳道光壬辰科。

解汝逾

解惠疇己亥科，見仕宦。

楊時夏己酉科。

毛述先咸豐壬子科，見仕宦。

全獻聞戊午科。

令狐尊德辛酉科。

李發榮辛酉科。

令狐雁題同治甲子科。

劉可貞丁卯科。

毛鴻海庚午科。

丁懷璧光緒乙亥科。

貢生

員在茲乾隆乙酉拔貢。

柴煥

柴炳歲貢見仕宦。

姜奠齊

伍漢駒

賈世都恩貢。

薛伏昭

劉攀桂

趙傲孟

荆峨

李澄恩貢。

冀元亨乾隆丁酉拔貢。

呂兆熊乾隆己酉拔貢。

楊乾享乾隆歲貢。

成名世歲貢。

張東書恩貢。

趙望颺恩貢。

趙殿魁歲貢。

解先德

荆鼎新

張體國嘉慶恩貢。

史明程歲貢。

李林芳辛酉拔貢。

石演雲辛酉副貢。

石維巖歲貢。

冀元善歲貢。

楊遵程歲貢。

趙含章歲貢。

楊廷棠恩貢。

范爾昌歲貢。

楊成育歲貢。

吳五桂歲貢。

張鴻舉己卯副貢。

史祺遠

李建翮

楊會生

平陸縣續志

卷之上

選舉

楊遵朱

徐莪

趙體誥恩貢。

楊澄心

李廷樸

關學易

張檀

王凌漢

呂肇青

杜傑

王化龍

員維楨

全玉年道光恩貢。

席如戴乙酉拔貢。

王捷升歲貢。

邱階升辛卯副貢。

楊經方歲貢。

焦莊恩貢。

楊垣丙申拔貢。

裴鍾靈歲貢。

竇慶會歲貢。

全魯藩歲貢。

全啓藩歲貢。

張鳳舉恩貢。

趙之璧歲貢。

趙宗直己酉拔貢。

王寅亮歲貢。

楊所約咸豐恩貢。

杜于淇 歲貢。

張 卓 恩貢。

柴景韓 歲貢。

趙嘉會 乙卯副貢。

梁毓麒 恩貢。

姜典三 恩貢。

趙 碩 歲貢。

解 遴 恩貢。

陳凌霞 歲貢。

張萬青 辛酉拔貢。

杜瀛煥 同治恩貢。

解聯萼 歲貢。

毛繼先 歲貢。

富寅清 恩貢。

周新命 歲貢。

任麗光 歲貢。

高凌臺 歲貢。

梁岱雲 恩貢。

衛步瀛 歲貢。

張步青 癸酉拔貢。

李觀光 歲貢。

令狐宣光 光緒恩貢。

李春華 歲貢。

雷建南 歲貢。

李貞年 恩貢。

員夢魁 歲貢。

武舉

平陸縣續志

卷之上

選舉

趙清桂 癸酉科。

張所尚 乾隆戊子科。

張所誦 庚寅恩科。

史可紹 道光庚子科。

段煥章 同治甲子科。

王興元 庚午科。

劉縱 乾隆戊子科。

仕宦

文武

周延祜 字

由舉人官內閣中書，歷任武進金匱知縣。

范三綱 字叙五，號荆坡，由進士官刑部江蘇司主事，陞直隸司員外郎，掌京

畿廣西道監察御史，擢戶科給事中，巡視東漕南漕。

仝卜年 字子占，號礪南，官彰化等縣知縣，歷升知府加道銜，署臺灣道。

趙垣 字禾邨，由進士官平順訓導，樂平教諭，朔平教授，后升涑水知縣。

以上俱詳人物。

史統順 字義圃，由舉人官廬江桐城知縣，乾隆壬子科江南同攷官。

荆如棠 字蔭南，由翰林院庶吉士官知縣，歷升淮陽兵備道。詳人物。

楊遵程 字 由歲貢官靈邱縣訓導。

史遐齡、字 由拔貢官趙城縣教諭。

荆煊、字 由舉人官雲南知縣。

成名世、字 由歲貢官山陰縣訓導。

陳鳴謙、字韞高，由進士官知縣，署陝西隴州知州，咸豐乙卯科陝甘同攷官。

歷任江西永豐、南城知縣，同治壬戌科江西同攷官。時髮逆肆擾，城防出力。

解惠疇、字亮采，由舉人官右玉、絳縣訓導。

毛述先、字紹庭，由舉人官平遙訓導，長治教諭。

李發榮、字秀山，由舉人官內閣中書。

邱景和、字春台，由吏員官平利縣縣丞，政治詳明，人多呼爲邱佛云。

陳寅錢、字 鳴謙次子也，由監生官江西糧道庫大使，歷任河北馬溪河巡

檢，加提舉銜。

王 棻、字 由庠生官陝西渭南縣縣丞，升授鎮安縣知縣。

仝 備、字傑夫，卜年之孫也，由吏員候補縣丞，署汀州府經歷。

柴 煥、字敬峯，貢生，山東德州州判。詳人物。

平陸縣續志

卷之上 選舉

四一

田世豐、由進士官鑾儀衛經歷，鹽原、長安、南鄭等知縣。

王 祐、字吉臣，棻之孫也，由庠生指分河南候補府經歷。

張所尚、字士心，由武舉官千總，升守備，代理縣丞事。詳人物。

張所誦、字雅章，由武舉除江南徐州衛千總，後遷河南領運千總。

史可紹、字 由武舉官千總。

劉雲章、字漢臣，由武生官太原鎮標右營把總，加六品銜，歷署右營守備。

趙重耀、字光遠，由武生官千總，歷署夏縣守備。

劉登高、字仰之，由行伍官平垣營額外委。

劉潮海、由行伍官夏縣額外委，同治六年防堵吉州龍王辿，與賊力戰陣亡。

詳人物。

封蔭乾隆二十八年以前見舊志附。

范紹武、字隆平，以孫三綱官戶科給事中，贈朝議大夫。

范大勳、字陶猷，以子三綱，贈朝議大夫。

趙 恂、字曉村，濟南府經歷，以覃恩贈修職郎。

全 字 以孫卜年官台灣道，贈朝議大夫。

全 字 以子卜年贈朝議大夫。

趙靜修、字 增生、以子垣官涑水知縣，贈文林郎。

史 澤、字 生員、以子遐齡官趙城教諭，贈修職郎。

史 迺實、字 以子統順官桐城知縣，贈文林郎。

解志善、字天真，太學生以子惠疇官絳縣訓導，贈修職左郎。

李正陽、字景中，國學生以子發榮官內閣中書，贈文林郎。

毛豐登、字有齋，以子述先官長治縣教諭，贈修職郎。

李偉甲、字天一，國學生，以子苗加訓導銜，有事捐輸局，贈修職左郎。

選舉紀略 自古人材興于學校，杜佑云：「設官在乎審官材，審官材在乎精選舉。」蓋選舉爲官材所由來，學校又爲選舉所自出。成周用人不進于冢宰而進于司徒，不其然歟！間嘗攷歷代取士之制，漢初去古未遠，重在薦舉，而計偕有制，射策有科，後世策士之法亦始于此矣。唐宋以來設科取士，其途不一，故謂之科目。而進士之制始見于隋，歷沿不改，惟明時進士人官之途，諸流皆不得與並焉。舉人

平陸縣續志

卷之上

選舉

四二

之稱見于《北齊書·鮮于世榮傳》，時所謂舉者謂舉到之人，不以爲定名也。唐玄宗時由國子及郡學舉送，奏明禮部集試，謂之舉人。不第則當再舉，歷代盡然。至有明洪武三年詔設鄉會科，七年頒科舉成式，始以鄉試中式者爲舉人，即不第毋庸再舉。至于歲貢，元時於學生內選擇解貢太學，無定制，洪武二十一年令府學一年，州學二年，縣學三年各貢一人。弘治初乃定三年二貢之制（以才德選者曰選貢，即今之拔貢。有慶典加恩曰恩貢，我朝鄉試副榜亦准作貢）。凡進士舉貢皆謂正途，進士自及第外俱賜出身。舉貢亦得銓注，雖間由薦辟起家，他途雜進，亦兼收並用，往往限其所至其畸重在科制，有明用人類如此。武舉始于金皇統間，許諸色人應試，明亦以子午卯酉年鄉試，巡按御史會同三司攷驗，定數，起送人試兵部，不中式則須再舉，其不再舉而爲定名，則自我朝始。武會試明嘉靖初定于鄉試之次年四月，至崇禎初並殿試如文科之榜名矣。

國初武會試定期九月，鄉試十月。道光、咸豐間屢改其期，同治元年仍復舊制。要之三代取士以德行道藝，自漢以後漸貴詞章，徵辟之典與賢良方正之舉，間亦行之而卒不可爲常例，亦時勢使然也！夫儲才必有其地，教士當有其方，

三代時鄉學有教，國學有教，其法亦詳矣，誠以士必教之於前，而始可用之於後，記云：大樂正論造士之秀者升諸司馬，曰「進士」，論定而後官之。進士者歷選士，俊士、造士而後得名，誠重其選也。由今思之，其所謂選士類于今之學生，俊士造士近於今之貢生，舉人進士至今同之。然必由樂正以升者，即人才本于學校之說也。今國家科舉之制率由明舊，而用人不拘常格，又爲前代所未及。我聖祖特詔開博學鴻儒科，世宗命學臣保舉優生，又令大小臣工各舉所知而用之。高宗再舉博學宏詞於鄉會外，屢行曠典，闢門籲俊可謂至矣！而更以學校爲人材所由興，廣厲學宮，勤宣教化，黜浮華、崇本實，凡所以作養之者至詳且盡，士習以端，而官材以辨，得其本矣。

平陸縣續志卷之下

人物類

雲夢^①之竹，天下之勁也，然而不矯揉^②，不羽括^③，則不能以人堅，棠谿^④之金，天下之利也，然而不鎔範，不砥礪，則不能以擊強，尚論古人亦若是而已矣。虞之人物，在昔爲高尚、名世、忠賢、義勇、孝友、節烈，事雖不同，其理則一，何莫非矯揉羽括鎔範砥礪而後得此勁利也哉！自修志迄今百有餘歲，其間科第繼起，人文炳蔚，或治行卓著，或垂光閭里，或孝友或忠烈，故皆表而出之，其所以厲世磨鈍者，庸有既乎！誌人物。

注：

①「雲夢」：古澤名，在今湖北省安陸縣南。

②「矯揉」：屈伸之意。使屈者伸爲矯，使伸者屈爲之揉。

③「羽括」：鳥毛爲羽，箭尾爲括，加羽于括曰羽括。

④「棠谿」：春秋時地名，在今河南西平縣。

治績

平陸縣續志

卷之下

人物

四四

荆如棠，字蔭南，乾隆辛酉舉人，戊辰進士，由翰林院庶吉士授邑宰，官至分巡淮揚兵備道，宦績甚著，民皆稱之。

范三綱，字叙五，號荆坡，乾隆戊子解元，戊戌進士，授刑部江蘇司主事，升直隸司員外郎，掌廣西道京畿道監察御史，擢戶科給事中，巡視南漕東漕，秉正嫉邪，人皆憚之。

全卜年，字子占，號礪南，嘉慶庚午舉人，辛未進士。幼而岐嶷^①讀書目下數行，稍長爲文甚奇，性孝友，家貧好學，識者器之。官知縣，遷臺灣府，署臺灣道，歷任五縣、二廳、一府、一道，所至建學校、修城垣，撫流亡，折疑獄，剔奸宄，皆以最報。任彰化縣時俗多械斗，有陳姓者，結黨于壺盧墩，衆至萬人，卜年聞之，一晝夜急馳二百餘里，彈壓解散，一時有菩薩之稱。加道銜，賞戴花翎，尤工詩律，壽六十有七，卒于官。

周延秭，乾隆時舉人，官內閣中書，歷任江南武進、金匱知縣，愛民如子。後告歸，設教靈寶桃林書院，循循善誘，門下獲第者甚衆。

趙垣，字禾村，忠厚明敏，嘉慶癸酉拔貢，乙酉舉人，庚子進士，歷任平順

訓導，樂平教諭，朔平教授，涑水知縣，居官以清慎勤自勵，辦陵差稱職，尤勤案牘，中宵不倦，著有《涑陽記略》。

柴煥，字敬峰，貢生，從矩堂弟，山東德州州判，賦質純良，持身恪謹，居官能得士民心。乞休日父老挽留，有借寇^②之風焉。

張所尚，字士心，初學文，後習武，中乾隆戊子科武舉，除山東臨清衛後幫領運千總，旋升守備兼代理縣丞事，卒于官，家人扶櫬^③歸里，百姓道左餞祭，絡繹不絕，得民如此，在武弁爲尤難。

注：

①「岐嶷」：岐茂之貌，《詩經》「克岐克嶷」謂后稷幼時，已頭角巖然，異于常見。

②「借寇」：漢武帝以寇恂爲潁川太守，將去任吏民留之，言愿從陛下借寇君一年。後之挽留地方官者曰「借寇」。

③「櫬」：即棺材也。

懿行

柴從矩，字方齋，乾隆己卯舉人，庚辰截取知縣，嗜讀不仕，藏書幾甲一邑。

歲收粟千餘石，皆以小斗人，遇歲饑輒減價平糶，凡鄉鄰有饑，慨然樂施，每年出

平陸縣續志

卷之下

人物

四五

粟周濟親族至老不倦。

柴溥，字佩韋，從矩長子也。乾隆丙午舉人，揀選知縣，喜施予有父風。嘉慶丙寅歲大饑，家設粥廠，就食者衆，活人無算。學書得顏魯公法，望重一時。

陳務滋，監生，品行端方，輕財好施，值鄰友爭財欲訟，每出金還債以息事。

孫秀錦，字采章，增生，孝恭純篤，剛直惡邪，雖婦人孺子咸敬憚之，門人進士田世豐等立教澤碑。

賀鳴金，邑庠生，存心忠厚，待物不欺。一日偶步田間，適有人盜其禾，見之急返，其人自後追呼，疾行不顧，至家，其人叩門請罪，仍閉戶不納，終未賞一言其姓名，其涵養如此！

趙果煥，字映璧，國學生，性質直好義，遇親鄰貧苦多賙之，知縣李澍生匾其門曰：「品端行優」。道光二十六年歲大饑，糧價日昂，煥出粟減價平糶，月餘乃止，里人稱之。

張鵬翼，輕財好施，慷慨不吝，乾隆六十年歲饑，捐粟千餘石分給鄰里，嘉慶九年歲大荒，又捐濟之。

荆振邦、介賓，道光二十六年歲大饑，出粟以贍族鄰，人皆義之，壽七十有九。

靖養身、邑廩生，曲成^①後進，無志功名，在家廟設立義學，凡貧家子弟皆往學，如是者十餘年，村人稱之。

令狐增憲、字孔章，從九銜，性敦厚豁達，勤公事如家事，咸豐初髮逆擾豫，知縣余正西欲練勇防守，增憲建議調沿河諸村壯丁代之以省費，同治五年賊匪擾陝，增憲請傳居民齊集河干，輪流守禦，境內籍以無虞。平生清操自勵，尤重讀敬師，里黨稱之。

王世立、字卓然，例貢生，品誼端方，性敦厚。精醫術，不受謝，得藥而愈者甚衆。

解志善、字天真，監生，貽封^②修職郎，耿介^③端嚴，睦族恤鄰，義方教子，重讀敬師，五世同堂，子孫登科入庠者五人，與人無爭，門庭雍雍，家至七十餘口，爲一邑最。

劉智顯、字雲台，輕財好義，村溝通山，深至數十丈，獨出貲財，創築鉅橋以便往來，一生賑貧恤孤，鄉黨咸敬重之。

梁秉智、家素貧，爲人傭，曾拾花客遺金二百，後訪得花客某還之，鄉里共稱有疏財仗義之風。

高向垣、于井邊拾聞喜縣柴三元遺金三百，携至家，人不知，次年柴復來，遇之言遺金付之，封記宛然^④。

趙廷堯、字則天，輕財好義，嘗拾數百金，慨然與之，其人感謝亦不受，歲貢伍漢駒匾之曰：「義追管寧」^⑤。

王太平，于路側拾遺金百餘兩，後月餘有河南賈人來尋，平以原金付之，賈人感謝。

照磨銜周炳、字文圃，延柩子也。處世與人無忤，樂善不倦，親鄰婚葬，不吝周恤。盛暑手不釋卷，一生未至公庭，鄉人重之。

楊遵程、歲貢生，官靈邱縣訓導，品學兼優，樂善好施，捐地三十畝爲祭田^⑥，又精醫理，門常如市，無不應手取效，餽遺不受，與世無爭，著有《撥迷金針》等書。仕歸好樓居，手持麈尾^⑦終日危坐，不妄言動，壽九十餘無疾而逝。子二皆增

平陸縣續志

卷之下

人物

生，悉以品學端厚，見重鄉里。

注：

①「曲成」：曲幾助成，即苦心下功夫，幫助其成人也。

②「胞封」：清制職官以自己應得之封誥，呈請改授遠祖及伯叔或外祖父母，謂之「胞封」，婦人稱「胞贈」。

③「耿介」：有志節而不與人苟合。

④「宛然」：依舊，依然。

⑤「管甯」：三國魏朱虛人，少與華歆同席讀書，有乘軒冕過門者，歆廢書觀之，甯與其割席分坐。

⑥「祭田」：取其所產，以供祭祀之用。

⑦「麀尾」：麀請主，獸名，鹿類，俗稱四不像，以其尾為拂塵，故曰「麀尾」。

孝友

監生姜寶南，字農育，事嫡母以孝聞，姊二俱早寡，居無依，寶南迎歸同居者四十餘年。兄歿，侄世綿尚幼，為延師課讀，并代營家務，後人邑庠，鄉黨重之。荆林青，字春意，家貧幼孤，事兄甚謹，出嗣他支，因兄累欠太重，乃分任其債，以授徒資償之。兄或不給，恒減食以周之，里人敬服。

平陸縣續志

卷之下

人物

四七

楊所博，邑庠生，父直方，增生，年七十患石淋①晝夜吟呻不絕，博親吮之，石出病尋愈。子兆元，亦以孝聞。

劉維翰，邑增生，性孝友，少失恃，事繼母以孝聞。

李苗，字碩田，增貢生，候選訓導，性至孝，事繼母如所出，生平慷慨好施，凡遇貧乏求輒周之。精醫術，不惜重值購藥為活人計。道光丙午餓莩盈途，粟價日昂，苗減價平糶，鄉人稱之。

楊夢麟，庠生，性友愛，兄弟析產而居，諸弟為匪人所誘，田產蕩盡，麟臨終贖還之，諸弟感悟，後俱成立。

胡遵孔，稟性溫良，制行方正，時勸人息爭訟，姪幼孤，相隔二十餘里，常委己事，居姪家照理，撫育十有餘年，財物一毫不染。

喬連第，候選縣丞，磊落慷慨，三姪一子，乃四分其產，做范文正公義田①之舉，人以爲難。

劉廣凝，字道巖，號棠蔭，性友愛，撫姪猶子，善排解，每歲建立書舍，勸親鄰弟子偕讀而自供薪米。

趙利賓，字國光，邑庠生，教授生徒，孜孜不已，一時名士多出其門，卒年七十有五，門人全卜年等私謚^③曰「文穆先生」。賦性友愛，事親以孝聞，鄉人稱之。

趙作賓，字恪三，邑庠生，利賓季弟，賦性剛正，少從兄學，敦重孝悌，父母病，嘗與其兄夜禱神前，愿以身代。及親歿事兄如父，事無大小必稟命焉。

員振都，居身質樸，忠信懇誠^④撫孤姪尤慈，嘗鬻己產為姪償債。家貧舌耕，妻喬氏，路拾遺金，訪主還之。

令狐種，樂善好施，村有洪澗，人皆病涉，每歲修橋以利行人，子孫五世踵行不怠，載列前志，後嗣能繩祖武。教諭董應深，訓導郭文奎匾旌曰：「箕裘克紹」。至今十一世踵行依然。

楊天喜，監生，性友愛，年十五失怙恃^⑤，與妻伊氏撫數月弟如己出，兄弟同居五十餘載無閒言，遇歲饑輒出粟贍族濟人。

楊廷鳳，廩生，品行端方，賦性友愛，輕財好施，立義塾以教里中子弟，鄉人德之。

平陸縣續志

卷之下

人物

四八

注：

①「石淋」，亦作淋，生殖器病名，五淋之一，由不潔之交購而起，莖中痛而溺不得出，謂之「石淋」。今稱「尿結石」。

②「義田」，宋范仲淹置田千畝以養族人，號曰「義田」。

③「私謚」，謚音示，人死將葬，諱列其行而為立號以易名也，如范仲淹謚「文正」之類。「私謚」是群衆為之。

④「懇誠」，謹慎誠實之意。

⑤「怙恃」，父死曰怙，母死曰恃。

文學

柴從規，字象天，從矩兄也，初學文，後入武庠^①，好覽古今書，於經史象數皆能喻其旨，註有孟子、千字文解，皆鏤板存笥。書法善中鋒體，得者寶之。

注：

①「武庠」，練武之學校也。

柴灝，字撫弦，從矩次子，乾隆甲寅舉人，揭曉後主司嘆為不數數觀。性嗜讀，喜誘後進，生平手不釋卷。兄弟友愛，至老彌篤。書法學松雪，幾於神似，與父從矩，兄溥時有三蘇之喻。

賀寅炳、舉人，號霖鴻，賀鳴金之仲子也。學優品端，掌教西河書院二十餘年，有《人學喻》詳載芮城縣志，時芮之名士多出其門，旋里後邑之及門者尤衆，又精醫術，有求必爲施治，居鄉和藹，歲終見鄰族艱于度歲者必調之。光緒三年歲大饑，於村中極貧者量戶口以粟賑濟，卒年七十有一。

邱階升、字台三，道光辛卯副榜，敦尚孝友，矢志力學，教授生徒，多所成就。

荆載慶、字友篤，品格端方，邑候以文行兼優，舉膺體介賓，平生著作有《半酣詩集》兩卷。

庠生毛文煒、字形廷，性和謹，處世與人無爭，舌耕引掖後進，多所成就，工詩，著有《澗溪詩草》，未梓。

忠義

劉朝海、字宗漢，由行伍補夏縣外委，同治六年出防吉州，冬月二十三日捻匪偷渡，海帶兵同米把總並谷遊戎之姪蒲州營外委谷杏林，衝鋒堵禦，力竭陣亡。林亦罵賊遇害，隨從殉難馬戰守兵二十三名。

平陸縣續志

卷之下

人物

四九

尹用森 劉天青 郭興泰 趙明 冀臨清 張有才 王占盛

趙成亮 賀京祥 慶明元 王連貞 王芝藩 王林貞 史可興

馬存喜 王天星 史武盛 楊立興 劉得法 劉得茂 杜廣乾

韓起家 何光清 皆邑人。

列女類

疾風勁草，歲寒松柏，堅持雅操，士或難之，而况巾幗之婦人乎，如趙烈婦之誓死砥節，遇變投崖，斯固天地間之正氣，誠足以勵頹風而耀簡冊矣。其他矢志不移，永貞靡玷^①或撫孤幼以成名，或事翁姑以全孝，或遇外侮而彌光，或遭家難而不廢，種種懿模，奚堪揚^②，故採合公平，不遺餘力，雖蘭生幽谷不因人而始芳，而蓬長麻中將不扶而自直，此物此志未必非闡德之一助云！誌列女。

注：

①「靡玷」，靡音迷或門，無也。玷音殿，玉石之污點也。

②「揚」，托音遠，揚托，奮舞與拔引之意。

節孝

趙某氏、西滑村趙某妻也，母家洛陽人。幼值歲荒，轉鬻河北，趙之父見而收之，喜其溫順，因定婚次子而童養焉。氏孝敬和睦，出自性成，長合昏^①琴瑟甚篤，甫三載，而趙病不起，氏奉侍湯藥晝夜惟謹，病革^②，趙執氏之手口不能言，目亦不瞑，氏泣曰：君將不忍于妾乎？當從君于地下矣！言訖遂瞑^③，氏哀痛求死，屢爲家人所防，比葬氏墜崖殉之遂同穴焉，舉人賀寅炳有歌並序。見藝文。

員繼康之妻車氏，于歸時康已病不能親迎，俟于門外，迎婦入室，即日康亡，氏遂立志守節，事翁姑克盡孝道，撫夫弟繼平尤友愛。平亦忠謹事嫂，以子嗣兄。壽六十餘。

王清溪之妻趙氏，年十八適夫，旬餘夫亡，氏以死殉之。親族爲之立節烈碑。

張益高之妻何氏，年二十歸高，三年高亡，子女俱無，越二年父母欲奪其志，自縊死。

張西平之妻王氏，年二十二歲生子方四歲而死，月餘平卧病不起謂氏曰：子若在汝當守，今子已亡，我死後汝可另嫁，言之泣下，氏亦泣應曰：女子從一而終，豈容再嫁？君死妾當從于地下耳，平歿氏果自縊。

平陸縣續志

卷之下

人物

五〇

曹良舟之妻王氏，未嫁夫亡，祇遺病姑，氏奔喪易妝，號慟欲絕，或慰之。氏曰：郎君已逝，病姑誰憐？由是乞食奉姑，備嘗辛苦，及姑歿，哀求鄰里爲備衣棺，守墓百日而氏亦亡，邑令梁公勒石表墓。

呂孝女，性孝友，年十餘歲父母相繼而歿，憫幼弟無人撫育，恐父母失祀，遂誓終不字人，堅持節操，撫養弱弟至于成立，同居七十年歿，聞者咸嘉嘆之。

史發榮之繼妻史氏，年二十九歲夫亡，翁年七旬，一子數歲，矢志堅守，事親撫幼，慈孝兼全，卒年七十三歲。

員自暄之妻張氏，年二十七歲夫亡，子甫三歲，家貧惟績紡拾薪度日，撫孤成立，卒年七十一歲。

張周考之母成氏，年二十四歲夫亡，子週歲，翁姑俱耄，氏堅志守節，卒年七十五歲。

楊高柯之妻趙氏，年二十五歲夫亡，志節耿耿，事翁姑曲得歡心，人皆稱孝，卒年六十歲。

董文宣之妻路氏，夫亡氏年二十五歲，子甫三歲，素志賢良，躬行勤儉，治家

有法，教子成立，卒年四十五歲。

董建旂之妻員氏，夫亡氏年二十四歲，子女俱無，行止有法，賢良可欽，苦節二十一年而歿。

張可貞之妻楊氏，年二十一歲夫亡，子甫二歲，煢煢^④無倚，苦節五十餘載。席嘉淮之妻喬氏，年二十九歲夫亡，遺子一歲苦節撫育至于成立，嘉慶九年歲大饑，家計空乏，惟以績紡度日，撫姪無異己出，卒年八十二歲。

席百泰之妻荆氏，年二十四歲夫亡，撫二歲遺孤，嚴以濟寬，教子成立。姑壽八旬，舉動維艱，氏日夜侍側不懈，卒年七十三歲。

席鍾靈之妻張氏，年二十二歲夫亡，清操自勵，事翁姑以孝聞，卒年五十七歲。

何可依之妻李氏，年十六歲夫亡，無子，矢志堅守，撫嗣成立，娶媳張氏，不數年而嗣子亦亡，時氏年二十一歲亦無子，因姑孀居，無人奉養，遂誓死不改節，姑年六十四歲而卒，氏今六十一歲。

陸雨林之妻趙氏，年二十七歲夫亡，子女俱幼，紡績度日，撫育成立，卒年六十歲。

平陸縣續志

卷之下

人物

五一

廩生王清暢之妻趙氏，年二十八歲夫亡，子女俱無，奉翁姑以孝聞，後承命立嗣，連生二孫，卒年五十歲。

員英才之繼妻楊氏，年二十八歲夫亡，子方二歲，撫孤成立，後舅姑皆染癱疾，事奉數年，毫無閒言，卒年七十二歲。

張鎮吉之妻裴氏，年十九歲，光緒四年歲大饑，家人不能相保，姑與夫相繼亡，翁以乏食遣嫁，氏矢志益堅，後翁逃食還，氏已閉戶死，與叔祖姑王氏、叔姑何氏，事異志同，可謂一門三節矣。

馬登高之妻劉氏，奉養翁姑，克盡孝道，年十九歲夫亡無子，氏以死殉之。

黃何氏、矢志柏舟^⑤，鄉里稱其節孝，立碑道旁。其夫失攷。

馬如穰之妻劉氏

薛允恭之妻趙氏

何如倉之妻吳氏

冀有麒之妻趙氏

關學顏之妻楊氏

毛錫祖之妻關氏

馬兆圖之妻王氏

楊發才之妻令狐氏

高召憩之妻劉氏

史慎微之妻趙氏

趙振家之妻令狐氏

馬志剛之妻王氏

薛毓琦之妻楊氏

薛國珩之妻趙氏

趙得安之妻李氏

員五芝之妻吳氏

員五傑之妻趙氏

關培冀之妻張氏

王良淳之妻趙氏

毛 玫之妻趙氏

常裕昌之妻趙氏

杜定元之妻趙氏

關附鳳之妻毛氏

李迪元之妻關氏

史以匡之妻楊氏

趙望烈之妻史氏

趙彭綬之妻呂氏

劉蔭竹之妻楊氏

劉 巽之妻郭氏

馬如緘之妻張氏

楊俊秀之妻史氏

鄧亦樂之妻王氏

王廷標之妻杜氏

杜應元之妻楊氏

趙京貴之妻毛氏

張 譔之妻韓氏

趙果鑑之妻楊氏

員迎暉之妻石氏

關耀邦之妻張氏

楊俊奇之妻陳氏

韓經邦之繼妻劉氏

王百泰之妻宋氏

李坤元之妻仝氏

杜士元之繼妻萬氏

鄭玉振之妻趙氏

史廣恩之妻趙氏

李知新之繼妻趙氏

員恒貴之妻石氏

李育材之妻紀氏

趙奉璋之繼妻鄧氏

梁永建之妻胡氏

陸天錫之妻杜氏

范于濟之繼妻史氏

平陸縣續志

卷之下

人物

譚有成之妻王氏

趙慎行之妻荆氏

以上節婦經知縣沈珂清詳

旌

前志我朝節婦均係沈珂清復詳旌表

王啓心之妻汪氏

柴景望之繼妻楊氏

鄧仰智之妻員氏

吳應泰之妻李氏

令狐邦全之妻王氏

張錫智之繼妻趙氏

趙如花之妻陳氏

仝維城之繼妻楊氏

張三榮之繼妻何氏

毛遇江之妻張氏

員長彥之妻趙氏

李 孝之妻史氏

喬舞麟之妻曾氏

劉廷獻之妻何氏

姜永剛之妻趙氏

毛豐章之妻牛氏

王振宇之妻馬氏

楊 穎之妻趙氏

陳重華之妻崔氏

梁宗興之妻王氏

姜來成之妻杜氏

南廷彥之妻賀氏

譚昌言之繼妻趙氏

梁望秀之妻趙氏

李迎桂之妻馬氏

李明德之妻季氏

王問政之妻楊氏

李志張之妻馬氏

趙雙盛之繼妻董氏

趙連城之繼妻李氏

李志增之妻富氏

陳大裕之妻牛氏

賈逢盛之繼妻毛氏

周 士之妾員氏

趙 楹之妻員氏

陳三才之妻孫氏

周毓俊之妻高氏

周法忠之妻鄧氏

令狐玉柱之妻劉氏

杜書思之妻鄭氏

焦克忠之妻衛氏

梁漸昇之妻張氏

車炎成之妻趙氏

何廷耀之妻毛氏

令狐作楫之繼妻杜氏

何連宗之妻員氏

員振獻之妻焦氏

王化成之妻員氏

雷文友之妻趙氏

趙希普之繼妻張氏

陸生梅之繼妻范氏

趙元善之妻段氏

申永清之妻喬氏

李萬倉之妻陳氏

譚之義之妻毛氏

柳發春之妻裴氏

員多聞之妻楊氏

趙希昂之妻周氏

黃大成之妻胡氏

石兆元之妻趙氏

劉岳之妻宋氏

荆 岨之妻吳氏

張統泰之妻章氏

趙學明之妻李氏

史序穆之妻王氏

賀丕基之妻楊氏

李薦之妻郭氏

譚文炳之妻令狐氏

趙侍孔之繼妻曹氏

劉省三之妻李氏

張印洲之妻柴氏

石臨泗之妻劉氏

王還之妻馮氏

譚虎文之妻荆氏

賈奉章之妻成氏

李懷育之妻段氏

石友蘭之妻梁氏

胡繼玉之妻趙氏

平陸縣續志

卷之下

人物

毛福華之妻荆氏

李生科之妻荆氏

趙玉林之繼妻員氏

張達道之妻喬氏

陳風獻之妻趙氏

譚近勇之繼妻趙氏

喬端之繼妻張氏

令狐乃若之妾趙氏

以上節婦經知縣馬丕瑤詳 旌。

烈婦王王氏

劉清彥之妻趙氏

喬繼祖之妻王氏

令狐永昌之妻薛氏

以上四名，節孝祠皆有祀位而事實失傳，錄之以備考。

毛炳耀之妻張氏，幼隨父任，讀書曉大義，十六歲于歸，夫亡時氏年二十四歲，家道拮据^⑥，紡績度日，事姑嫜^⑦克盡婦道，或諷以改圖，即勢面謝之曰：妾幼讀詩書頗知禮義，何敢玷辱門戶也。子長教之學，戒之曰：「勿負我苦！」後其孫述先，曾孫鴻海，相繼登賢書^⑧，人以爲貞孝之報，知縣沈珂清上其事，奉旨旌表。

張姜氏，張段氏，矢志柏舟，節孝兼全，夫與子俱失考。

王環之妻李氏，夫因家貧爲傭，出外生理，經三門溺死，遺子甫週歲，氏年

十八，撫子事姑，籍績紡以度日，守節四十餘載。

姜氏姊妹者，長適令狐姓，年三十夫亡，次適譚姓，年二十三夫亡，俱無子，矢志柏舟，始終不易節，後兩姓近族無人，遂依母家四十餘年，長七十九歲卒，次七十六歲卒，姪世昌送二喪各與其夫合葬焉。

趙世之妻石氏，年二十一歲夫亡，子女俱無，矢志不貳，紡績度日，事舅姑以孝聞。舅姑歿典賣田產以葬，貧而堅守，節孝兩全。

趙勤之妻武氏

毛秉震之妻趙氏

吳勤之妻鄭氏

毛文煥之妻員氏

史知祥之妻謝氏

郝應胞之妻曹氏

葛金廣之妻郭氏

段文秀之妻張氏

王直身之繼妻呂氏

鄭安命之繼妻王氏

王毓文之妻喬氏

王復榮之妻楊氏

王允中之妻荆氏

王中立之妻富氏

解惠成之妻武氏

毛增耀之妻吳氏

李永貞之妻董氏

龔昇雲之妻成氏

呂連科之妻高氏

王權之妻趙氏

張聯萼之妻喬氏

張勵恭之妻邱氏

范選朝之妻張氏

尹映葵之妻潘氏

平陸縣續志

卷之下

人物

王殿臣之妻宋氏

尹映荷之妻衛氏

尹映笙之妻梁氏

劉善世之妻范氏

劉景行之妻張氏

何三泰之妻吳氏

解于奇之妻楊氏

毛亦翻之妻南氏

令狐定江之妻景氏

成崇道之妻員氏

周迪吉之妻令狐氏

楊如楷之妻張氏

趙恒煦之妻周氏

趙起元之妻譚氏

李昌德之妻孟氏

令狐濟之妻衛氏

趙有法之妻裴氏

令狐誠心之妻李氏

曹法蕭之妻姚氏

趙八田之妻薛氏

柴景邵之妻何氏

張其煊之妻陳氏

荆天德之妻侯氏

成大智之妻吳氏

王體恭之妻李氏

馬黑漢之妻趙氏

史可修之妻趙氏

王嘉宇之妻員氏

文學悅之妻楊氏

呂篤敬之妻趙氏

裴清河之妻喬氏

張慶遠之妻常氏

李全庚之妻梁氏

史志道之妻趙氏

趙斗之妻王氏

裴以寧之妻胡氏

尹映芸之妻張氏

田貴耕之妻趙氏

令狐中元之妻鄧氏

張治遠之妻王氏

裴登理之妻薛氏

李芳槐之妻張氏

石生雲之妻毛氏

史文彥之妻馮氏

王建中之妻何氏

靖 英之妻楊氏

胡現章之妻石氏

趙月盛之妻崔氏

張恩賢之妻柴氏

韓登鳳之妻陳氏

荆振邦之妻張氏

鄭宗哲之妻楊氏

趙章昇之妻李氏

張四墨之妻趙氏

張免換之妻李氏

荆春暢之妻温氏

吳燭理之妻楊氏

史嗣曾之妻杜氏

趙重倫之妻周氏

宋 藻之妻陸氏

蔣進戰之妻關氏

任亦全之妻石氏

吳廷揚之妻張氏

尹文彬之妻任氏

周掄元之妻辛氏

史鳳鶯之妻王氏

趙玉清之妻趙氏

荆應選之妻喬氏

陳欄森之妻楊氏

武秉良之妻車氏

蔣成農之妻史氏

唐申惠之妻馬氏

王體元之妻楊氏

段含章之妻裴氏

趙鍾英之妻石氏

趙春元之妻申氏

劉法成之妻梁氏

趙開泰之妻鄧氏

趙 智之妻張氏

李永智之妻張氏

趙晉元之妻張氏

車中規之妻荆氏

張捷登之妻毛氏

令狐振安之妻張氏

平陸縣續志

卷之下

人物

柴纘祖之妻趙氏

馬一清之妻何氏

侯子中之妻王氏

石純音之妻柴氏

黃鎮中之妻李氏

毛安詩之妻張氏

以上節婦，知縣劉鴻遠現擬詳請旌表。

楊德成之妻史氏

楊守業之妻關氏

趙殿策之妻許氏

趙冲漢之妻王氏

王連中之妻史氏

趙見元之妻陳氏

陳恒昌之妻史氏

鄧喜元之妻孫氏

趙世華之妻毛氏

鄭邦俊之妻馬氏

王廓宇之妻鄧氏

劉 忠之妻楊氏

呂殿卿之妻邱氏

周尚文之妻王氏

靳立智之妻董氏

尹協成之妻梁氏

趙承宗之妻王氏

令狐邦霖之母劉氏

史應討之妻張氏

馮殿杰之妻鄭氏

王得祿之妻何氏

高望棠之妻劉氏

薛萬棠之母張氏

李鼎甲之妻薛氏

王志善之母李氏

張鴻儒之妻劉氏

吳應泰之妻李氏

楊大盛之妻李氏

馬飛鳳之妻王氏

仝名藩之妻楊氏

張金富之妻牛氏

楊啓華之妻王氏

馬步津之妻王氏

李錫榮之妻翟氏

楊全有之妻高氏

鍾同欽之妻楊氏

馬意長之妻車氏

荆丕承之妻楊氏

王進堂之妻張氏

曹存敬之妻靳氏

張恩子之妻段氏

郭言順之妻張氏

史布方之妻劉氏

段河榮之妻胡氏

李至周之妻王氏

史雙褒之妻韓氏

李優子之妻謝氏

馬清爽之妻胡氏

馬靜蘭之妻趙氏

王道平之妻侯氏

員振才之妻周氏

仝潛心之妻趙氏

仝包之妻李氏

張和之妻楊氏

李望元之妻成氏

史普潤
張又新之妻荆氏
趙氏

以上現存節婦年例未符，姑錄之以俟他日請旌。

注：

①「合巹」：音音緊，以瓢為酒器也。花燭之夜，新婚夫婦合巹而飲之俗。

②「病革」：革讀急，病沉重也。

③「瞑」：目閉也。

④「膏肓」：膏讀窮，孤獨無依靠也。

平陸縣續志

卷之下

人物

五六

⑤「柏舟」：衛太子共伯早死，共姜守義，父母欲奪其志而嫁之，共姜作詩以自誓，後人以況寡婦之守節操者。

⑥「拮据」：俗謂境况窘迫為拮据。

⑦「姑嫜」：古稱舅姑為尊章，亦曰姑嫜。

⑧「賢書」：賢能者之名籍也。後世謂鄉試中式者為登賢書。

賢淑

王致旺之妻陸氏，繼姪為子，視如己出。壽一百三歲

史大若之妻許氏，四子十孫，曾孫八。夫亡時年甫二十，守志撫孤，子孫蕃

昌。壽九十八歲。

令狐養心之妻張氏，性情和順。年三十自度無子，恐悞夫嗣，勸夫再娶，親為

物色，娶歸始終愛敬，子孫昌盛，一堂四世。

丁養寬之妻張氏，家貧，事繼姑以孝聞。道光丙午大饑，減食以濟鄰里。夫亡

教子孫以義方，日夜紡績兼督耕耘，備茹艱辛。後孫懷璧登賢書。咸謂孝義之報。

郭存之妻關氏，夫亡撫育遺孤，延師訓迪，丁丑大祲，道殣①相望，氏按口

出粟以周親鄰。次子亡遺女甫三歲，媳郭氏年二十四，孝姑撫女，克盡婦道。關有

女適任姓，夫歲荒逃亡，關令與己同處，俾守節育甥。

胡中原之妻劉氏

王步洲之妻喬氏

令狐百鼎之妻鄧氏

全正午之妻何氏

馬景法之妻何氏

郭憲章之妻趙氏

周燦之妻趙氏

陳嘉德之妻楊氏

史殿楹之妻楊氏

史曰林之繼妻劉氏

武立家之妻喬氏

荆迎祥之妻員氏

郭餘庫之妻段氏

荆璋之妻員氏

李夢庚之妻衛氏

員玉印之妻薛氏

劉愷之妻吳氏

鄧宗禹之妻令狐氏

楊啓田之妻史氏

考虞之俗，重廉恥，勵名節，自昔然矣。柏舟之賢，比屋多有，顧以前此得旌之難，葦屋^②窮嫠^③幽貞弗耀，迄於憲廟，繩其廢格，撤其幽翳，嗣是以來，當事虛懷，下無壅遏，側陋^④單微，咸秩祀典，所以炳炳粲粲，若斯之盛也，則夫輯其懿美，傳之彤史^⑤，固今日載筆者事，然殿陽子有云：婦人之行，於親也孝，婦也節，母也義而慈，如是焉止矣。凡此大端，比事屬辭，不難數言而盡，而欲人各一傳，傳各成文，辭意繁復，覽者倦焉，此立言之難也。是以帙中所載節、烈、貞、

平陸縣續志

卷之下

人物

孝遇值非常義惟獨至撰錄舊聞概列為傳，而名閨淑媛及完節中之尤顯者亦與焉。至於節孝兼全，矢志靡他，或以年例得旌，或現今採訪，經此次詳請凡賢貞姓氏並登簡中，總期不沒其人而止，非敢有所軒輊^⑥也。然婦人三十歲後守節及三十歲前夫故，其守節未及十年而沒者例不旌表。第其年未四十，苦節奇行，矢志彌篤，且孝親撫子，備嘗艱辛，若以格於成例刪而不錄，何以勵後？今故列於賢淑，以為巾幗勸！

注：

①「道陞」：陞埋也，謂道路埋死人也。

②「葦屋」：草屋，不見光之屋也。

③「窮嫠」：窮寡婦也。

④「側陋」：卑賤之人。

⑤「彤史」：明女官名，掌宮內之事。

⑥「軒輊」：請玄至、車前高曰軒，後低者曰輊，議論有所抑揚，亦曰軒輊。

藝文類

柳子曰：辭之傳于世者必由于書，道假辭而明，辭假書而傳，一言出口，流光

垂榮，豈不偉耶？况綱常賴以植立，政教藉以修明，簡書剴切，則心神攝服，詠歌渾厚，則志氣和平，敷陳之而記傳，金石之而碑銘，無非揆藻①搗華②以鳴國家之盛，至于士女之嘉言懿行，壤地之短壑疏林，一經品題，並垂不朽，文之不可已也如此！誌藝文。

注：

①「揆藻」：揆音問，揆藻，發舒之詞。

②「搗華」搗音吃，搗華，散布精華也。

記

創建義學碑記

知縣李鍾淑濟寧人

平陸山邑也，南臨大河，北枕中條，東側砥柱天險，傅巖聳翠，危峰峭壁，蜿蜒直達於王屋①；西則天井、石門諸勝，紆折迴環，跨雷首②而暨鹽澤③，固扶輿④磅礴之氣所結而成，而為有商良弼發祥之地，亦即古今來聞人接踵，科名蟬聯所由後先輝映者也。然而地勢崎嶇，土田磽確，雖仍唐魏遺俗，而人之得以裕儲積者蓋寡，以故貧窶之家鮮能從師受書，而英英粹質率聽其嬉戲而莫之訓，蓋自術序家塾

平陸縣續志

卷之下

藝文

五八

之教不行，而美玉之不琢也多矣！余丙申春來宰是邑，即殷然以興學為念，縣故有傅巖書院，諸生以時肄業其中，顧獨無教童子地，因於書院地租為之覈名實，謹出納，積五六年頗有餘資，余又捐廉俸益之，乃度地與舊馬神廟空基，屬國學生趙君實庵，毛子鳳翔，趙子定向董其事，一切物料悉從市價，匠役雇值俱視民間。工興于辛丑二月至十月落成，為門三楹，堂五楹，寤室三間，皆南向，東西兩翼各三楹。其規制大略粗具。又價買龍源村後山地二分，歲收夏秋租市斛九石三斗，為學師脩脯⑤及歲修費，於是延師開館，諸童子雁行而進，誦讀之聲日以起，而人知向學矣。自昔三代之隆也，士出于學，師儒董戒，教學相長，先以祭菜鼓篋之文，詔以弦誦干羽之事，董以夏楚⑥之威，重以齒讓⑦之禮，歷以三年九年之期，考較以小成大成之學，其士畏敬而不敢悖，服習而不敢遷，優游漸被已幾于化學之人人深也。自小學之法廢，無復講求於洒掃應對進退之節，其天資少純者惟驚於佔畢⑧俗學，罔知探求本源，下此或凌競蕩佚，侮慢其先生，故詩曰：芄蘭之支，童子佩觿⑨。又曰：挑兮闔兮，在城闕兮。是少儀之不習而父兄之教不先也，豈一朝一夕之故哉！余今學舍之設，顏之曰：「養蒙」者，誠欲由其心之未濫而早諭教之，使知愛親敬

長之道，隅坐隨行之儀，童而習焉，長而安焉。勿杆格⑩而不勝，勿見異而思遷，以期習與智長，化與心成，固不徒令其記姓名供書算已也。童子勉之，幸生聖賢之鄉，又當山水雄壯之區，其克終始，念典學於古訓，俾異日爲舟楫⑪爲鹽梅⑫以仰副聖天子壽考作人之化，無負余殷殷誘掖之誠，則余之所厚望也夫！抑余更有請者，學舍地處爽塏⑬門臨通衢，無爲賓客假館⑭，致童子有廢學之虞，其地租微薄，不足以備師生膏火，擴而充之，尤有望于後之君子！

注：

①「王屋」：山名，在山西陽城縣西南，南跨河南濟源縣。

②「雷首」：山名，有九名，首陽山、首山、獨頭山、夏山、免山、薄山、中條山、陬山、雷首。

③「鹽澤」：應爲運城鹽池，而不應稱鹽澤，因蒲昌海古稱鹽澤，則在新疆境，王屋、雷首如何能連接？

④「扶輿」：氣盛都積也。

⑤「脩脯」：俱係乾肉，此指教師工薪而言。

⑥「夏楚」：二木名，古扑作教刑，以此爲之，因名其物爲「夏楚」。

⑦「齒讓」：齒，年歲也，少年讓老敬老之意。

平陸縣續志

卷之下 藝文

五九

⑧「佔畢」：佔視也，畢簡也。只吟誦所視之簡牘不能通蘊奧。

⑨「佩觿」：解結錐子，童子佩觿。童子爲成人之飾。

⑩「杆格」：抵牾不相入也。

⑪「舟楫、鹽梅」：殷高宗武丁重任傅說，喻其爲舟楫鹽梅也。

⑫「爽塏」：塏音愷，「爽塏」即高燥爽朗之地。

⑬「假館」：借占校舍也。

重修明倫堂記

知縣 萬科炳 靈川人

儒學之有明倫堂，儒學官蒞事之所也，我朝列聖相承，崇儒重道，自府州衛以下及十室之邑莫不有學，有堂，而定例地方官至謁聖後必詣學坐堂，集諸生講四子書訖，然後視事。他如鄉飲釋菜、讀法、講論亦必於堂上舉行，是不特儒學官蒞事之所，實一邑風化之源，政治之本矣！歲己酉冬余承乏茲土，見斯堂之上漏下濕，每逢諸大典揖讓其中，風雨飄飄，傾復是懼，如必待其棟折榱崩再議更張，則所費不貲，固不若及今修補，猶爲事半功倍也。爰舉明倫之義以正告夫邑之紳士曰：倫之爲言類也，理也，君臣、父子、夫婦、昆弟、朋友五者倫之目也。舍五者安有所

爲人！舍親、義、別、序、信五者，安有所爲學！不特無以爲人，無以爲學，彼主治者又何以治人也？惟以五者爲之紀，而禮樂詩書之迹，與夫仁義道德之旨，馴而習之，使自得之，而後士習日以正，民風日以淳。爾邑人文蔚起，科甲蟬聯，而顧聽其頹廢也乎？抑余更有感焉者，余南人也，南北風氣異趨，竊怪南人奢侈，過地方有公務，每不惜傾囊倒篋以取博施之名，間有喜功生事借以謀利者，此固地氣之浮薄使然。及後赴公車①，登仕版②，遊歷夫燕、趙、秦、晉之間，而見夫廟宇之巍峨③與夫民居之高大華美，視南方又不啻④倍蓰⑤，此豈非福田利益之說有以動其中也乎？不知倫苟不明，則有朋友而反目⑥相噬⑦者，有昆弟而鬩牆⑧起釁者，甚至有父子參商⑨如賈生所謂緩鋤⑩德色⑪箕箒⑫評語⑬者，至夫婦爲人倫之始，不明倫，則夫綱不正，有縱其婦冶容⑭誨淫，且鳴晨⑮肇禍者，若此之寡廉鮮恥，固難望其爲信友，爲悌弟，爲孝子，爲忠臣，即刻棟丹楹，彼聰明正直而壹者其肯降以福乎，此固邑令德教之不明，毋以登是堂者，遇鄉飲⑯只博大介⑰之名，值釋菜⑱第循歲時⑲之例，以至讀書講論，胥視爲月吉月望之常有以階其厲⑲也歟！則是堂更不可不美矣美輪⑳使目覩者顧名而思義矣。然舉公務以振地方，邑令之責也，

平陸縣續志

卷之下

藝文

六〇

借公務以自封殖，爾地方或不能無所疑，今與諸君約：立大總理二十人，司一切鳩工庀材之事，立簿六十本，按五路之大小，給簿之多寡，每簿限勸捐五十金，多多益善，即擇其路之公正紳士一二人或四五人爲首，毋論農工商賈樂輸者聽。其分金則肇自五錢，貴其益而不貴其損。其收取則約以麥後，受以夫而仍受以需，其收繳則限以今冬，以便豫比其蓄之大小，爲鼎革之豐節。其出人筭鑰⑳則大總理存焉，統俟工竣公同核算，有餘則留以修別項，其有乾沒者天人共厭之！在邑令獨力難支，恨乏隨身金穴。在諸君衆擎易舉，寧甘袖手寶山，雖儉稱美德，但區區者匪以畀余，况風刺褊心，此介介者愿勿復爾，尚其各解慳囊㉑俾得迪茲彞教㉒斯倫叙而戶盡可封，亦典從而人皆古處，爲邑令者有深望焉！於戲！邑令之言至矣盡矣，第不知邑之人能從否？然令言固息壤㉓也是爲序。叙既出，各鄉紳士無不踴躍樂從，共捐金二千四百五十兩。興工於乾隆六十年五月十六日，告竣於本年十月五日，一切甃瓦木植俱係新製，舊只存大柱四根。外又蓋鄉賢祠二間，修教諭宅及魁星樓，東門城樓並儀門外糧房等處，約費銀二千一百九十兩五錢四分，維時勦斯役者，教諭張儒，前訓導馮國楨，署訓導曹載炳，訓導常相，典史張延堃，例得備書。叙作於乾隆五十九

年十月，碑立於嘉慶二年二月。

注：

- ①「公車」：古之所謂乘傳，清之所謂馳驛，清時舉人入京會試稱「公車」。
- ②「仕版」：官吏之冊籍也。
- ③「巍峨」：高大貌。
- ④「不啻」：啻音翅，但也。
- ⑤「倍蓰」：倍是加等也；蓰是五倍也。
- ⑥「反目」：不和睦也。
- ⑦「噬」：咬也。
- ⑧「鬩牆」：鬩讀吸念爭也。鬩牆，兄弟不睦而忿爭也。
- ⑨「參商」：二星名，參居西方，商位東方。二星相背，永不相見。
- ⑩「耨鋤」：讀憂畜，耨古時農具形如耙，疏上用，鋤去草翻土。
- ⑪「德色」：施德惠於人而有自矜之色。
- ⑫「箕帚」：簸箕笤帚也。

平陸縣續志

卷之下

藝文

六一

- ⑬「諛語」：諛音碎，諛語，即責罵詬辭也。
- ⑭「冶容」：極力修飾容貌。
- ⑮「鳴晨」：即北鷄司晨之意。《書》：「北鷄無晨，北鷄司晨，惟家之索」喻紂之為婦言是用也。
- ⑯「鄉飲」：古之鄉學，三年攷其德才，學選其賢能者，而昇之於君，鄉大夫為設宴饌行，謂「鄉飲」之禮。
- ⑰「大介」：耿直、介紹。
- ⑱「釋菜」：以芹藻之屬禮先師也。古始入學皆行釋菜禮。
- ⑲「歲時」：定期的時日。
- ⑳「階其厲」：開其禍端也。
- ㉑「輪奐」：建築壯麗也。
- ㉒「筓鑰」：鎖及鑰匙也。
- ㉓「慳囊」：慳音遷，慳囊書吝也。
- ㉔「彝教」即倫常之教。
- ㉕「息壤」：信約盟誓也。

重修文廟碑記

知縣李澍生 撰為人

且士君子讀聖人之書，行聖人之道，而因以崇聖人之祀，大聖人之居，古人庚子拜經，良以木本水源之地未可一日忘也。平邑聖廟傾圮久矣，予以朔望^①登其廟堂，觀其禮器，慨然有重修志而力未之逮也^②，爰集諸紳耆與共商之，都人士踊躍從公，莫不傾囊樂助，共募得銀三千二百三十兩。乃命鳩工庀材，涓期興作，凡宮殿，廡祠以及泮池，櫺星，戟門等處，悉遵定制而重興之，閱年餘而歲^③其事。計磚瓦木石工匠以及置器鑄^④碑等項共用去銀三千三百兩零，因人不敷出，以書院積存銀五十兩益之。按平邑十數年來士子厄於科甲，落成之歲趙生垣即領賢書，以是知形勝家培補文風之說未必皆無稽語也。自時厥後將見樸棧菁莪蒸蒸蔚起，吾知其接踵^⑤聯翩^⑥干青雲而直上者正未有艾^⑦，此特其發矍^⑧之一端耳。工既竣將勒捐贊姓名於石，因弁數語以紀其事，諸生勉之，予將爲觀後效焉！

注：

①「朔望」：舊曆每月初一爲朔，十五爲望。

②「逮」：音代，到達也。

③「歲」：音詣，完成也。

平陸縣續志

卷之下

藝文

六二

④「鑄」：音捐，雕刻也。

⑤「接踵」：踵音種，腳後跟，接踵即腳跟腳也。

⑥「聯翩」：音偏，飛貌。「聯翩」連續而飛也。

⑦「艾」：音愛，止也，盡也。

⑧「矍」：音刑，磨刀石。

重修文廟碑記

知縣 張懷塋 廣昌人

我朝自定鼎^①以來聖聖相承，文明日啓，禮教浸^②昌，涵育薰陶，蓋二百餘年於茲矣，而尊師重道於先師孔子尤爲特加崇奉，章采享祀，典至隆，禮至渥，飭通海隅焉。平陸爲解之下邑，文廟規爲亦云美備。但自道光乙酉歲重修後將四十年，風雨漂搖，墻垣傾圮，塋每人廟而心悚^③以爲迄今不修，日久益甚。因糾集邑之紳耆^④等議與斯役，衆皆踊躍思奮幸少齟^⑤差。夫修舉廢墜以隆典制守土者之責也，而邑之人亦皆謂禮教不修則士風不振，士風振而後人心可深固而不搖，美哉其見之篤矣！於是分鄉募貲，萬衆一心，共得銀二千二百兩零，爰諏吉鳩工，即選邑紳等二十八人分班督理。自大成殿而下以及崇聖祠、明倫堂、並文昌祠，魁星樓、節孝

祠罔不次第畢舉。敗者易之，缺者補之，漉漫⑥不潔者新之，而後煥然有以改觀焉！工將竣會莖調署安邑，而玉山馬君，少巖華君相繼蒞任，樂終其事，以勸茲盛舉，抑何後先輝映哉！夫世運有或陂之時！而人心無一日之息，聖人以其教範天下，於日用飲食之中而使咸曉然於君親長上之分，任天而動，樸而愈篤。故余蒞茲數載，凡所以與吾邑相安相贊而幸免負愆⑦者，豈德之有以感人哉？蓋至教之維持有自，而遺澤之在人心者遠也！則今日之亟興斯役也豈容已哉。衆於是皆欣然以解曰：謹受教，請即書其事而誌之！工起於同治四年三月至五年十月而始竣，總計費銀二千二百兩有奇，巔末⑧既具，因復綴⑨數語，使鏤諸貞珉以告吾故邑，邑之人果能默體此意，講求於名義之閑，涵濡於詩書之澤，群相砥礪⑩以厚其俗，一爲所用，尤當臣樹忠，子樹孝，士樹節義，以求副國家立廟之至意，余於邑有厚望焉！豈曰：掇科名，濡升斗而遂爲吾道之光乎，至聖德之大與天地參，吾人日戴天而不知天之所爲高，日履地而不知地之所爲厚，顧欲以管窺蠡測⑪之見。望宮牆而妄贊一辭，吾則何敢！是爲記。

注：

平陸縣續志

卷之下

藝文

六三

①「定鼎」：古以鼎爲傳國重器，定鼎猶言得天下而建都也。

②「浸」：同浸，逐漸也。

③「怵」：音聿，害怕也。

④「者」：音奇，歲數大也。

⑤「齟」：音魚，牙齒不整也。

⑥「漉漫」：音悉慢，模糊不清也。

⑦「愆」：音淺，過失，差錯。

⑧「巔末」：首尾之意。

⑨「綴」：音墜，縫連，點綴。

⑩「砥礪」：音底利，磨刀石，此言互相規諫也。

⑪「管窺」「蠡測」：蠡，瓢也，以管窺天，以蠡測海，謂所見小也。

重修城隍廟記

知縣 吳逢甲

稽古祭法凡功施社稷，德若生民者血食之。若山陵川谷與雲雨裨財用者率皆致禋，矧夫城隍衛國佑民，澹災錫福，思所以報功崇德，血食②爲宜。我聖朝化光宙合

③理澈明幽，以城隍保障一方，勅④守土立廟而俎豆⑤之。府爵公秩，視二品。州爵侯秩，視三品。縣爵伯秩，視四品。庸隆功德，禮制允協。平陸之有城隍廟久矣，康熙十一年，乾隆二十五年邑令徐吳錦、潘鉞、陳慶相繼葺修，率仍舊貫，就簡示樸，亦罔崇大，奉行既久，歲月益增，風雨漂搖，木石傾泐，不惟弗克容祈報之衆，將妥神靈，展禋祀典，禮亦漸缺如⑦。歲丁酉余來守茲土，謁廟日見其傾圮特甚。慨然有新大之志，住持晉信成亦諄諄以倡修爲請，余固知斯役之不可緩也，特以平邑僻處山隅，土磽賦薄，自乙亥地震，民居蕩析，物力凋敝，近雖漸次安集，而頻年未獲有秋。夫興滯舉廢，有司之責也。佛衆⑧從欲，有司之過也。責無可辭，過不可任，因喻住持姑俟異日。非狃便偷安之謂，謂爲治之道，先成民⑨而後致力於神，神依民而行，顧可急不暇擇，以事神者而累民乎？易繫辭曰：天之所助者順也，人之所助者信也，惟履信思順，故天應人合。比歲以來，風雨和甘，年穀豐稔，民氣之郁者舒，民力之絀者奮，乃聚邑父老子弟而告之曰：廟功之興，此時其可，聲非加疾，應者自遠，輸力輸金，懼欣恐後。於是選工掄材⑩課日鳩役，凡棟楹欄檻之朽腐者易之，甃甃磚石之缺壞者治之，黝堊⑪丹漆之滲漫者鮮之，拓基址之狹隘，極結構之崇闳，飾重門，翼兩廡，鯨鏗⑫鼉擊，鳥革翬飛⑬而且塑繪⑭莊嚴，擊靈之著也。侍衛森列，宿值之儀也。昇墜窮形，人鬼之別也。善惡分司，禍福之驗也。素宿有所，儀仗有庫，住息有廬，庖福⑮有置。工始于庚子之秋，工竣于癸卯之夏。垣繚言言⑯，樓閣噦噦⑰，門闥崇深，殿宇突邃，過者悚心，入者惕息，厥衆庸容，厥祀庸展，厥神庸妥，厥禮庸備，瑋麗之觀，壯乎百代，規畫之彥，萃于一時，蓋集衆力積數稔⑱而後相與以有成也。丐余誌石，俾後之視今，亦猶今之視昔。昔之未更新，新於時乎始。昔之未增大，大於時乎成。嗣而新之大之，又弗克弗有待于後人也。因揭始末，並臚⑲董事之姓氏，捐銀之數目以告來者。

注：

①「禮」，音因，潔祀也。

②「血食」，享祭也。古者取血食，（音聊，腸脂也）以祭，故曰「血食」。

③「宙合」，《管子》篇名，古往今來曰宙，既合往古，又合來今日「宙合」。

④「勅」，音斥，古代皇帝的詔命。

⑤「俎豆」，古代切肉所用的墊板，謂之「俎」，豆禮器，以木爲之。「俎豆」祭時用。

平陸縣續志

卷之下

藝文

⑥「泐」：音勒，石因其脉理而解散也。

⑦「缺如」：如是形容詞，即缺的樣子。

⑧「佛衆」：佛音弗，佛衆，違背衆意也。

⑨「成民」：完成人民生產生活事業。

⑩「掄材」：選擇材料。

⑪「勦塋」：塗飾也。

⑫「鯨銜」：言鐘鼓聲之遠大也。

⑬「鳥革聲飛」：喻宮室壯麗也。

⑭「塑繪」：塑像彩畫也。

⑮「庖福」：福音逼。庖厨浴室也。

⑯「言言」：高大形狀。

⑰「噦噦」：音月，磨錘之聲也。

⑱「糝」：音任，谷一熟爲一糝，亦即一年也。

⑲「臚」：音盧，陳列也。

平陸縣續志

卷之下

藝文

六五

創建三聖廟碑記

知縣 華 鏞

聞之有功與民者則祀之，凡神皆然，而三聖爲尤著。呂祖自通籍^①後，道究天人，專以利濟爲懷，扶危拯困，救災除眚^②，其靈跡丕顯，固昭昭在人耳目間。至如禱陰祈晴，雨暘時若^③，則惟龍王。生死骨肉，沉疴^④立起，則又莫如我華祖師焉！三聖之有功于民者如此，故馨香俎豆，遍及寰區，而惟我古虞尚稱缺典，守斯土者得無歉然。余下車伊始即欲創建，以時值多艱，人不遑處，有志未逮者久之。戊辰歲時和年豐，遂與諸紳耆相議，經營斯役，相址于城內西南偏得吉地焉，規模宏敞，即昔之常平倉舊迹也，僉^⑤曰：此真可以妥神靈肅拜瞻矣。爰與同寅創捐，繼令紳士量力輸貲，並募諸各鄉鎮共勦盛舉，得白金一千四百有奇，於是鳩工庀材，創建正殿三楹，獻殿三楹，演劇樓東廊房各二楹，又厨室一楹，照壁、圍牆、大門、角門、咸次第畢舉，是役也起自春仲迄于冬初，不逾年而大功告竣，非三聖之默佑，豈易若是之速哉！廟初成，四方士民祈禱供獻者接踵而至，曰：邑之有廟，吾父母之力也。今茲以往，雨暘時若，當無患旱澇之頻仍矣。沉疴立起，當無憂疹疫之流行矣。扶之拯之，救之除之，當無危困之足惧，災眚之可虞矣。是又皆吾父母之所

賜也。余聞之愧甚，曷敢假神庇以邀功，然凡所以爲是舉者固爲神之憑依計，亦實爲吾民之祈福計耳，禮曰：有其舉之莫敢廢，後之君子蒞斯土者擴而充之，以光昭三聖之盛德而爲吾民貽福于無窮，則尤余所切望者也，是爲記。

注

①「通籍」：仕官新進也。

②「災青」：災害過錯也。

③「雨暘時若」：晴雨適時也。暘音陽，天晴也。

④「沉疴」：沉重的疾病也。

⑤「金」：音釜，皆也衆也。

創建陸公祠記

知縣 吳逢甲

令宰一邑與一邑民近，與一邑民親，一邑之休戚即一己之休戚，而孳孳以民爲心者不知有己，祇知有民。民之樂也不必與同，民之憂已不敢與異，甚至肫誠①激發頂踵②亦捐，古人所謂命在養民，而不計死之短長者其前大令陸公之謂歟！公諱樟，字香嶼，號存拙，浙之山陰人，嘉慶壬戌進士，以咸安宮③教習選授平

平陸縣續志

卷之下

藝文

六六

邑，抵任後首修文廟，忠義節孝等祠，尊崇學校，興修水利，禁戢奸徒，勤斷訟獄，凡所以養士治民者經畫不遺餘力，靡不愛之如父母，敬之如神明矣。乙亥九月邑地震，水沸山崩，壓斃無算，爾時呼號愁慘之情真有耳不忍聞，目不忍睹者。公慈愛之心，根于天性，躬親撫恤之餘，輒哭禱城隍，愿以身代。越日震又劇，公倉惶對衆而泣曰：爾等慘膺斯劫④，幾無子遺⑤，予實不德，何忍生焉。當斯時也，平之民既自苦其蕩析，而又哀公之殉斯難也。中乞大吏以聞于朝，得旨照軍營病故例賜恤⑥，恩蔭⑦其二子。隨有議捐資建祠，妥公靈而報公德者，以瘡痍⑧甫息，物力凋敝未果。而歲時必附祭於村廟，水旱疾疫，禱無不應。公雖死，公猶生也。道光戊戌余來蒞是邦，下車詢求地方疾苦及前尹政治之得失，紳士全玉年等僉述公治平凡六年，某利公爲民興之，某害公爲民除之，而尤惓惓⑩于地震之變，公能以死勤事，合詞請建祠報祀。余因之有感焉，乙亥之役去今已二十餘年矣，非公之仁心惠澤有以入乎民之深，何以至沒世不能忘？非平之俗厚民醇，有以出乎心之誠，何以厲久而追思未艾？是舉也，公之德愈以昭，平之俗愈以善，爰據情詳諸上官，蒙報謂可。因下令於衆曰：願建公祠者聽，一時士民權趨

恐後，卜地于商傅相祠之右，鳩工庀材，凡諸經費，悉樂捐輸，余亦分廉以襄其事。前爲門一楹南向，後爲堂三楹，中爲亭一楹。先是，公於治後之西圃構亭曰：「留蔭」，其額，公手書也，茲亭之成，余移其額，懸于亭北，復敬誌數語榜于亭之南，平之父老子弟庶得伸其愛敬之誠，而春秋享祀，見公之手澤如親公之色笑矣。工竣日諸紳士請記於余，余因就所聞見者並其端末以誌之。

注

①「脫誠」：脫音淳，脫誠，脫學誠懇也。

②「頂踵」：頭頂脚跟，即厚頂效踵之意。

③「咸安宮」：官學也，清八旗及滿州舉貢生監生等肄業之所。在舊北京西華門內。

④「劫」：災非也。

⑤「子道」：世界大災變後留下的人。

⑥「賜恤」：賞賜撫恤也。

⑦「恩蔭」：因父祖餘蔭而得官者曰「恩蔭」。

⑧「瘡痍」：皮膚因傷開裂以喻人民之疾苦。

平陸縣續志

卷之下

藝文

六七

⑨「悒悒」：音懼，慙至也。

邑侯魏公德政記

咸陽令 宋時際

夫平陸爲古虞國，襟條帶河，跨芮連垣，傅巖盤礴于左，砥柱環拱于東，在昔最稱名區。顧頻年凋殘，人文蹇否①，魏侯甫下車，發謀振刷，興頹舉墜，剷俗弊，革積役，禁伏豪猾②，優恤民隱，儼若慈母于子，不忍一朝不措衽席。會監司詹公行部，及覩群峰翠合，水秀山明，撫然曰：地以人靈，人以地傑，迹其形勝，吾浙慈谿頗肖，何彼才藪而此寥寥也？毋乃龍山差弱，來水無情乎，君曷圖之！侯欣然以興無創有爲己任，郭東築臺建閣，龍窠③，峭麗④，巍然大觀也。又去縣治二里許，開渠引澗水由北門入，折流公署，抵儒學注之泮池⑤，逶迤⑥，旋轉而出，灌溉民田，公私兩利然！又巡行阡陌，凡田畝傍浹或引渠鑿井，或制水車，各因形勢，俾人無遺力，斯地無遺利。灌田計三百餘畝，民用歡悅，咸以叔度⑦壽侯。由是日爲提醒，警惰勸勤，凡一切懲罰用以佐工役，不勞民不傷財也。其他如葺學宮，勒考課，主在仲士節，振萎習，集群英涵而育之士有孚格⑧之化焉。至于鼎建臺謝，幘幘⑨廳事，咸侯之經始而成也，以故諸士戴德，勒貞珉用垂不朽。邑博王君張君不

憚百里使丐余記，以余辱在鄰封也。余稽往牒魏史^⑩起引漳水以灌鄴，而民歌稻梁；李冰^⑪壅河水以灌蜀，而野稱陸海。鄭國^⑫開涇水渠而關中無凶年，以至張恂^⑬勸課農桑，優禮師儒，人歌詠之，至今照耀汗青^⑭垂光百代，是皆以德行政，愛民如子而民愛之如父母也。乃侯以一身而兼四君子之長，豈非一德之昭宣哉！大抵宇宙冲和之氣在天為和風甘雨，鍾于人為慈祥豈弟^⑮唐虞三代遐哉弗可尚已，其後淳灘^⑯相半，賢豪間出，有如四君子者，助業彪炳，萬世之下靡不景仰，後之視今不猶今之視昔者乎，於是乎書，以風方來。詹公名思虞，庚辰進士，浙江常山人。邑侯名學徵，乙酉拔貢，陝西咸陽人。

注：

①「蹇否」：音蹇五，不順利也。

②「豪猾」：音毫滑，豪強之藐視法度者。

③「龍巖」：音龍巖，高峻貌。

④「峭麗」：音翹利，山之高陡壯麗也。

⑤「泮池」：舊時學宮內之泮池也。

平陸縣續志

卷之下

藝文

六八

⑥「逶迤」：音委移，義斜去也，又長又彎之貌。

⑦「叔度」：東漢黃憲字，言論風旨無所傳，郭林宗謂：「叔度」汪汪，如千頃波。

⑧「孚格」：孚信也，格正也，以信感格而正之也。

⑨「旃幪」：音屏蒙，覆蓋也。在旁曰旃，在上曰幪。

⑩「魏史」：當為戰國時西門豹開渠引漳水以溉鄴事。

⑪「李冰」：秦昭王時蜀郡守，在四川灌縣修水利，建成都江堰，使成都平原得到灌溉和通航之利。

⑫「鄭國」：韓水工，鄭國為秦鑿涇水以溉田，曰鄭國渠。

⑬「張恂」：后魏沮陽人，道武帝時任廣平太守期間，招集離散勸課農桑，民歸之者千戶。

⑭「汗青」：即汗簡，言書之史策也。古以火炙簡使汗，取其青而易書，又不蠹，謂之汗青。

⑮「豈弟」：即愷悌，言樂意也。

⑯「淳灘」：音純利，厚薄之意。

普公遺愛記

元進士張 昌

寄百里之命，生民之休戚係焉者，惟縣官為然。蓋得其人，則民樂以休，非其人，則民憂以戚。此古今有天下者所以鄭重其選而不輕授也。皇元定制，縣設官三員

①曰監、曰令、曰簿，監多以國人及色目人②爲之。彼公、廉、才、幹、知民社之寄爲重者，固以惠下爲心，而貪、暴、機、黠者，大率營私計而已。朝廷審知其原，乃以六事責守令，故其選益重而人知自勵矣。至正十年濟南普公來監解之平陸，蓋由國生充太常，知印滿考而除是職也。公天資明敏，學問宏裕，其治邑也以子民爲心。平陸地濱大河，民質而野，公惟靜以鎮之，初政民畏以疑，期年民愛以娛。每東作③時介騎減從，自買餅餌，往來畝畝中，集農人而勗勞之，莫不感悅。益自力故禾麥桑棗之茂，郁然蔽野，而歲常無歉焉。暇則謁學宮，禮師儒，列子弟于前，諄諄勸誘，而子弟益勉于學。其聽訟必據情理，反復省諭，民至有自相解紓其爭者。盜賊畏威，或涉其境，輒復避之。常平有倉，必擇吏之廉有守者以司其出納，故無折損侵牟之弊。比以賊類倡亂，大軍南征，飛挽芻粟④，仰給河北晉寧⑤屬邑供億居多，公定其戶口，上下適均，催督輸送，民皆歡趨而事畢焉，較之他邑挾公肥家，使民重困，而涕泣吞聲者大相懸矣。邑有三皇宣聖廟，歲久頽剝，公割俸金倡，僚吏鳩工萃材，葺治之必完美而后已。以至社稷，雷雨壇墀無不致力興修。其釋奠先聖，奉群祀必恭必敬。其待僚佐，人得其歡心。而於臧吏⑦則不少假焉。時總轄別公魯卿聞其治狀，以事抵邑，慇懃勞苦而去。遇歲時通節慰問，其獲上之推獎者如此。民方望其久任以終其惠，而瓜代⑧已及。知既不可留借。乃與耆老張瑞等謀，琢貞珉以紀其德政，且不遠數百里託校官張君狀來謁予文，吁！君子守官，初非上求人知，下求民悅也，特以奉大君之命盡職分之所當爲者耳。若今之承流宣化能悉心以盡其職者百不一二數，如普公者，政雖施于百里而實可推于天下，澤雖止于一時而德之在人心者實存于不泯。況今天下多事，朝廷急于求賢，公以特達之才異，時居要路，決大事俾惠澤周及于群黎⑨，當有太史氏大書不一書者，咸自茲一邑之政始，予故不峻拒，使其民歸而刊之于石，以考其終，垂諸不朽焉。公名普顏不花，蒙古人。

注：

①「設官三員」：監、令、簿。監、臨下也。監察，監督之意。令，舊稱知縣事者爲縣令。即縣長。簿，掌文書計簿。縣令之位。

②「色目人」：元代稱外族如欽察、唐古、回回諸族爲色目人。

③「東作」：《書》：平秩東作，謂春時耕作之事也。

④「芻粟」：草也。東是穀子，牲口之草與糧食也。

平陸縣續志

卷之下

藝文

六九

⑤「晉寧」：元時路名，今山西臨汾市。

⑥「釋奠」：置爵于神前而祭也。古時凡立學，四季必行釋奠禮于先師。

⑦「職史」：貪贓枉法之官吏也。

⑧「總轄」：地方之最高長官也。

⑨「瓜代」：《左傳》齊侯使連稱管至父戍葵丘，瓜時而
注曰：及瓜而代，后因任期滿而更換人曰「瓜代」。

⑩「群黎」：黎為黑色，黎民為黔首。「群黎」即廣大庶民群眾也。

張侯善政記

貢生 陳咨 陝州人

古之受一命而蒞乎政，苟據誠據忠①，子惠元元，民未有不孚其心而化其德，唯操持不易，介然而特立者能之。至元癸未之二月望日，榮河縣史②范益，守晉寧路椽③張亨仲，奉平陸張侯治狀，航河而南踵余門曰：侯之宰吾邑三稔于茲，今秩終而行遽，耆壽壯稚謀遮留而不得，侯公直廉介欲鑄之貞珉，庶可慰吾之望！余曰：陝與平陸相距一牛鳴之地⑤嘗恨阻天塹洪波未獲與侯傾蓋一際，然侯以進士起家，初判解州，拯⑥荒饑之民，調令聞喜，雪⑦沉冤之鬼，及為平陸鋤斂傑黠⑧，平反誣獄，訟簡賦均，戶增盜息，嚴⑨廨宇以竦具瞻，浚⑩石渠而興灌溉，崇三皇生民之祖，闢四野衣食之源，辭果實之遺，卻苞苴⑪之饋，之數者固先務之急，可謂不負所學，不愧于古之士。嘻！為政若此，斯亦媿⑫矣，由此言之，則冰乎其清，玉乎其白云垂澤風抗高者不專美乎昔人，又奚必鳧鵲⑬擁行，鬼神破膽，鸞⑭翔庭，鳳集境然後始稱異治耶！侯名敏，字叔重，耀州人。

注：

①「據」：音輸，發表也，如各行己見。

②「縣史」：縣令之屬佐。

③「守晉寧路椽」：守晉寧路之佐吏。

④「貞珉」：刻碑之美石也。

⑤「一牛鳴之地」：牛鳴聲聞數十步，一河之隔，言其近也。

⑥「拯」：音整，拯救也。

⑦「雪」：洗，除去也，如報仇雪恥。

⑧「傑黠」：才智過人曰傑，黠音斜，亦諂結，慧也，狡詐也。

⑨「廨」：緊急，認真而重視也。

平陸縣續志

卷之下

藝文

⑩「浚」：音俊，修整也。

⑪「苞苴」：音包舉，包裹，納賄于人也。

⑫「熾」：音美，少好也。

⑬「鳧鵒」：鳧音扶，水鳥也，俗呼為野鴨，鵒喜鵒也。

⑭「鸞鳳」：雄曰鳳，雌曰凰，其雛為鸞。

名宦祠記

知縣 丁一元

甘棠①致頌，南人切善政之思，袞衣②興歌，東土感忠聖之德，蓋惟人有不謬③之實行而後人心有不容已之至情，此理之自然不可誣也。書曰：善政養民，又曰：撫我則后④，官以撫字為政，民以得所為養，是上以赤子愛民，民以父母敬上，一體之情，就之而慕，離之而思，況去後有不思之者乎！考之平陸為晉劇邑，披山帶河，俗多頑愚，蒞茲土者，每難之。人名宦祠者，粵元時有耀州張公諱敏，以進士令本縣，惠愛之政，載在邑史，民到於今稱頌不衰。迨我皇明啓運，至正德乙卯，直隸河間李公諱銳，以鄉進士來釐⑤茲土，清風襲人，陽春育物，政行教舉，吏畏民懷，恢恢乎與斯民相安也。時旱甚，公以至誠禱之，輒大雨，歲即豐稔，民咸賴之，三晉稱循良者以公為最，聖上嘉其賢，調繁⑥安邑，去之日，百姓攀轅卧轍，如失怙恃⑦，厥後官至平定刺史⑧，比數年，民益惓惓不忍忘。相於繪像，歲歲享祀，時當道者聞之，嘆曰：善政之得民也，有如此夫，請人名宦祠以春秋致享，雖以報德，亦以昭人心也。嗚呼！人心感慕⑨未艾，故其報祀之者亦未艾也，非公之德澤人人之深，何以致是！質之張公，前一轍，所謂善政民安，撫我則后，詎不信耶！公之去平陸已五十載有餘矣，惟其德種子人者深，是以慶衍于後者遠。誕孫⑩臨江諱采，非以名進士受欽命監察御史，巡按山陝，清理軍務，按臨平陸，謁祠而祀之，永孝思也。時父老爭往觀之，如復見其父母焉。噫！益見李公德厚流光，仁者昌後之驗歟。嗚呼！休哉！知平陸縣事東萊⑪丁一元初至任，謁學見祠無記，慨然曰：記以志不朽也，入祠而無言以記之，何以信今而傳後乎？遂詢之僚屬，稽諸輿情。勒石以記其事，俾後之任土觀風者有所效法云。

注

①「甘棠」，《詩》：頌召伯善政也。

②「袞衣」，《詩》：歌頌周公東征也。

平陸縣續志

卷之下

藝文

七一

之，三晉稱循良者以公為最，聖上嘉其賢，調繁⑥安邑，去之日，百姓攀轅卧轍，如

失怙恃⑦，厥後官至平定刺史⑧，比數年，民益惓惓不忍忘。相於繪像，歲歲享祀，時

當道者聞之，嘆曰：善政之得民也，有如此夫，請人名宦祠以春秋致享，雖以報德，

亦以昭人心也。嗚呼！人心感慕⑨未艾，故其報祀之者亦未艾也，非公之德澤人人

之深，何以致是！質之張公，前一轍，所謂善政民安，撫我則后，詎不信耶！公之去

平陸已五十載有餘矣，惟其德種子人者深，是以慶衍于後者遠。誕孫⑩臨江諱采，非

以名進士受欽命監察御史，巡按山陝，清理軍務，按臨平陸，謁祠而祀之，永孝思

也。時父老爭往觀之，如復見其父母焉。噫！益見李公德厚流光，仁者昌後之驗

歟。嗚呼！休哉！知平陸縣事東萊⑪丁一元初至任，謁學見祠無記，慨然曰：記以志

不朽也，入祠而無言以記之，何以信今而傳後乎？遂詢之僚屬，稽諸輿情。勒石以

記其事，俾後之任土觀風者有所效法云。

③「謏」：音宣，忘記，詐欺不實也。

④「后」：后君也。

⑤「釐」：治也。

⑥「繁調」：遷調于政務繁劇之地。

⑦「怙恃」：無父曰怙，無母曰恃。

⑧「刺史」：官名，督察郡國，刺舉不法，漢之刺史猶後世之巡按御史，魏晉猶後世之總督巡撫，隋唐猶後世之知府，及直隸州知州。

⑨「慕」：德字之古寫。

⑩「誕孫」：玄孫之子也。

⑪「東萊」：郡名，漢置山東登州萊州之地，治掖，今山東掖縣。

邑侯丁公記略

縣丞 洪君瑞

夫二侯遺愛記在人心，顧無以表而彰之，我太和①丁公甫下車即毅然心二侯之心，行二侯之政，子惠民焉，爰為茲記，則二侯心政益彰于天下後世者公之功也。矧②公屢樹邊勛，節承帝賚③異時不與二侯並列其美耶？因謀諸僚案④，參諸士論，志邑史以致景仰之意云。

平陸縣續志

卷之下 藝文

七二

注

①「太和」：安徽省一縣名。

②「矧」：音審，況也。

③「賚」：音來，賜與也。

④「僚案」：同官為僚，案音采，官地為案，同官同寅也。

重修傅巖祠墓記

傅克欽

中條以南，兩山之峽，大河東繞，為商賢相傅所隱地曰傅巖，舊有祠廟其來已久，燼于元初，縣尹福童修，續執中所云：崇明示，化齊民，一舉而得者也。明嘉靖間以地震圮，邑令馬義、吳守禮踵相增建，後齧于水，副憲王公捐俸西徙以遠水患，康熙三十八年邑令王匡國又重修之。夫傅相去今數千年而祠廟屢經修建，豈不以三命首倡，學術道統由此彰，治法由此懋①，有功于萬世哉！明呂仲木，理學純儒，賞謁巖祠，為之詩序，巡院內濱公嘆為真聖人所產之地。我皇上右文稽古，製論褒崇②，謂君臣相得益彰，堪與帝世之賡歌③比隆，則祠宇之所關也實大。余家閩中建陽，去傅巖四千餘里，而族譜首所載傅巖圖考，志姓名所自始也。後服官晉

省，去傳巖或百里，或千里，不在治境。今歲六月攝篆解梁④，傳巖在所屬之平陸境，邑令趙公來謁！商確政務間，偶語及傳巖祠廟，則云圯矣，且馬跑泉左墓亦幾平！余聞之竊念夢中影求，千載奇遇，精英上炳列星，而願頹廢苦涼，風侵雨蝕，橫莽而走魑魅⑤，修葺之事，非予守土者責歟！况姓所自始，水源木本不容昧，安可委爲異人任耶！爰出廉俸⑥修祠及墓，鳩庀之費，惟出己資而以趙公襄厥役，范尉職其勞，閱兩月工竣，乃記其事而勒諸石⑦。

注：

①「懸」：音茂，盛大也。

②「褒崇」：褒獎推崇也。

③「靡歌」：靡績也。《書》：乃廢載歌，即繼續歌唱也。

④「解梁」：春秋時晉地，即舊山西之解，臨晉、虞鄉三縣。

⑤「魑魅」：魑，魑也，魑飛鼠也。

⑥「廉俸」：養廉俸給也。于俸額外加補貼，謂之養廉，以養官吏廉潔之心也。

⑦「勒石」：勒音助，勒石刻碑也。

平陸縣續志

卷之下

藝文

七三

潘公渠記

楊雲翼

天地有美利而裁成輔相之能起焉，自非心誠子民者不克建從前未有之功，而貽嗣世無疆之利也。平陸縣東十里有盤南澗可資灌溉，而隔于山，從來蒞斯土者不知其幾，過而不問者比比也。間有留心者或以功難猝就①而輒止②，或謀鑿山疲極民力而迄於無成。我公以山左名宿，照臨茲土，一見即異之。既借一二三僚屬沿山溯流，相其形勢，或援已事爲辭，公曰：是不難，但鑿山非策也，不如繞山紆曲而行。而攝衣徒步，跋磽確③，躡崎嶇④，陡峻巔⑤，瞰絕壁⑥，授以疏導之方略，衆心難之而勉從其令。爰卜吉鳩工，乘農隙⑦而間作，號令風馳，畚鍤⑧雲集，簡其騶從⑨而時巡之，始之勉從者繼則樂趣矣。且物料取諸官府，犒償捐其俸金，勤于省課而究未嘗嚴以督工，遂期月⑩而告竣。渠底三灣，功高九仞，水來山上，農作⑪畝中，十餘頃胥沐甘霖，人人歌呼，咸頌公之德而祝公之壽也。所謂民難與慮始而可與樂成者非耶？噫！自有此水以來議開渠者屢矣，而終不克成而成于今日，豈利與會有期以待乎公耶？抑天欲惠我民而俾公筮仕⑫于茲耶！以是知天下事凡畏難而不爲，有初而鮮終者，非功成之難，而無誠心以貫乎其中也。我公以愛民之實心，行利民之

實政，往來之頻，不輟^⑬寒暑，區畫之周，不遺纖悉。肫懇爲民之一念已足令斥鹵^⑭徧桑麻，而況計畝起夫，計夫分工，計工播水，其立法之善，又有以作其勤而息其爭端乎！衆皆踊躍奮興鼓舞不倦以成前人難成之功而貽萬世無疆之利也。歲成報社，優勞^⑮衆役，人歡神喜，寒谷生暄^⑯。繼自今此水長流，我公之德與俱長矣！時康熙五十四年，歲次乙未孟夏，潘公諱鉞，字清聞，山東濟寧人。

注：

①「粹就」：粹音卒，急速也，「粹就」很快成就之意。

②「輒止」：屢屢停止也。

③「跋硯確」：硯音敵，跋涉多不平之地。

④「躡崎嶇」：不按順序而走崎嶇彎道也。

⑤「陡峻巔」：陡音斗，攀登高峻之意。

⑥「瞰絕壁」：瞰音砍，從上往下看視懸崖絕壁也。

⑦「隙」音細，縫子，小窟窿。此處指農事閒暇時間。

⑧「舂錘」：舂音本，古時像簸箕的竹器，錘音差，鐵錘也。

平陸縣續志

卷之下

藝文

七四

⑨「聘從」：古時騎馬而從大官之人。

⑩「期月」一年也。

⑪「忭」：音便，歡喜也。

⑫「蒞仕」：初入仕也。

⑬「輒」：音轉，停止也。

⑭「斥鹵」：《說文》東方謂之斥，西方謂之鹵，鹽鹼不毛之地也。

⑮「優勞」：優厚之犒勞也。

⑯「暄」：音宣，日暖也。

重修大禹廟官道記

知縣 余正酉

平陸古虞國地，北距條山，南瀕大河，爲三晉奧區，而茅津在縣東二十里，市廛^①鱗次，商賈雲集，係貳尹^②分駐之所，稱一邑巨鎮。蓋地當水陸之衝，值入省通衢，自虞版^③以下，依山鑿徑，綿延百餘里扼關陝咽喉。由晉人豫省者道所必經，故皇華冠蓋之絡繹，仕宦商旅之輻輳^④，紛至沓來^⑤，不勝紀計。而三晉黠商^⑥，輦運鹽觔，尤當孔道。惟地勢險阻，澗壑幽深，出其途者恒以逼仄湫隘爲憂。余下車

⑧伊始，即擬稍爲開拓，猥⑨以諸務倥偬⑩，未嘗遽及。戊申秋，適鄉約王秉強、紳士陳凌霄等以該鎮大禹廟官路北面，逼近深溝，人夏以來被暴雨衝塌，人溝不能行走，稟請勘修前來，並准分縣牒移⑪。當飭該房督同工匠估計，親詣驗勘其崩壞之處，約長十餘丈，均當行水衝要所在，非用石塊灰勛砌築不足以資捍禦。惟工需甚鉅，非千金不辦，因稟明各大憲，並傳諭紳民，俾爲輸貲以襄厥事。經河南會鎮興運商首先公捐制錢五百千，及各村鎮鋪戶鄉民陸續共捐制錢一百四十餘千，因屬分縣倬庵王君就近督令紳士專司其事。輦石⑫畚土諷吉⑬從事，度其基址之尤隘者買民居擴之慮崖岸之易圯者築長陴⑭以衛之，抹陘⑮削憑，千夫鱗集，遂使險巖之途頓化康達⑯，前之車不容軌者今可長驅並駕而無復窘步覆轍之慮。工興于戊申季秋，至己酉孟夏七越月而告成。是役也余忝膺守土，責無旁貸⑰，或以惠及行旅爲余德則何敢！工既竣，爰述其巔末而爲之記。

注：

①「市廛」：音纏，市內街舍鋪房也。

②「貳尹」：縣佐也。

平陸縣續志

卷之下

藝文

七五

③「虞版」：即鹽版，在平陸縣境之中條山，亦曰青石槽。

④「輻輳」：輻是車輪之輻條，「輳」集聚之意。

⑤「沓來」：來之多也。

⑥「醴商」：醴音差，鹽商也。

⑦「勛」：同筋，俗借爲斤兩之斤。

⑧「下車」：官吏之初到任也。

⑨「猥」：音委，助詞有乃字之意。

⑩「倥偬」：匆忙也。

⑪「牒移」：行文也。


⑫「輦石」：以車運石也。

⑬「諷吉」：諷音尉，選擇吉日也。

⑭「陴」：音卑，城上女牆也。

⑮「抹陘」：音殺仍，築牆聲。削憑，牆成而削治重複也。

⑯「康達」：康莊大道也。



①「考實」，實音也，考人代音也。

縣丞王雲漢重建牌坊並修官道記

沈承恩

茅津居晉豫之衝，負山面河，水陸交會，實古虞之奧區。在春秋時秦晉紛爭，藉長河爲天塹①，穆公取王官②及郊，道自茅津濟，則茅津之名由來舊矣。方今我聖朝重熙累洽，舟車所至，無遠弗屆，縱南北而無陂無偏，橫東西而會極歸極，猗歟休哉！且制令煌煌，每屆孟春及秋成之日，各大吏遴派④委員歷行州郡，俾橋梁道路修葺以時，是即木鐸徇路，雨畢除道之盛典。而賢有司承流宣化，涵育拊循，即一事之廢興，上關政治之得失，下驗民風之淳澆，非淺鮮也。平邑東偏所轄遼闊，茅津爲二尹分駐之地，比屋鱗集，闌閭駢羅⑤，爲一邑之巨鎮，扼人省之咽喉，自虞坂而下，鶴膝羊腸⑥依山開道百里餘，盤桓屈曲，借葦杭以達于崑函⑧陝虢⑨之間，冠蓋⑩所常經，輶軒⑪所必歷，其輿徒⑫馳驟，負販⑬絡繹者更日相踵接。奈湫隘囂塵，民俗漸失淳樸。自前任璩亭父台⑭蒞任斯土，即以整風俗利人物爲己任，實德實政，饜⑮人心，撫字十年，其修廢舉墜，不可枚數。更以闔鎮藩籬未備，風氣散而不收，先於鎮之首尾建坊⑯二座，一題曰：「茅津古渡」誌其名也。一題曰：「豈弟

平陸縣續志

卷之下

藝文

七六

君子」存其蹟也。由是彈丸衝要，煥然改觀，文物聲名，蔚然特起。而鎮東大路適當水口，每風雨之侵囓，行潦之冲刷，偃仄窘步，車不容軌，行者病焉。方欲化險爲平，而計費浩繁，正區劃經營，乃旋經改任，有志而未逮，竟難觀于厥成。然而莫爲之前，雖美弗彰，莫爲之後，雖盛弗傳。越五載而嗣君⑰倬菴父台繼蒞斯任，父作基而子述，世德本于家傳，不憚艱辛，慨然修膳。顧大厦非一木能支，大工豈一人能就，遂亟請于上台，並蒙余秋門邑侯力爲獎勵，共捐廉俸，以倡輸將⑱，擇淳謹首事者刻日鳩工，築登削憑，任勞任怨，高挹懸崖，多補闕而苴漏，俯臨邃谷⑲，已實壑而崇墉⑳，興工于土猴㉑之年，歲成于肥鷄㉒之歲，易狹隘之規模爲蕩平之道路，歷七月而告成，美矣！善矣！占履坦樂周行者第知爲倬菴君之勤終慎始，備費苦心，而不知存心利物，潔己奉公，實賴有傳家治譜以繼志而述事也。從此康衢鼓舞，載道謳歌。於前則嶺嶂鷄鳴㉓，遙爲拱衛，後則泉飛馬跑㉔，近與追陪；右環九曲之渡，漾漣漪而委折；左峙中流之柱，興霽靄㉕而崇隆。觀繡錯於茅陸，秋田稼穡；數鞭絲於帽影，春樹人家。敦風俗，遵道路，不惟賢二尹之世有造于斯邑，亦足爲郵治之休徵也。宜垂貞珉，永誌不朽，爰綜事之本末而爲之記。

注：

- ①「天塹」：塹音大，壕溝也。要塞也。如言「長江天塹」。
- ②「王官」：地名《左傳》秦穆公伐晉，取王官及郊。王官城在今山西聞喜南，近王官谷。或言在虞鄉南。
- ③「重熙」：重音崇，熙音喜，「重熙」累世昇平也。
- ④「遼派」：遼音吝，遼派即嚴蕭謹慎選派之意也。
- ⑤「閭閻駢羅」：音環、匱、便、羅，市肆並列也。
- ⑥「鶴膝羊腸」：形如鶴膝，如羊腸，即坎坷不平之小道也。
- ⑦「葦杭」：葦、蘆葦也。杭，航渡也。有一葦航之語。傳達摩于梁武帝大通元年（公元五二七年）經廣州到金陵（南京）傳揚佛道，然與梁武帝意見不合，便暗中折葦渡江來到魏境，居住少林。
- ⑧「峭函」：即峭山函谷也，均在河南省。
- ⑨「陝號」：今河南陝縣，靈寶之地也。
- ⑩「冠蓋」：仕宦之服乘也。使命往來不絕者謂之「冠蓋相望」。
- ⑪「轎軒」：轎音由，「轎軒」，輕車也，皇帝之使臣乘之。
- ⑫「輿徒」：輿音余，車能任載者曰輿。「輿徒」：即趕車之人也。
- ⑬「負販」：肩負貨物而販賣者也。

平陸縣續志

卷之下 藝文

- ⑭「父台」：舊稱地方官為父母官，父台亦即父母官之意。
- ⑮「饜飶」：音饜譽，飽也。滿足也。
- ⑯「坊」：建築物，即牌坊，用以題名地方或旌表鄉里之善人好事者。
- ⑰「嗣君」：尊稱人之繼嗣者為「嗣君」。
- ⑱「輸將」：運送也。
- ⑲「遼谷」：深遠之谷壑也。
- ⑳「崇墉」：音庸，築土壘壁曰墉小城（或牆），「崇墉」：即高大之牆也。
- ㉑「土猴」：即申年。
- ㉒「肥鷄」：即酉年。
- ㉓「鷄鳴」：當指平陸之金鷄堡。
- ㉔「馬跑」：泉名，在山西平陸縣。
- ㉕「霧霽」：音律藹，雲三色為「霽」。雲盛為霽。

邑侯李公德政記

田世豐 邑人

公名鍾淑，字平侯，號春圃，山東濟寧州人。歲丙申奉命宰吾邑，越數年民康物阜

①、百度俱修，乃篤教思開蒙學于縣之北郭②，集邑中子弟延師課讀，創造聿新，規劃詳盡，與傅巖書院兩相輝映，浸浸乎文教振興矣！先是邑人多貧，後生輩往往嬉戲自如，或日事樵牧，莫能向學，識者惜之。今公之爲是舉也，人知詩書之腴③，戶有弦誦之風，是一時之作人，真千秋之盛事也！夫學校者文運所攸關，教化者人才所由育，以公之嘉惠後學，崇起教化，將見文運開而人才出，綿綿延延，流傳未艾，所謂小子有造，馴至于成人有德而不愧爲譽髦之選者，悉於是乎覘之，則公之大有造于吾邑也豈其微哉！今當報最④人覲⑤將擁朱轂而憑熊軾，爰勒諸石以誌感戴之忱云。

注：

①「物阜」：盛而多也。

②「郭」：外城也。

③「腴」：音於，肥美豐腴也。

④「報最」：極也，政績居最，報之于朝也。

⑤「人覲」音謹，入京朝見天子曰「覲」。

平陸縣續志

卷之下

藝文

七八

傅巖書院亭亭記

閻海林 解州人

「南都賦」①曰：狀亭亭以苕苕②形竦立也。「愛蓮說」③曰：亭亭淨植，喻高潔也。「後山詩」④曰：亭亭無倚汗，言品行之卓立也。亭亭之時義⑤大矣哉！是亭也，特峙少傍，面瞰荷沼，而爲學人息遊之所，舊無名，以此肇錫⑥之，亭之亭亭耶？花之亭亭耶？抑人之亭亭耶？遊于斯者會心⑦其不遠也夫！

注：

①「南都賦」：南陽爲南都，賦系漢張衡撰，爲文體之一，敘陳其事而直言之者也。

②「苕苕」：音條，高而竦立貌。

③「愛蓮說」：宋周敦頤撰，爲文體之一，釋明意旨曰「說」。

④「後山詩」：宋陳師道撰，詩乃文之有聲韻有規律而可歌者。

⑤「時義」：妙諦也，現實意義也。

⑥「肇錫」：肇，始也。錫，賜也。初爲命名也。

⑦「會心」：明白、懂得、心領神會也。

重修茅津官道水口記

茅津、平陸之古鎮也，三晉名區，兩河勝地，條岫①嵯峨於其北，波流涵湧于其南，西接閒田②，二國留質成③之化，東連砥柱，三門仰疏鑿之功，此固賢豪接踵之所居，而亦行商問津之所出也。爰考輿圖，素通驛路，惟茲山谿之險，適當南北之衝，大河橫前，問津必招夫舟子，囂塵⑤蔽野，牽牛難數夫販丁。稽東偏近市之隅，有西向臨崖之路，懸流瀑布，片時則溝壑立盈，大雨盆傾，平地則江河若決。溯版築于昔日，經營莫保億萬年，變滄桑于今朝，崩頽已過十數丈，居者臨深而浩嘆，行者懼墜而徘徊。時在咸豐值五年六月之半，雨流如注，變終夜一朝之區，邑侯予老父台迺召鄉保，迺集紳耆，謂保障雖關一方，康衢實係四達。往來商旅，勸捐資以修要途，密邇村莊，謀助力以襄盛舉。告竣于戊午之歲，制錢共計二千緡，興工于乙卯之秋，畚鍤相持四五載。從此有基勿壞，墜者舉而廢者修，佇看⑥履險若夷⑦，衢爲歌而巷爲舞。遂蕩平于王路⑧，遐邇⑨咸樂坦途，垂久遠于貞珉，始終用詳盛事。銘⑩曰：六月既望⑪，大雨其滂，壞古道兮傳野之陽。無棄我鄉，無阻我商，成斯舉兮版築之傍。條山蒼蒼，河水洋洋。予父之德，山高水長。

注：

平陸縣續志

卷之下

藝文

七九

①「岫」：山峰也。

②「閒田」：指本縣與芮城交界處的西馬村以南的地帶，商朝末年虞芮二國爲土地而爭吵不休，後受文王德行的感化，又互相推讓，于是這塊土地就成了「閒田」亦稱讓畔城。

③「質成」：周文王爲西伯，虞芮二君爲爭地不平，遂朝周，後以田相讓，是爲質成。

④「疏鑿」：大禹鑿三門疏通水道也。

⑤「囂塵」：歡譁之聲也。

⑥「佇」：站立也。

⑦「夷」：平坦也。

⑧「王路」：大路也。

⑨「遐邇」：遠近也。

⑩「銘」：文體之一，用以自警，或稱述功德，使可稱名，永不忘也。古多刻于鐘鼎及用器如盤銘、座右銘等。

⑪「既望」：舊曆每月十六日也。

孝烈何娥記

馬虎偉 姑蘇人

論語有曰：匹夫匹婦自經溝瀆，固弗取焉，然非所論乎身殉孝烈，出于天性，如今日何娥之從容就義，視死如歸之一事也。娥鄉農貧女，父守臣早喪，一兄顛①廢，

三姊俱適人，惟與母尚氏，執執^②相依，歲饑拾穀供母，竭鍼刺勞瘁于家，且慈順性成，溫清如禮，故母亦鍾愛弗輕許人，年雖笄^③而未字^④也。甲戌六月乙亥，尚氏病殂^⑤。初母病作，曲謹侍奉，病篤時誓矢身代，死後含殮^⑥，營葬，竭盡艱苦。蓋因兄疾廢身兼子職，或世之賢女間亦有之，惟娥念母恩之未報也，苦一身之無依也，更慮潔白之冰操，恐有強暴之覬覦^⑦也，繞室而號泣者五日夜不絕，粒米不沾口，誓必一死報母，一死完身，雖親鄰慰解，矢志不回，竟于癸卯日自縊於墓前。嗚呼！忠孝一理，節烈同揆^⑧，使娥而爲士夫，必忠臣也，爲男子必孝子也，事翁姑夫婿必節孝婦也，此誠可風世振俗，維綱持紀而使頑廉懦立，有功於名教者豈淺鮮哉！古虞三代甸服^⑨遺化獨切，而且砥柱深澗，中條綿延，山川靈秀，鍾毓尤深，是以巢許之高節，傅巖之賢良，虞芮二君之讓德，之奇、百里之忠智，周將軍之義烈，代不乏人，今娥後繼前美，而身任綱常若此，其非遺化之感人深，而川岳之鍾毓淵源有由來者耶？聖朝首條風化，有善必旌^⑩，邑之紳衿士庶，咸樂其事，請於邑侯金，刊石以貞珉焉，頌詩以表揚焉，屬偉述其概以俟採風者進之珥筆^⑪詞林，以垂於青史云。

平陸縣續志

卷之下

藝文

八〇

注：

- ①「顛」：與癡同，狂也，精神失常也。
- ②「執執」：覺、單獨也。兢兢憂思也。
- ③「笄」：簪也，女子十五而笄，故謂女子之成年曰及笄。
- ④「字」：女子許嫁曰字。
- ⑤「殂」：音卒。死亡也。
- ⑥「含殮」：以金玉之屬實口曰含，裝殮死人曰殮。
- ⑦「覬覦」：讀寄寓，企望非分也。
- ⑧「同揆」：揆，道也，同道也。
- ⑨「甸服」：《尚書》五百里甸服。謂去王城五百里也。
- ⑩「旌」：表揚也。
- ⑪「珥筆」：珥通珥，吮也。「珥筆」即吮筆也。

茅津丞廳題名記

縣丞 陸以耕

茅津古爲渡，控豫鑰冀^①，要且衝焉。舊設巡檢^②司鹽車往來，河防急緩，

實典實察。顧於秩微甚，無以資鎮輯。嘉慶間巡撫伯公請於朝，更爲丞，丞聞曹也，而是之責成，則與令等。凡有事得直達監司及大府，大府有急符亦徑下丞，丞之繫於津如此其重也！南服邇不靖，中州數困蹂躪，長蛇^③晝奔，黠鼠^④宵竄，津、南直陝汝防遏之重與譏察之密，蓋兼迫焉。津故設平垣營遊擊守之，及其警也，防兵雲臻霧屯紛紜雜沓，供億縣令事，而巡詰偵報籌布調輯之責乃交萃於丞，則其於職又綦難也。士君子讀書人官，衝其意量，率務遠大，丞簿末秩，則皆以爲抱關擊柝^⑤，罔足措施，又或感戚遭遇以自頹^⑥，放略其職而弗思舉，余滋懼焉。比寇氛稍疏逸矣，狼烽在臺，何敢自弛，爰哀前蒞斯土者姓名勒石廳壁，並書更置之由與職任之重，斬諗^⑦後來實自責焉，而撫膺殊惴惴已！

注：

①「控豫鑄翼」：控制豫州，而竟鑄冀州也。

②「巡檢」：官名，掌提管理練兵巡邏州縣捕捉盜賊，所在聽州縣守令之節制。

③「長蛇」：俗蛇字，大蛇也。

④「黠鼠」：黠讀潔，狡黠之鼠也。

平陸縣續志

卷之下

藝文

八一

⑤「抱關擊柝」：柝音託，打更用之梆子，所謂抱關擊柝，以待暴客也。

⑥「頹」：頹廢也。

⑦「斬諗」：斬同折，折求告知也。

修茅津坡路記

知縣 劉鴻遠

中條之陽有茅津，茅津之地境衝而勢阻，亂峰競聳，濁水奔流，其先爲古茅城，又以臨流設渡，故曰茅津。街內有南北路一條，爲人省之通衢，而車不雙軌，馬難並轡，且崎嶇不平，至渡數十丈有陡坡，兩崖夾拱，一遇雨水冲陷更爲行人之苦，則通衢也幾爲畏途矣！往歲時和年豐，商民富足，猶時時平治以利行人，至大浸^①後商賈星散，民各糊口不贍^②，奚暇^③治道途哉！己卯秋余奉檄權篆^④茲土，貳尹^⑤陸公號再莊，濟人情切，屢與余面商所以修治之，第以瘡痍^⑥甫起，不忍復征力役，躊躇未果。適江浙協賑局侯選道金若人觀察^⑦來晉助賑，見義勇爲慨捐制錢三百五十緡，再莊與余賴茲巨資，遂邀陳生仲玉吳生寶仁，覓匠購料，逐日監工，三閱月而工遂告竣。但見料實工堅，陂者平，窄者寬，昔爲險境，今成坦途。於是輓鹽車者，載雜貨者，牽馬牛者，任負載者以及官商士民遨遊于晉豫者，無不欣欣然而樂由蕩

平之路焉！再莊與余亦幸是工之成，而樂金觀察濟世之志已遂，且愿後之君子相維于不墜也，於是乎記。

注：

①「大疫」：清光緒三年之大旱災也。

②「贍」音關，豐足也。

③「美暇」：何暇也。

④「權篆」：臨時掌印代理之意。

⑤「貳尹」：縣佐也。

⑥「瘡痍」：皮膚因傷裂開。喻人民災難疾苦也。

⑦「觀察」：官名，歷代設置不同，清稱道員為「觀察」，辛亥後改各道為觀察使，尋改稱道尹。

文

邑侯柴公像讚並叙

貢生 李醇

辛亥解梁柳德，妖言惑衆，謀爲不軌，事發誣引鄉人靖爾室等，羈禁狂狴①，九死一生，甲寅之秋，侯甫下車，廉其冤狀，申詳撫憲達公奏請省釋，咸俾寧家，

平陸縣續志

卷之下

藝文

八二

不惟明能昭雪，抑且力能回天，爾室等感切銜環，報矢結草，因繪像焚祝，踴懇③讚言，謬申數語，以誌感懷！

維公之貌，廣頤豐顙。維公之政，惠愛敷宣。嗟此陷溺，無辜④顛連！幸懸秦鏡⑤，剖晰矜全。覆盆⑥三載，一旦洗滌，陰德深厚，與公比肩。位躋臺輔，霖雨普天。子孫振蟄⑦，億萬斯年！

注：

①「狂狴」：音岸陞，獸名，性好訟，借爲監獄之稱。

②「廉」：察也。

③「懇」：音技，長跪也。

④「辜」：音古，罪也。

⑤「秦鏡」：古方鏡名，秦始皇常用以照人，能見內臟者。後人頌斷獄之神明者曰「秦鏡高懸」。

⑥「覆盆」：沈冤莫白曰覆盆。

⑦「振蟄」：如蟄居動物被振醒，紛紛出動，昌盛貌。

喻虎櫬

知縣 馮遵祖 歸安人

昔先王之世，禮樂政刑各得其所，士農工商不逢不若^①，凡虎豹橈杙^②之凶，胥遠于魍魎^③魍魎^④之域，罕與民相鬥爭焉。故韓愈^⑤奉唐天子命，刺史海濱，鱷魚在史冊久矣！今縣令奉天子符璽^⑦來尹古虞，虞固讓田之舊里也。唐天寶間，刳地得寶刀，上有平陸字，因以名縣，謂將削平山谿之險，以驅怪獸毒蟲於榛莽^⑧之中也。縣令初至，山之東，告爾猛虎爲害，不啻再三，即移文城隍，焚香叩首，猶未戢足^⑨，今特以檄檄爾！夫爾雖秉凶鷲^⑩之性，嗜甘肉之美，然五臟靈根，不異于人，載天履地，皆君王之土宇，况天子英明仁聖澤及山海，含氣帶毛之輩，無不知尊親之理，享朝廷之福。爾迺敢抗縣令之命，逆天王之教，是頑冥不靈，在可殺之條者也。今與汝約，半月中遠迹遁藏，當頒金鷄之竿^⑪，止烈火之焚，儻怙終^⑫不悛^⑬，則當選養由^⑭之射，市烏號^⑮之弓，橈猛石以爲丸，鍊硝火以爲礮，網罟^⑯在前，狼牙^⑰在後，九步一步，一發再發，使汝命盡於陰山之穴，宵號于頭痛之峰，野無孑遺，血滿窮谷，爾試思之，害生者可殺，逆君者不赦，擇便審處，無自誤焉！嗚呼！昔漢臣異政二虎低頭，晉令廉明一蟲潛渡，予雖政讓童恢，官遜宏農，而天子平陸縣續志

卷之下

藝文

愛民字物，遠過漢唐，汝當上法童家之虎，下比韓君之鱷，速斂爪牙，無甘陷穽，特檄！

注：

- ①「不若」：妖怪不順之物。
- ②「橈杙」：音濤兀，《神異經》：西方有惡獸曰「橈杙」。
- ③「魍魎」：音痴媚，《左傳》：投諸四夷，以禦魍魎，謂山林異氣所生而爲人害者。
- ④「魍魎」：音周兩，《家語》：木石之怪曰魍魎，害人之怪物也。
- ⑤「韓愈」：字退之，河南鄆州南陽人。古文大家，宋封爲昌黎伯。
- ⑥「鱷魚」：音哥，爬虫類，背有硬甲，大而凶惡者，產熱帶河湖中常潛伏水濱搜食動物。
- ⑦「符璽」：音付西，古時天子之印符也。
- ⑧「榛莽」：草木雜亂深遠之處。
- ⑨「戢足」：音紀足，收斂行動也。
- ⑩「凶鷲」：音質，凶猛之禽鳥也。
- ⑪「金鷄之竿」：古時頒發赦詔日，設金鷄于竿，口銜絳幡，頭飾黃金，故曰金鷄之竿。

⑫「怙終」：怙惡不改，以憑恃終身也。

⑬「不悛」：不改悔也，悛音全。

⑭「養由」：養由基也，春秋時楚之善射者。

⑮「烏號」：良弓也。

⑯「網罟」：魚網也。

⑰「狼牙」：古有狼牙箭，狼牙棒之兵器。

飭立社規約言

知縣 潘 鉞

平陸爲河東巖邑，襟山帶河，界連兩省，實扼要地也。向來戶口殷繁，閱至有明，闔邑計編三十余里，土風樸厚，往往爲采風者所不廢。迨至兵燹而後，繼以凶荒，百姓流離，土田荒蕪，向之三十餘里者逐漸減而爲八里，十去七八，凋敝可知。今承平日久，而城市空虛，屈指邑中之椽止區區二十六家耳，良由縣屬田皆沙陡，人鮮經營，元氣一傷，難以遽復。邇年以來幸蒙皇上恩膏疊沛，各憲教養並施，凡桑戶蓬樞，咸知懋遷^①，生聚亦幾幾五千丁矣。夫戶口既增，食指必繁，際此歲稔時和，若不早爲愛養，以立永遠之規，則旱乾水溢，聖世不免，儻一值其

平陸縣續志

卷之下

藝文

八四

候，有不復蹈前車者乎！古者三年耕必餘一年之食，九年耕必餘三年之食，以備荒爲散利之需者，故堯有九年之水，湯有七年之旱，而民無失所，備先具也。思古備荒之道，如耿壽昌之常平^②，李悝之平糶，法非不善，而求其切近可行，與民自便者莫善乎朱子社倉^③一法。今余廣推其意，而凡教民成俗之務，莫不附焉。因將縣治城關三坊及鄉村五路，以寡附衆，編爲三十五社，以期復從舊里之制耳。凡一社之內，如設社倉，立鄉學，宣聖諭，勸農桑等項，皆教養之大端，非有人焉以董之不可。蓋興利除弊，權在官長。若布化宣仁，端須耆舊。議于每社中選舉鄉耆一人，凡勸導功過之責悉任之。而鄉耆之盡職與否其賞罰則邑令爲政。爾闔邑人民其各體余未雨而綢繆^④，移風易俗之至意，群相勸勉，實力奉行，以共樂雍熙^⑤之世，獲免意外之虞，余日望之矣！所編各社名目，三坊：則人和、德化、政成也，中路則盤灣、茅津、商賢、義勇、太臣、八政、下郭也；東路則沙延、三門、清泉、土柱、韓川、箕山、寧澗、下坪也；西路則沙峪、平遠、洪陽、候張、常平、中廣、興讓、洪池也，東北則太寬、張店、興文、牛村；西北則龍源、張吳、皇華、留史也。酌定社約，計二十條，俱吾民淑身善世之良規，保家裕後之要着，

余不憚詳晰臚列，梓刻頒行，合邑人民其永遵毋忽！今附列其目於後：

- | | | | |
|-------|-------|-------|-------|
| 一議舉耆長 | 一議定社規 | 一設立社倉 | 一宣講上諭 |
| 一設立鄉學 | 一崇尚禮讓 | 一舉行社會 | 一祈報神明 |
| 一廣興水利 | 一修築橋梁 | 一紀錄功過 | 一清完國課 |
| 一教農墾荒 | 一平息爭訟 | 一勸藝果木 | 一牧養牲畜 |
| 一育飼蜂蠶 | 一廣習貿易 | 一稽查遊蕩 | 一逐娼禁賭 |

注：

①「懸遷」：貿易買賣也。

②「常平」：係指常平倉，設立倉庫，穀賤時，加價而糶；貴時賤價而糶，謂之常平倉。

③「社會」：當社共立義倉積穀，時或不熟或有饑饉者，即以此穀賑給也。

④「綢繆」：纏綿也，即予先作準備之意。

⑤「雅熙」：和平歡樂的景象。

教養居銘言十則

知縣 潘 鉞

心爲身主，是曰靈臺。今此下民，鞠①爲草萊②，刈之除之，昏翳③漸開。何

平陸縣續志

卷之下

藝文

八五

以刈除？秉德不回。仁義是基，忠厚以培。勒銘共惕，以警將來。「存心」。

性具于人，譬燈在龕。光則外射，理實中含。隔龕索燈，渺不可探。舍燈留

龕，暗如雲曇。蘭膏日注，靜影常涵。嗟彼下愚，戕賊是甘。「養性」。

漏卮成漿，其津潛鑠。不見其損，終歸于涸⑤。人亦有漏，伊誰所作。趨死不

遑，胡自殘虐。穿機驅人，詭曰行樂。我憫群生，示以良藥。「寡欲」。

豺虎充斥，目以畏途。父兄相戒，盛爾旅途。茫茫宇宙，詎乏崎嶇。惜焉弗

省，孑孑而趨。倚伏無常，遞相智愚。利名何物，殉之以軀。「保身」。

言之在口，矢之在弦。勢雖難遏，我尚有權。先民具訓，抑詩著編。寧爲囊括

⑥，毋多河懸！夫何斯世，齒舌爭妍。一吐一茹，尚其慎旃。「謹言」。

跬⑦步不檢，趨而得躓。矧茲平生，詎可或恣！容與周翔，不妨密緻。彼昏罔

知，輒曰姑試。身敗名裂，一跌奚啻。六經炯然，儒者赤幟。「慎行」。

維毛與羽，人所競炫。不知斯人，亦百其面。彼我互觀，何貴何賤？銜齒橫

目，曾何足銜。獨此倫常，人禽一綫。尚慎旃哉，敦行勿倦！「敦倫」。

箭括舌盤，行者爭界。廣術平衢，千人未隘。宇宙甚寬，乾坤何大。智取力

爭，徒爾狡獪。己能容人，於己何害？舍寬就狹，吁嗟天械。「處世」
毋曰事繁，吾盡吾力。毋曰民微，父母吾職。毋曰吾勞，念民未息。毋曰吾
貧，念民艱食。不敢近名，不敢自得。卓爾君子，示我矜式。「服官」
民吾同胞，物亦吾族。割韭烹葵，自可果腹。誰與老饕，甘心教戮。淋灘刀
案，慘難寓目。快彼之死，適我之欲。假息貪生，軀身同肉。「惜物」

注：

①「鞠」：養身也。

②「草萊」：雜穢亂草也。

③「昏翳」：昏暗蔽蔽也。

④「漏卮」：滲漏之酒器，喻利權外溢也。

⑤「涸」：音合，水乾也。

⑥「囊括」：包括，包羅，即守口之意。

⑦「跬步」：半步也。

詩

平陸縣續志

卷之下 藝文

八六

條山蒼

唐 韓愈

條山蒼，河水黃。浪波紛紛去，松柏在山岡。

條山

宋右拾遺 王禹偁

崛起巨河邊，奔騰欲上天。遠臨滄海盡，高與太行連。大塊橫爲脊，它山立似
拳。土膏耕舜耒①，石險任秦鞭②。洞黑狂吹雨，峰青冷罩烟。店荒檀道絕，寺古
柏梯懸。崦露微茫雪，巖垂浙瀝泉。迸根通砥柱，斜徑入閒田。北笑恒藏寶，西輕
華聳蓮。三門遙托迹，五老迴差肩。落實樵夫拾，靈苗本草傳。柱空擎雁塔，影倒
蓋魚船。繪畫終無手，封崇必有年。鹽池浮翠靄，薰澤媚漪漣。陰壑乘龍蟄，枯松
凍虺穿。圖經標數郡，神異產群賢。呼壽③嵩何諂，升中④岱豈專。斯文如已矣，
此地可終焉。暫看猶銷病，頻登合得仙。許昌休自負，吾什亦名鏹。

注：

①「舜耒」：虞舜耕地之犁杖也。

②「秦鞭」：《三齊略記》：秦始皇作石橋欲渡海觀日出，有神人能驅石下海，石去不速，神人輒鞭之。

③「呼壽」：舊稱頌祝天子曰嵩呼，曰呼嵩，曰山呼。傳漢武帝元封元年（公元前一一〇年）正月登嵩，
關山中有三呼萬歲之聲，喜甚，遂令擴修中岳廟。

④「升中」：《禮》因名山升中于天，祭天以告成功也。

條山積雪

王翰

三日高眠閉小齋，西山一望失樓臺。傍巖松竹瑤林①列，當戶峰巒畫帳②開。青旆③曉誇新酒出，玉蓑寒駕小舟來。披衣閒拓巖窗看，原上鳴弓獵騎排。

注：

①「瑤林」：瑤，玉石，瑤林，如玉石之松竹也。

②「畫帳」：言當戶之峰巒如畫帳之開張也。

③「青旆」：酒家門前懸掛之酒招也。

④「玉蓑」：禦雨之草衣也。

砥柱鳴瀾

王翰

一柱亭亭似削成，崖深雲冷古苔青。洄波浮沫雙輪轉，巨浪漂山萬鼓鳴。鬼鑿尚留神禹迹，龍圖高拱帝虞靈。於今世代當承瑞，直待何年始見清。

箕山夕照

王翰

行盡箕山第幾重？亂峰高下夕陽紅。泥塗軒冕①夔龍上，土木形骸②鹿豕中。

平陸縣續志

卷之下

藝文

八七

洗耳溪頭餘曉籟③，棄瓢④巖畔有寒松。自從避讓歸何處，一人煙霞更不逢。

注：

①「泥塗軒冕」：視軒冕富貴為污濁也。

②「土木形骸」：不顧形體。孟子所謂「與木石居」，俗謂土頭土腦，不合時宜也。

③「曉籟」：黎明空際自然之音響。

④「棄瓢」：見許由棄瓢事。

閒田春色

王翰

斂衽①重尋瓜瓞詩②，二君被化聖明時。人心似日雲煙蔽，聖德如天草木知。風暖平原花發早，雨昏高樹鳥歸遲。如今猶有風流在，阡陌縱橫不忍犁。

注：

①「斂衽」：斂其衣襟，表示肅敬之意。

②「瓜瓞」：瓞音迭，言世澤之遠，如瓜瓞之綿綿也。

虞城暮雨

王翰

凍雨森森萬竹齊，獨驅羸馬①踏青泥。顛軫礪險垣墉護，畢軫③城荒蔓草迷。

井伯④不忠宜作虜，百奚⑤先去更知機。徘徊欲問鄭⑥門處，滿目西風禾黍低。

注：

①「羸馬」：羸音累，即瘦弱之馬。

②「顛軫」：舊傳周穆王乘八駿馬巡遊天下，顛軫于此，今山西平陸縣北三十余里之軫嶠村即其處。

③「畢軫」：星宿名。

④「井伯」：虞大夫食邑于井，曰井伯，為晉獻公所虜。一說百里奚字井伯。

⑤「百里」：即佐穆公霸西戎之百里奚也。

⑥「鄭」：春秋虞邑名，在平陸縣境。

吳廟秋風

王翰

句吳樹業向荆南，至德曾聞固讓三。永立武王原有道，受封虞仲更何慚。碑殘野火文全滅，樹響山風戰欲酣。禽鳥亦知亡國恨，向人嗚①斷人煙嵐。

①「嗚」：音蹄，啼本字。號哭也，爭鳴也。

金鷄夜月

王翰

一山雄峙太陽津，絕頂翹翹迴出群。碧樹九秋含月色，黃流千古抱雲根。雨平

平陸縣續志

卷之下

藝文

八八

故壘金鷄出，水打荒墳石槲傾。幸際太平無警急，高原時見老農耕。

竹林曉鍾

汝南尚維持

松筠隱古寺，鐘磬節清禪。素落三天衲②，聲搖五夜蓮。佛香堪入定，僧飯只隨緣。空色聽雙樹，鶯花拂曙煙。

注：

①「松筠」：筠音允。松筠即松竹也。

②「衲」：和尚穿的衣服。

謁傅相廟

御史 舒遷

金闕夢迴千里外，傅巖人在版塗中。精神到此得良弼，事業中興配祖功。古柏籠烟蘚藻地，清波落澗聖人風。如何萬載長似夜，醒眼誰曾問魯東①！

注：

①「魯東」：指孔子而言。

渡茅津

御史 張士隆

路遶迴巖花柳春，秦兵曾此渡茅津。青驄未到窮荒日，多少風光不屬人。

條山

薛瑄

風節霜清千仞山，羊腸路曲九盤關。苔文蘚文點怪石，珠樹瓊樹連迴灣。玉女遠乘黃鶴去，仙人飛跨紫麟還。一番勝覽濁塵外，倒聽絕澗聲潺潺。

平陸城樓

薛瑄

獨倚危樓①日向西，洪河②風起浪高低。中條北去無多路，回首鄉關路不迷。

注：

①「危樓」，高樓也。

②「洪河」，即黃河也。

留別士庶二首

宋志激

嶽色河聲勢郁盤，綰符①到此得奇觀。愧無德政流行速，空有勞心夙夜殫②，聖澗不聞催版築，閒田久已息訟端。欲爲邑俗留淳樸，不在斯民總在官。

賢侯指日返霓旌③，好看兒童走馬迎，數載推心真父母，三旬失面幾蚩氓④，召棠豈是新栽得，鄭錦由來舊製成，戶有詩書田有畔，安居樂業享昇平。

注：

平陸縣續志

卷之下

藝文

八九

①「綰符」，掌管印符之意。

②「殫」，音單，盡也。

③「霓旌」，仙人之旌旗也。

④「蚩氓」，音吃芒，愚民也。

主講勉諸子詩

杜若拙

老馬何曾識遠途，同遊不棄愧蘇湖。鄧林①春望多嘉樹，渥水西來愛駿駒。鐘鼎功名留異日，濂閩②德業在吾徒。莫嫌絃誦勤條課，至味難忘是道腴。

注：

①「鄧林」，清華沅謂即桃林，在楚北境，即今河南靈寶縣也。

②「濂閩」，北宋迄南宋之理學家。濂溪周敦頤與閩之朱熹也。

歲暮辭館與諸子話別

杜若拙

一年相對細論文，大雅扶輪樂有群。遜志常研圖與史，惜陰須較寸兼分！卻慚一德終無補，漫溯微言許共聞。素業三冬應足用，乘春翹首待風雲。

主講留別諸子

進士閻海林

飛鴻來去笑無端，又得虞城兩載歡。塞道多歧慚馬識，雲程有路待鵬搏①。三篇說命真儒術，萬里黃河大筆瀾。法象眼前知未遠，層樓更上聳吾觀。

注：

①「鵬搏」：喻奮發有為也。拊翼徘徊而上曰搏。

歌

烈婦趙某氏歌並序

賀寅炳

烈婦某氏，西滑村農民趙某妻也，幼爲洛陽人，歲荒轉鬻①河北，趙之父見而收之，喜其溫順，因婚定次子而童養焉。趙農家也，而氏孝敬和睦，出自性成，爲詩書家所不逮。既長合卺②，琴瑟③甚篤，甫三載而趙病不起，氏奉侍湯藥，晝夜惟謹。病革④，趙執氏之手注而視之，口不能言，目已不瞑，氏泣曰：君將不忍于妾乎？當從君地下，勿爲拳拳也！言訖遂瞑，氏哀痛撲地。屢欲求死而苦爲家人所防，乃于柩前哭奠，日三次焉。數日卜葬郊外，氏挽柩而行，哭泣盡哀，路人爲之泣下。比臨穴封葬，倉皇間氏忽不見，瞬觀溝崖塵起，比視之則氏已墜崖死矣。時方盛夏，天氣清明，而溝通遠山，潦水忽下，泛氏屍于洪浪之中，識者以爲天洗屍

平陸縣續志

卷之下

藝文

九〇

也，乃收而斂之，葬同穴焉。時年二十一歲。夫慷慨赴死，學士之所難也，況農家婦歟！如氏者捐軀⑤殉夫⑦，義不食言，方之千古，即城頽石化之誼何以踰此！特攝芳貽世，有賴史筆，惜乎吾鄉之無其人也！顛軫⑧賀子聞而哀之，乃爲之歌以紀事，以俟後世之觀民風者擇焉。其辭曰：枝上啞啞烏啼宿，少婦夜傍牀頭哭。手和餌灌嚙夫婿，夫口不下夫病篤。憶兒生長本洛陽，嚮來河北兒度荒。初到夫家夫並小，每學擲瓦卜鴛鴦。鴛鴦見所有成命，脈脈無言心兩定。夫漸學耕兒學織，從此安排攝家政。盈盈始至三五春，桃花嫩嬌怯風塵。四目溶溶兩含意，對人羞語背人親。一朝鵲羽填銀河，洞房婉轉聽笙歌。春來正學雙燕舞，豈意三載夫病疴。牀頭奄奄死別難。覩此慘情鼻痛酸。謂夫目瞑妾心安，妾言出口不食言。夫死妾當從地下，夫情戀兒兒豈愁。嗚呼！春蠶未繅蠶先槁，百年緣會何草草。山盟猶自在人間，竟把初心負偕老。已矣相見永無期，昏痛屢絕心自悲。妾未抱子親又老，兒何生累高堂爲。從今呼夫夫不應，自此哭夫夫不知。靈前酌酒⑨日三次，事夫猶如夫在時。匆匆郊外新卜塋，出門手挽輜車⑩行。六月呼天肅霜落，萬林烏悲寂無聲。忽報溝曲塵起滅，臨崖撒手意絕決。可鄰玉碎花飛日，化作杜鵑猶帶血。此時天氣

晴還明，潦水忽下石走驚。千山濤捲冰姿起，兩崖人呼珠淚傾。語人莫道天心痴，天憐烈婦天洗屍。

注：

- ①「鬻」：音育，賣也。
- ②「合巹」：音合錦，夫婦成婚之初夕，同杯共飲酒也。
- ③「琴瑟」：喻夫婦感情之和諧也。
- ④「病革」：革音吉，病情沉重之時也。
- ⑤「柩」：音究，靈柩，即盛死者之棺木也。
- ⑥「捐軀」：捨身也。
- ⑦「殉夫」：爲夫死而犧牲自身殉葬也。
- ⑧「輜輶」：今平陸縣之轎轎也。
- ⑨「醇酒」：醇音助，醇酒，奠酒于地也。
- ⑩「輜車」：音而，喪車也。

雜志類

平陸縣續志

卷之下 雜志

九一

夫志何取乎雜也？大易有雜傳，列史有雜志，盡變例也。蓋古蹟附變者滄海桑田，地之變也，林墓附變者幽明殊途，人之變也。寺觀附變者崇尚非常，道之變也。災祥附變者見聞駭異，物之變也。然因革之制運爲之，興廢之道繫焉。隴木之拱賢爲之，表彰之義繫焉。異端之攻人爲之，反經之道繫焉。垂象之示天爲之，省惕之道繫焉。君子能察其變而守其恆度，則幾于理矣。至恤典，災祲，官缺則詳記之。其舊志錯誤闕遺則補正之，庶備服官者之採擇焉，誌雜記。

古蹟

見前志者不錄

魏侯城：按一統志城在縣北五里，即古魏國。晉獻公滅之以封大夫畢萬。曾孫絳于此，漢置河北縣屬河東郡。由此觀之，則春秋以前縣非虞地矣。

古焦國：在縣治東北五里，地志古焦國，武王克商封神農之後於焦，蓋以焦水得名，今其地有神農廟。按古焦國與魏侯城地址相近，其後改爲魏侯城歟？今船家溝焦泉即其地也，姑存之以俟考。

砥柱峰：在三門東迤南黃河中流，孤峰峭立，斷壁巉嶮，高數仞，石形如

柱故名。禹貢東至于砥柱即此也。孔安國曰：砥柱山河水分流包山而過，石見水中若柱然也。

三門山：在縣東五十里黃河中，《水經》云：禹鑿河道，三門既決，謂之三門。《綱目》山有三門，禹鑿以通。南曰鬼門，中曰神門，北曰人門，故名之。前提學副使陳棐題其壁曰：宇內大觀，九年底績。萬世永賴，千尋丹碧，萬古風雷。其它題咏尤多。

米堆山：在三門東，德宗時漕運經砥柱多覆河中，有山號米堆，舟人三門雇平陸人爲門匠，執標指麾，一舟百日乃能上，今舟有下無上，俗呼門匠爲灘師，運豫鹽者尤覓虞人指揮焉。

錫窟：在縣東九十里箕山下，有白玉窟名曰：「錫窟」。一統志箕山產錫即此，今無。

仙人膝：在縣東北四十里西石山之麓，石上有痕如膝，世傳有仙人飛升于此。

林墓見前志者不錄

平陸縣續志

卷之下 雜志

九二

虞芮二君墓：距縣治五十里，在閒田前東南隅。

宮之奇墓：在縣東四十里舊辛店里，大冢壘壘，傍有看墓寺，即永順寺。今寺廢古冢尚存。

柴王墓：在縣東十五里劉家嶺東，前列石羊石虎，世傳爲周世宗陵恐非？或言系其祖墓，似爲近之。

寺觀見前志者不錄

迴龍洞：在縣屬東侯村西，建于唐代，僧成圓重建於前明嘉靖九年。

清和觀：創建詳前志，嘉靖二十年地震圮，村人重修，增生令狐名嶽有記。

潛溪前寺：創建詳前志，今土人呼爲紫溝寺。

蓋元庵：在縣西三十里元里村，創建詳前志，雍正間已圮，改爲西鄉義學，後義學廢，今建觀音堂。

隆禧觀：創建詳前志，乾隆間爲縣城之義學，後義學廢，同治十年知縣劉崇禮，按畝捐民以葺①寺，壯麗一新。

注

①「葦」，音集，修補和修理也。

詳異

乾隆三十四年八月，彗星見東方，長數丈，橫數尺，氣如白練，月餘而滅，三十八年閏三月，天鼓鳴①。四十一年大有年，六十年大饑。

嘉慶十一年大饑，人相食，十六年九月，河水大漲。北侵沙口，醫頭二村數十步，壞田舍甚衆，知縣陸樟祭之始息。二十年八月，陰雨連綿，四旬有餘，九月十九日夜，有形云②自西北直亘東南，少頃始散。地大震如雷，天地通紅，大樹掃地復起，房屋搖動，平地忽裂數十丈，涌出黑沙水，開而復合，損壞房屋無數。凡傍崖居者多壓死，邑內惟西牛、下牛、王家溝、越冀、鞍嶠等村災最重，嗣後或一日數震、數月一震，如此者約四、五年。

道光七年二月十五日戌時地震，三越月而安。十七年七月飛蝗入境，食盡田苗，秋無粟。二十三年四月十一日午時日蝕，既。七月十四日，河水瀑漲溢五里餘，太陽渡居民半溺水中，沿河地畝盡爲沙蓋，河干廬舍塌毀無算，葛趙村西，河水

平陸縣續志

卷之下 雜志

九三

大漲，有禹王廟外四面皆水，內數十人不得出，俄見水勢視牆高丈餘而不入，人得無恙，俗傳廟內有避水珠云。三月十五日，陡溝村民焦三姓妻一產三男。二十六年大饑，人多餓死。二十七年正月初八日夜半，電光屢見東方。二十八年大有年。二十九年夏大雨，秋大熟。

咸豐元年十二月初八夜，地震如雷，食頃方止。二年麥豐登。六年望原村雄鷄生卵。七年飛蝗蔽日，大傷禾苗。八年七月二十四日彗星昏見西北，晨見東北。九年正月風霾③挾旬④無秋。十年春大荒，人食麥根。十一年大有年，六月二十四日，大風拔木。

同治元年六月飛蝗食苗殆盡，七月十五日星隕如雨，由西北至西南。九月星隕西南而有聲。十月地震。三年六月，飛蝗蔽日，韓澗里坡底村牛生五蹠⑤。五年冰

陽坡即兵揚坡農家牛產一犢，兩首，雙項而連其背。九月夜隕火，天鼓鳴。六年七月

十六日，大風拔木，摧折平垣營旗杆。八年六月大雨雹。張店鎮后土廟謝雨演劇，卓午⑥雷電交作，大雨、火龍撲人樂樓，優伶震斃三人，傷如火爍者四五人，旋從樂樓後簷揭瓦三片，穿小孔而升，樞柅⑦間有爪跡，天旋霽。野樹枝折，留爪跡甚

多。九年三月初一，雪大如掌，夏秋瘟疫盛行。十一月十一日戌時，大星自北隕南有聲，光芒燭天。十年十月初一，薄暮大雪，疾風，張店一帶民居雪擁戶，越三兩日始能出入，平地雪厚二尺餘。道路坎坷，雪盡蓋平，行人陷入凍死，雪消始見。十三年六月初十夜，有星自東隕西，天鼓鳴。興郭里，槐下村雌鷄化雄。

光緒三年，自春徂冬，二百餘日無雨，秋夏不收，宿麥未種，斗米五兩零，草根樹皮剥盡，父子相食，人死十之八九。十月大風，奇冷，井冰。五年三月大雨雹，麥歉收。五月遍地生炸蝻，六月田鼠食苗，無秋。八月狼出食人。十月初一日，鞍嶠村賀淑世之妻吳氏，一產三男。棗溝村有瓜甫生暴長，七八日至五十餘斤，村人駭異，摘去之。十月田鼠相食。六年二月，阮南村北溝狼相食，土人逐之，僅留頭足。

注：

①「天鼓鳴」：天鼓，星名，有聲如雷而非雷，曰「天鼓鳴」。

②「形雲」：赤色之雲。

平陸縣續志

卷之下 雜志

九四

③「風靈」：風雨加塵土也。

④「挾旬」：挾通淡，挾旬，十日也。

⑤「蹠」：與蹄同，蹠足也。

⑥「車午」：正午也。

⑦「樞稅」：樞音書，門之轉軸，稅音拙，梁上短柱。

外紀附

乾隆三十三年六月初九午時，車村陂池水忽溢出，南路稍低，約流百餘步，其北尚高，亦溢至二十余步，約食頃乃止。

嘉靖十六年九月，下卓村移建關帝廟於巽地，落成後畫工塑像屢不就，夜夢神示其處，次日忽聞廣德村東溝，地吼如雷震者三日夜。地中特出青桐一株，圍數握，高四尺許，無枝叶，畫工往視尺寸恰合，遂用之以成神像。

道光二十年，西車村周氏家廟綠竹開花數十朵，形如蘭花，色藍，月餘後結實圓如豌豆，色黑開二度。

咸豐間有仙鶴一對，突至常樂村翔舞數日，後不知所終。

少祖山后土廟舊有古鐘伏地，相傳動則有災，同治元年二月間賽社時有年幼恃力者動之，一物突發，幾至傷人。其物人莫之識，俗傳爲石虎云。

同治元年三月二十四日夜，陝州婦女忽哭聲震地，齊奔河干，邑人疑賊陷陝州，莫不惶恐，逃者甚衆，次日探之寂然。詢陝民亦莫知其由，識者以爲兵兆云，後果然。餘詳兵事

同治十一年文明坡底陂池，綠萍浮水，香氣遠射，病者飲之即瘥，男女往來取水不絕，月餘如初。

自唐人立小說，事多荒誕無據，故草野紀錄其異見異聞，每爲大雅所不取。然雖迹近怪僻，理涉幽渺，而天地之大，何所不有，況其事其言可以昭吉凶而資考鏡者乎！蒐羅不厭其詳，折衷務歸乎實，此外紀之所以附志也。

卹典

養濟院，在東門外，創建不可攷，正房三間，角房一間。

漏澤園，二，見舊志，創建無攷。嘉靖癸亥知縣王發蒙建垣立石焉。後因葬

滿，光緒元年署知縣葉廷棟於南門外捐俸售民田四畝，勒石記之，今已瘞^①滿，不

平陸縣續志

卷之下 雜志

九五

可復葬矣。

注：

①「瘞」，音送、埋也。

逸事

進士趙士旂 襄城人

徐將軍者，余不知生爲何如人，死爲何如神也。見其有廟嶙然，有像儼然。詢之道士爲余言曰：將軍解州曲村人也，姓徐氏，元末爲其州皂衣^①，州之守峻于法，行刑酷虐^②，勿有所私。將軍於是惻然動念曰：予小人誠不敢撓法^③，而捶楚之下，血流被體，呼天搶地，誰非父母之身而厄此三尺者乎！乃以鵝翎盛他物血，鑽竹板穴中，每行刑不一二板，其血立見，州守見之，遂命釋去，率以爲常。同事亦無知者，一日州守坐堂上，見一人皂衣紅巾，足下勃勃有生氣，離地二三尺許，乃召問之，以爲有怪術，不言且死，將軍俯而思，仰而答曰：予小人，誠非有怪術者。守曰：爾有陰德^④乎？曰：無之，即有亦不自知也。守亦莫窮其然，遂命之退，至家不數日而將軍歿矣。歿之日有全州人自京來途次見一官，儀仗甚衆，而侍從皆異狀，惟將軍服故時衣冠從其後，與京來者相與語，勞問如平生，乃告曰：予

之所從者，平陸縣主也，將人覲矣，言畢出白銀十兩囑曰：汝歸語吾家，若欲見我，當俟我于平陸北關，遂別去。京來者如其言，往詢之備述相遇之故，且出其銀曰：某所寄也。其家驚且疑曰：死有日矣。及問其死之日，即途中相見之時也。其家因以爲神，如期至平陸北關，將軍果至，如生人狀，行於市，但不與其家人交一言，隨窺其行，竟入城隍廟矣，因知所從者乃顯佑尊神也。而人覲者，即謁上帝也。縣之父老相與塑將軍像於城隍之側，銀冑綠鎧，禱之無不應。順治三年縣二尹馬公移將軍于廟之西偏，始有專祠。歲時土人會于祠下，凡有水旱疾疫輒禱之，生民賴焉。斯言也，余蓋得聞于道士云。夫竹板藏血，則亦可爲義人哉！方將軍之爲此也，豈爲後日計？而一時惻憫之心，上不廢法，下不苦刑，非所爲經而能權者乎！彼堂上者嚴刑峻法，草菅⑥民命，毫無戚容，是爲人上者之心，反不若奔走皂衣之徒，良可羞也！余述其事，俾後之拜謁者有戒心焉！豈徒將軍專美于前哉！爰爲詞曰：烈烈將軍，臚于正祠。有廟翼翼，土人與立。黃河滔滔，條山砥砥。水流山峙，將軍維茲。作威之徒，軒冕灰飛。將軍之靈，方如日曦⑦。客遊晉土，敬贊微詞。拜廟下者，仰法乎斯。

平陸縣續志

卷之下 雜志

九六

注：

- ①「皂衣吏」：舊稱役于官衙，出司呵殿，入執刑杖侍立者曰皂吏。即舊日之衙役也。
- ②「酷虐」：殘狠暴虐也。
- ③「撓法」：阻撓法令也。
- ④「捶楚」：捶打痛苦也。
- ⑤「陰德」：有德于人而不爲人知也。
- ⑥「草菅」：菅音尖，多年生如白茅也，殺人如芟草，故曰「草菅」。
- ⑦「曦」：音夕，太陽光也。

虞風俗攷附

縣尹 柴應辰山陰人

平陸南北袤①四十里，東西亘②二百三十里，枕山帶河，坡沙溝澗，而東山遼曠，人迹罕稀，地多石田，難施畚插，此疆里之凋敝，初不關乎人事也。遡厥盛時，生業浩繁，力本者衆，幸不致有土滿③之憂，故憲綱列于安夏之次，有以也。夫自遭成化之荒歉，崇禎之饑疫，日不聊生，轉輾溝壑甚至易子而食，析骨而炊，誠有賈策④所不及哭，鄭圖⑤所不及繪者矣！而又加以流寇之蹂躪，陸梁之嘯聚，

逃者固逃，而存者亦逃。貧者固貧，而富者亦貧。當斯時也，竟不知有生人之樂，安知有國計之重乎！是以舊志編戶五十五里，裁而爲三十六。既而減爲十八，又復併爲八里，盛衰之狀，非其明驗歟！

國朝惠愛元元，生聚教養，人民少集，田野甫治，其時之司牧，宜乎加意撫循，猶恐不及，而迺益以頭會箕歛^⑥，正如尪羸之夫，沉疴稍起，參、苓、芪、朮^⑧滋補不遑，而盲醫狂悖^⑨，反投以刻削之劑，其不抵於困斃也幾希矣！比余來蒞殘疆，凡迎謁道左，匍匐公庭者非鶉衣短褐^⑩，則鵠面鳩形，覩茲情景，慘目傷心，憶後之視今，亦猶今之視昔，針砭前人者不得不先針砭，寧敢妄違功令，肆無忌憚乎！然自甲寅及今五載，其間催科之緩急，撫字之善否，余苦不自知，聽諸士民之口而已。若夫風俗，率皆儉樸，衣食器用，不雕不飾，茅茨土階之風，陶復陶穴之化，猶有存者。惟是輕生之輩，等性命于鴻毛，健訟之徒，投控牒如兒戲。不加禁飭，長此安窮。且逋賦^⑪未清，急議婚嫁，謬畢子女之歡；夙債未完，甘質租課，不顧身家之累。斯皆風尚之苟且，尤當亟於釐正者也。夫好逸惡勞，人之常情，而虞爲獨甚。男不勤耕，女不知織，衣食之源尚然如此，而況

平陸縣續志

卷之下 雜志

九七

其下此者乎！余雖多方告誡，無如習俗難遷，轉移化導之權，不得不負疚於胸臆間也！

按：

柴令此文，對平陸災後之貧困狀況，頗多描述，亦有同情之心。惟論及民俗，除正確者外，尚有諸多謬誤之處，如說什麼「輕生」健訟「好逸惡勞」、「男不勤耕」、「女不知織」等，則是以偏概全，言過其實。要之，在于誇大其「轉移化導之權」耳。古來官吏往往如此，希後之閱者留意焉。

注：

①「表」：音矛，長度南北曰「表」。

②「亘」：竟也，延長也。

③「土滿」：《管子》：地大而不爲命，曰「土滿」，即地廣人稀不能耕種也。

④「賈策」：賈誼上漢文帝之治安策也。

⑤「鄭圖」：鄭俠所上宋神宗之流民圖也。

⑥「箕歛」：苛于民財，如用箕歛物也。

⑦「尪羸」：疥瘦，羸弱也。

⑧「參、苓、芪、朮」，即人參、茯苓、原芪、白朮之類補藥也。

⑨「狂悖」，狂暴悖理也。

⑩「鶻衣短絰」，補綴之蔽衣，短粗之衣服也。

⑪「鶻面鳩形」，形容人久饑窮枯之象也。

⑫「陶復陶穴」，制瓦器爲陶，又衣名，衣陶服而居窑洞也。

⑬「逋賦」，逋逃賦稅也。

附平陸形勢序

李醇邑人

平陸地瘠民貧，非它邑比，所轄地方，南濱大河僅二里。北屆條嶺，相距四十里。半爲溝塹，居民鮮少，東西雖延袤二百餘里，多被山溝陡澗侵占。東山一帶，內多石田。百年前民尚蕃衍，地多開墾，舊制列于中縣，頗亦相稱。逮屢遭兵荒，村落半成丘墟^①，黎庶化爲荆棘。三五烟火之家，亦爲一邨。土曠人少，名曰「土滿」，矧地居僻壤，從無經商于外，民多習懶，又無技藝在身。搢紳數十年間出，不能接踵相繼。宦遊者落落晨星，凡賦稅衣食，悉取諸田畝，外此毫無錐刀之利。噫！天災流行，何代蔑有，一值風雨行期，旱澇不均，或散於四方，或填乎溝渠，

平陸縣續志

卷之下 雜志

九

道殣相望，不忍寓目。崇禎六年秋禾未登，民死者三，逃者二，地半荒蕪，編審三十五里而攢^②爲十八里。十三年復遭奇荒，夏麥薄收，秋全無。木皮草根，搜食無餘。繼而骨肉殘食，析骨爲炊，倫紀滅絕，史未經書，誠千古一大劫也。元氣大傷，百年難復。十五年將十八里僅攢爲八里，視百年前不啻宵壤矣。然欲知田賦之減增，湏勘地畝之荒熟。既悉地畝之荒熟，自瞭民數之生耗。未有土田荒而人民少，猶以賦之常數責之也。即有田之家，如蹈湯火，每值催科，剜肉醫瘡，幾幾罄屋，甚至敲撲^③不前，官斯土者鯁鯁^④然日以爲憂，求一脫苦海而未由。地方殘疲已極，不惟蒼赤苦，官長尤苦，有心世道之君子，覽其形勢，察其風俗，將薄賦恤民之不暇，而遑他務乎！是爲序。

按「虞風俗攷」及「平陸形勢序」俱見古志，前志續修悉刪之。第閱其文，於歷次災祲，民生疾苦各情形，尤剴切詳明。今特復爲載人，並將地震大浸及各官缺分附記于後，以備士大夫之採擇，庶臨民者知閭閻之休戚，地方之凋敝，官員之賠累。此次災祲，武弁因荒死者三人，已詳^⑤論于後矣。官民之苦于斯已極，因之去歲詳免荒地之丁糧，以紓民困，今秋復將本縣申請改歸苦缺，以免官累。處此瘠

區，力爲補救。其戶役差徭設法籌辦，以期不負斯民，無愧于心云。

注：

①「丘墟」：荒城遺址已成土丘矣。

②「楹」：音臂，聚集也。

③「敲撲」：輕打也。

④「齷齪」：與齷齪同，担心害怕之貌。

⑤「詳」：官文書名，舊時下級官員對上級官長之報告曰「詳」。

地震記附：

柴溥

邑人時年七十一歲

嘉靖二十年乙亥，九月十九日夜半，余夢驚醒，覺身簸搖，幾欲墜地。耳畔聞屋瓦飛鳴，如風馳雨驟，虎嘯而獅吼也。兒輩窗外大呼地震，問余安否？余始倉惶而起，挑燈出視，但見東西兩屋，離地尺許，仆而復起者十餘次。當是時也，口噤目眩，心碎膽裂，不知魂之在體。踰刻稍平，偕兒輩步至村中，聞父哭子啼，兄號弟泣，牆倒屋塌，崖傾窳裂，崩摧拉雜之聲不絕于耳。至村外又聞鄰村有禱神聲，號佛聲，被壓者有求救聲，壓斃者有哭泣聲。又有鐘聲、鼓聲、鑼聲、鈸聲，如千

平陸縣續志

卷之下 雜志

九九

軍萬馬，往來奔馳，如鐵甲金戈，互相擊撞，自戌至辰，尚呼號不止，嗚呼！彼蒼者天，曷其有極①？傷心慘目，有如是耶！兒輩扶余歸，同弟約亭及諸子，明燭守視，四座寂然，俱悚懼恐惶，低聲嘆息而已。詰朝②有自縣來者曰：城頽矣，衙署倒矣，監倉壞矣，囚犯俱拘守大堂矣。越三二日有自縣東北來者曰：某村十傷五，六矣，某村十無二三矣，某村並無一人矣，噫，悲哉！冤痛又向誰訴哉。嗚呼！此劫也③，有一家壓斃一二人者，有一家三五人者，有一家全歿不留一人者。葬埋之具，有以箱代棺者，有以席代棺者，有以馬槽磁甕代棺者。更有無力裹屍，赤身填坑者，有掘土掩屍，崖復崩塌，復被壓死者，又有窳決被壓，前半土人溝中，屍挂半崖，隨風擺動搖搖如懸旌者，真令人目不忍觀。我平自前明嘉靖④三十四年十二月十二日及崇禎十五年六月初三日，兩次大震後，二百餘年未有此奇災也。邑侯陸公名樟，目擊⑤心傷，飛稟上聞，藩憲吳邦慶即帶領汾守，並各官六員駐劄運城，飭汾守率各員至平，分道勘驗，彙冊上稟，撫憲印衡齡據實奏聞聖天子惻然垂憫，疊沛恩施。仿康熙三十四年平陽府地震之案，撥運庫帑⑥銀賑濟難民，大口給銀二兩，小口七錢五分。又簡放欽差刑部左侍郎滿州副都統那寶彥，撫恤災黎，額外動

支藩庫捐項，查被災首重之家，加賞銀五兩，其次賞銀四兩，再次賞銀三兩，又每項加修費銀一兩。其損毀房屋窰孔，房一間全塌者，給銀一兩二錢，半塌者給銀六錢，以三間爲限。窰一孔全塌者給銀八錢，半塌者給銀四錢，亦以三孔爲限。有力者領弗給。旋奉諭飭各憲，核被災之輕重，詳細奏聞，蠲免^⑦丁糧。又飭官于各鄉煮粥散米，拯濟貧民，次年春又賞給壓斃牲畜銀兩以爲耕種之資。聖恩高厚，民無不以手加額，祝我天子萬年矣。然自今以往，百年之內，不知能殷蕃如舊否？此余所愿望而不可必得者也。

按是年八月三十日未刻天大雨，綿延至九月十八日微晴，十九日亥時又雨，片刻復晴，月明星朗而地震矣。自夜半及旦共震一十三次，壓斃人民三萬餘口，知縣陸樟自縊殉之。屢震連月不息，民無所居，各結草爲庵，時值隆冬，風寒雪烈，慘苦情形，不堪言狀矣！

注：

①「焉其有極」：何以到如此地步也。

②「詰朝」：猶言詰旦，明日也。

平陸縣續志

卷之下 雜志

一〇〇

③「劫」：災難也。

④「嘉靖」：明世宗之年號。

⑤「目擊」：親眼看見也。

⑥「庫帑」：國庫之公款也。

⑦「蠲免」：蠲音捐，免除也。

平陸官弁缺分叙附

沈承恩 山陰人

國家設官分職，委事責任以爲民也。而官必藉民以養，孟子云：無君子，莫治野人，無野人莫養君子，天下之通義也。平邑在勝朝地關民聚之時，官皆全設，而巡司倍之。迨夫明季，年饑用歉，職事蕭疏，初則裁簿，繼而去丞，後則白浪渡之巡檢吳邃，餬口無資，棄印宵遁，當事因之裁缺，何其前盛而後衰也？推其故，明初編五十五里，計六千餘戶。後遞減而爲八里，不及千戶，民皆逃亡，官何能存也？我聖祖仁皇帝軫念黎元，蠲賦減徭，生聚教養，人民蕃庶。嘉慶四年，茅津巡檢改設縣丞。乾隆嘉慶道光間，物阜財豐，平之爲縣，在晉南屬中缺，至咸豐初年，軍務防堵，邑兼當之，民困于役，前已論之。官則酬應捐攤，十倍于昔。而向之所資以

津貼辦公者，又皆歷年損革，有名無實矣。今天下以省計者十八，余所遊履者十有四，而官缺之瘠，莫瘠于晉，晉之缺以關南爲優，而關南之極優者，每歲用度之外，亦無數千金之盈餘。官一交卸，虧累者比比皆是，視他省之優缺迥不侔矣。關南之缺，以餘平鹽務爲辦公之資，關北藉馬乾雜稅爲津貼之用。考「平餘」之原，在勝朝初，每糧一石折銀二錢五分，官則加征火耗，令民倍納。爾時平邑額糧幾四萬石，折銀二萬餘兩。析而爲二：一解司庫，下餘之項，復兩分之，一歸邑之各官，一則津貼巡按監司府州辦公之資，邑之營造官用仍按里攤支。迄明中葉，國用不足，石糧加折一兩以上，官之火耗仍復倍徵，天崇^①間屢次額外加賦，火耗亦按等而加。民用財竭，饑饉^②溺^③戶口逃亡，而明鼎亦隨之革矣。民惟邦本，信不誣也。我朝順治二年，土田科則以前明萬曆爲准，天崇加賦悉除之。康熙間設各官養廉，裁革火耗，每徵糧一兩加徵一錢三分，作各官養廉之需，一切營造詳請發帑興修，准而後行，毫不累民。養廉足敷官之用度，而不足以資辦公，於是每正糧一兩加征錢餘，名爲「餘平」，以資辦公捐攤之用。除此之外，官毫無取於民，此「平餘」之由來也。官有養廉以資日用，有一「餘平」以津貼辦公，尚屬官民兩便。第至咸豐初

平陸縣續志

卷之下 雜志

一〇一

年，軍興^④以後，養廉減成核發，捐攤遞加五倍於前，晉章以四等分缺暫攤，平居其次，官之養廉所得無幾，今之「餘平」尚不足以抵捐攤，向之鹽務豫省津貼緝私經費千有餘金，後減而爲九百，七百遞減而爲五百。今則鹽引滯銷，數年以來分毫不付矣。向之當商，每家百金，計十四家陸續關閉，今皆歇業。知縣一官，歲無二千金之人，而捐攤應酬修脯日用一切非五竿不可。教官、典史歲無百金之人，武弁更無論矣。此次大侵，教佐之不轉于溝壑者亦屬幸免，而武弁三人均因荒死。

同職官類三四兩年武弁

之開缺者即如其名眷口皆亡，其存者亦流落不知去向矣。前之官斯土者日以爲憂，求脫苦海而

不可得。同治以來無任四年之知縣，訓導五六年無實缺矣。地方殘敝已極，蒼黎苦，官長尤苦，君子於此知卹官即所以恤民，保乳母即所以保赤子，當必有以處之！今列大憲慈惠廉明，一切寬免。本年檄裁佐雜之解餉幫費，其歷年欠款悉蠲免之。復議裁減捐攤，因於秋間將本縣詳請改爲苦缺，停止常暫捐攤。憲恩高厚，諒必允准，各官藉以敷衍支持，尚不至因尤。愿爲官者能除官場氣習，勤儉自持，力爲樽節，量入爲出，以寒士課讀處之，庶儉以養廉，不遺後日之累，而循良廉潔之名，將永垂不朽矣！

注：

①「天崇」：天啓、崇禎之簡稱也。

②「清磔」：連接再至也。

③「軍興」：指太平天國義軍的興起。

大稔記附

李貞年 邑人

旱潦之災從古有之，而旱既太甚，未聞如丁丑之最大。平陸民成務本，賴耕織以謀生，兼之關中糧船每年屢次達太陽，是以人雖作苦，鮮飽無嗟。同治十一年春末遇旱，夏麥歉收，而關中近歲不稔^①，糧船弗來，加以豫省一路粟價昂貴，外境客商往往在平買粟，由黃河水運而下，自茲向之稱素封^②者幾乎室如磬懸。蓋眩目前之利而冀以來歲之有餘，補今歲之不足也。年復一年，歉收如故，延至光緒三年丁丑，自春徂冬二百天無雨，秋夏一概不登^③，宿麥亦未得種，而旱災于此甚，大浸于此成矣。每麥一斗價銀自四五錢起至五兩許，每穀一斗價錢自二三百起至三千零，縱有良田莫措手足。既無顆粒，奚辦饗殮。始而貨服物以糊口，繼而鬻子女以偷生。久之，典賣已罄，饑餒難支。剥樹皮而食者有之，挖草根而啜者有之。父歿

平陸縣續志

卷之下 雜志

一〇二

而子不葬，啖其肉以救饑，子死而父弗悲，析其骸以爲爨^④。其在諸舊族故家，甘爲餓死不爲失節。至若田野之夫，惟窮斯濫。鹵莽之輩，作暴于凶。一變而爲乞乞，再變而爲竊盜，三變而爲搶奪。其倖而免者姑無論，但拘拿到案性命儼同草芥之微，其凶而狠者不足惜，彼輒善平民枷杖竟因掛誤而死。沿路肆掠，大盜圖財物以殺人，滿街行偷，小賊刁飲食以延命，世事汹汹，誰弗謂不測之禍將伊于胡底者？四年戊寅春仲，亂階似滅，而死口益增。待稼而地不毛，勤者都成游手。糴糧而囊無物，言之倍覺傷心。盈途皆餓殍，偏地盡殘屍，雖萬人之坑，時切掩埋。試爲之顧名思義而民之凋蔽已不堪言，矧溝壑之轉，疾病之亡尚多哉！及秋似稍有成，而人少地多，所種無幾，即所收無幾。五年己卯麥微收，六七月間遍地生蝻^⑤，碩鼠^⑥食苗，以及蝨賊螟螣^⑦一時並集，而秋穀爲之不成。斃斃子遺仍然食用不足。夫是災也，山西全省，河南、陝西各居其半，而山西較他省爲重。省南較省北尤重，而較被災之最重者惟吾平與芮埒^⑧。統計平民共十四五萬零口，留者不過三四萬零口，死者十之八九。其時閻縣捐粟共合銀六萬餘兩，作十一區以賑窮民，而窮民之死如故，而富民且有變爲窮民而死者。即曾撫憲、閻部堂^⑨奏請，共撥吾平官

帑銀一萬二千兩，東蘇漕米並官麥、官豆、官高粱京斗一萬五百餘石，由南北分來。南至鐵謝^⑩，北自平陽、翼城以重賑務，而轉運日多，幾有鞭長不及之勢。五年冬浙紳金觀察協助晉賑，散放白金萬餘兩，惜乎其遲且緩也！然由今思之，際此浩劫尚能留落數萬人，雖由陝州新建倉穀，會鎮商客販粟，足以渡河而救燃眉，而究未必非皇恩之高厚，克動彼蒼之好生耳。嗟！嗟！帝王之政求萬全，遇非常而始覺其善。聖賢之言歸一是，當大故而乃信其真。耕三餘一，耕九^⑪餘三，誰不知此，而竟數十年之辛苦，不克濟二三年之凶荒，抑何愚之甚耶！愿我平民謹遵勤儉之俗，勿開奢侈之風，以恪守餘一餘三之舊則，庶平常安豐稔，醉飽能歌，偶值凶荒，凍餒無慮矣！爰記顛末，以警來茲！

注：

- ①「不稔」：穀不熟也。
- ②「素封」：無秩祿之奉，爵邑之人，不仕而富曰「素封」。
- ③「不登」：穀不成熟也。語有「五穀豐登」。
- ④「噉」：音綽，吃喝也。

平陸縣續志

卷之下 雜志

一〇三

- ⑤「糶」：音窳，生火做飯也。
- ⑥「蝻」：蝗之幼虫也。
- ⑦「碩鼠」：《詩》篇名，以鼠食禾比做貪殘之政。
- ⑧「蠹賊，螟螣」：蠹賊害虫，專在泥土中食稻根，「螟螣」害稻虫也。
- ⑨「埒」：音劣，等也。
- ⑩「曾撫憲、周部堂」：即曾國荃，周馥也。
- ⑪「鐵謝」：河南鐵謝。地名。
- ⑫「耕三、耕九」：耕三年而餘一年之食，耕九年而餘三年之食，古人重備荒也。

證誤

考縣城在商爲虞國，即虞芮質成于西伯是也。按《一統志》魏侯城在平陸縣北五里，即古魏國。晉獻公滅之以封大夫畢萬曾孫絳。戰國屬魏爲吳城，而前志以爲虞國地，晉滅耿魏，亦見經傳。虞都今縣北六十里之古城村，亦爲晉滅。夫周制大國地方百里，次七十，小五十，考之春秋，虞非大國，今城距虞都在六十里之外，西周時似非虞國，春秋之初，兼併未興，當爲魏地。且「糾糾葛屨」爲魏風，其地當在

河北。《一統志》古魏城在縣北五里，必有所據。年代久遠，其前志失攷歟？姑志之。又縣東北五里有焦水，古志以爲焦國地。武王封神農之後于焦，在陝州南二里，爲虢所滅，今並存之以俟考云。

又按一統志東漢置河北縣^①，而前志誤以爲隋置河北縣。正德二年王經修葺公署，而前志誤爲嘉靖四年蒞任之王紳。於田賦，兵額，均皆舛錯。白浪渡距縣一百二十里，而誤爲一百八十里，諸如此類，不可枚舉，今于各條下辨之。

注：

^①「河北縣」：續志對河北縣的證誤是不正確的。按後漢書郡國一載，河東郡有大陽縣。下注有吳山，上有虞城，有下陽城，有茅津，有顛轉坂。則此時平陸仍爲太陽縣矣。

在此，同一書中，另記有河北縣，下註詩魏國，有韓亭。故此一河北縣當是芮城。

據《山西歷史地名錄》載，平陸縣：周武王封虞仲爲虞國，春秋時爲晉大陽邑，以在大河之陽故名。漢置大陽縣，屬河東郡，魏晉因之。北魏太和十一年（四七八）河北郡來治。大陽縣屬之。北周天和二年（五六七）改名河北縣，爲河北郡治。隋開皇初郡廢，改屬河東郡。唐初屬蒲州，貞觀元年（六二七）改屬陝州，天寶元年（七四二）陝郡太守李齊物開三門以利漕運，得古刃，有篆文「平陸」二字，遂改名平陸縣。

《山西歷史地名錄》芮城縣：古爲魏國，春秋時桓公三年（前七〇九），芮伯萬爲其母所逐出奔魏，築城居

平陸縣續志

卷之下 雜志

一〇四

之，因名芮城。晉獻公滅魏，封于大夫畢萬。漢置河北縣，以在大河之北故名。屬河東郡。《河北縣故治在今芮城縣北五里即古魏城》東晉時姚秦于縣置河北郡，北魏太和十一年（四八七）郡徙，縣仍屬之。北周天和二年（五六七）移往大陽。在此以前，西魏于今縣東十里東張村另置安成縣，屬河東郡。北周明帝二年（五五八）改名爲芮城縣。自此，芮城縣名歷代均不改。

補遺

營建類

倉廩

北社倉在北門外迤東城壕北岸，明弘治六年知縣喬恕建，十一年知縣侯尚文徙吳字廩於此，久廢。嘉靖三十二年御史尚公維持命易地以廣學路，拓邑人趙聯芳學前地二丈三尺，以倉地一丈二尺易之。明年守巡檄建社倉，署縣事吉州州判徐文旆以一時詘用，仍勸趙聯芳蓋廩五間，外門一座，估計四十八金，具聞兩道，給地六畝。後改建馬神廟，亦圯。遺址乾隆四十七年知縣李鍾淑改建義學。

社縣東三十里八政南，明嘉靖三十三年署知縣徐文旆建倉廩五間，周垣

職官類

文職 知縣

王經明正德元年任，修葺衙署，多所建置，見古碑。

徐文旆明嘉靖三十三年署任，修建社倉，見古志。

選舉類

仕宦

國朝員若虛，康熙壬申副貢生，官太平縣教諭。

人物類

隱逸

漢、王輔，字公助，學公羊傳援神契①，常隱居野廬，以道自娛。辟②公府舉有道對策，拜郎中③。陳災異，甄④吉凶有驗，拜議郎⑤以病遜。安帝公車徵不至，卒于家。見後漢書

注：

①「援神契」：書名。孝經緯也。言孝道之至，行乎陰陽，通乎鬼神，上下古今若執符契故名，原書已佚，今所傳「援神契」則等諸雜識矣。

平陸縣續志

卷之下 雜志

②「辟」：音壁，薦舉也。

③「郎中」：古官名，唐以後，六部均置郎中為諸司之長。

④「甄」：音珍，甄別，審察也。

⑤「議郎」：官名，漢制，秩比六百石，特徵賢良、方正、端樸有道之士任之。

治績

明令狐一峰，號河濱，東關人也。敦厚篤學，書既熟尤讀百遍，數不足不止，隆慶元年拔貢，任深澤縣丞，歷署縣事。居官公正清直，著有「慎習復性圖說」，尋擢知縣，壽九十七歲，至老不杖，人呼為令狐老實。

忠孝

侯錫瑁，字文刻，歲貢生。崇禎初仕平定州學正，越二年遷大同教授，才敏學優，舉止端方。流賊陷城盡節公堂，子增生度貞、度清，隨瑁在任，亦罵賊死，今二百余年，人猶稱其忠孝。

平陸縣續志後序

庚辰夏予輯夏縣志既成，適平陸劉使君子儀以其邑新纂之續志走倅①示予，命

予一襄參校也！披其稿，則山陰漢卿沈子所編輯。今使君昌黎劉子所核定之。二子皆當代名儒，其爲志則文約而不漏，事備而不繁，其斯足以傳矣，奚待予之參校爲？顧以二子之虛以下問也，未敢以固陋辭，勉加考訂，間以管見商去取。精益求精，期毫髮無遺憾。事訖將報命二子，吾知二子如泰山河海之無不包容，當不以土壤細流棄之也！夫郡邑之有志，所以信今而傳後，殆未可苟焉矣乎！自「禹貢」職方而後漢爲《地輿志》，唐爲《括地志》，宋爲《寰宇志》，元爲《一統志》，皆今世郡邑志之濫觴②。然率合天下而志之，非專志一郡一邑，若郡邑志之獨稱者，古今未易數數③。隋刻錄齊乘，行于宋元。李吉甫④所著《元和郡邑志》善矣，後賢猶譏其闕漏。有明《郡縣志》爲大備，王新成《蠶尾集》，獨稱秦志甲天下。如朝邑，武功、高陵、平涼、富平、北地、鄠、耀、秦、郿、華諸州縣率以秦人志秦事，猶有二輔決拾之遺。紀文達⑤《四庫全書提要》謂：郡志以范大成《吳郡志》爲准，縣志則以康海《武功志》爲得法，而韓邦靖《朝邑志》猶推絕作。蓋康書削繁濫之習，書止七篇，義例分明；韓書僅二十餘紙，上下數千年，包括鉅細，若有餘閒。故文簡事覈⑥無出二子右者。予嘗熟讀其書，洵哉其足爲天下後世修志法也。今平陸續志括以十類，體例詳審，足示來茲。

平陸縣續志

卷之下 雜志

一〇六

所謂約而不漏，備而不繁者，非深得文簡事覈之遺意乎？此二子之所以志乎予，竊幸二子之樂取人善，俾一得之愚亦獲附青云以傳也。例得贅以言，亦惟取此簡且覈者，知二子之爲斯志有如此，且令讀斯志者知斯志之所以傳，不外乎此。

光緒庚辰立秋後三日，漢南張承熊謹識。

注

- ①「什」，使者。
- ②「濫觴」：江河發源之始，僅記濫一觴之概，故建始曰「濫觴」。
- ③「數數」：數頻也，屢次也。
- ④「李吉甫」：唐贊皇人，憲宗朝爲宰相。
- ⑤「紀文達」：紀昀字曉嵐，清河間人，官至協辦大學士，修四庫全書爲總纂，撰文達。
- ⑥「覈」：音合，考查審覈也。

採訪司事紳董

趙 碩	李仕榮	解 遴	毛繼先	富寅清	段煥章
王誕登	令狐敬	解惠連	石和鈞	周奉琮	高靈台

郭言性	鄧玉徵	王恩炤	張步青	周尚赤	仝儼
呂作霖	趙之璽	丁裕恒	趙佩珩	楊欣	楊榮昌
令狐攸叙	張建勳	席尚德	段致方	李何穠	令狐狸田
史玉堂	孫念祖	樊登瀛	吳寶仁	劉赤建	員夢魁
郭言詩	趙夢梅	趙恒然	李世泰	張蓉萼	尹作書
回乘雲	任孔哲	楊五常	李埇	裴克昌	石秉鈞
吳仰澄	張百忍	胡煥章	毛豐潤	衛憲周	荆斯變
蔣文煥	員承天	解雙璧	李昌新	朱凝詳	席高舉
史長清	史執簡	王清源	李擇彥	呂作賓	王生貴
郭青光	葛居岡	席月德	王青選	荆蓮	梁鼎立
吳正壯	楊蔭甲	王德新	尹安	張如芹	王治化
席盛元	員至魁	李中正	史廣益	席文成	史全經
令狐增耀	車乘騎	馬長江	陳仲玉	楊振清	靖道生
楊啓明	趙鵬舉	楊作舟	史全緯	吳家訓	譚致祥

平陸縣續志

卷之下 雜志

楊方行

宋元會

楊天性

王仲子

曹存養

翻印平陸縣志後記

平陸縣志編纂委員會翻印平陸縣志，辦公室張明堂主任以舊志係文言，多典故，缺句讀，閱讀不便，邀程寬與雲程等負責標點，注釋，繕錄，校訂。

寬年過八十而學久荒，雲程亦歲越古稀，恐懼不堪當此重任，顧國家正當四化建設，物質、精神文明同時並舉，而方志之整理，精神文明建設也，義不容辭，乃接受任務，所謂老當益壯，不墜愛國之志而忘其固陋者也。

斷句標點，務通其文意，順其詞理。注釋則言文並用，闡解明確，不違信、達、雅之旨，寬負責，繕錄舊志，不失其本來面目，校訂新著，錯誤必改，不使貽誤將來，雲程負責。

自去冬到今夏，為時半載，連錄帶注不下二十餘萬言，經于有關方面反復研討，辦公室同志參與修定，乃勉共完成任務。固知疏漏誤錯，在所難免，尚望領導與閱者多賜指正！

程寬

石雲程 一九八四年五月十五日

平陸縣續志

卷之下 雜志

一〇八



封面設計、題字 王安溟

內封面 題字 張明堂

臨摹插圖 趙立宋

責任校核 張明堂 楊恩贊

王秀英 郭建星

責任標注 程寬 石雲程

揚州市邗江古籍印刷廠印刷